

# Lahona

## Faaleleia LAU Suesuega O LE Tusi a Mamona

itulau e 5, 34, 38

O le Auaunaga e Mafai  
Ona Sili Atu Nai Lo  
"O Se Mea e Tasi"

itulau e 8

PERESITENE BALLARD:

O le Aao o le Alii i le Sauniaina  
o le Lalolagi mo le Toefuataiga

itulau e 12

## Tamaiti ma le Autalavou

Ua Tali e Taitai o le Ekalesia  
Fesili e 9 itulau e 20

Fesoasoani i le Autalavou e Ausia  
A Latou Sini itulau e 26

UA I AI  
IINEI LE  
EKALEΣΙΑ

# Leipzig Siamani





I Leipzig i le 1519, na aafia ai Matini Luteru i se finauga lea na faamalosia ai le Toefaatulagaina o le Porotesano, na fesoasoani e saunia le lalolagi mo le Toefuataiga.

O ni nai mea moni nei e uiga i le Ekalesia a lesu Keriso o le Au Paia o Aso e Gata Ai i Siamani i aso nei:

Siteki (e tasi  
e i ai i Leipzig)



3

KIRCHE  
JESU CHRISTI  
DER HEILIGEN  
DER LETZTEN TAGA

Misiona

Malumalu



39,917

Tagata o le Ekalesia

152

Faapotopotoga



1843

Ua faatulagaina le uluai faapotopotoga i Tamasatal.

1961

Na fatuina ai ni siteki se tolu.

1985

Sa faapaiaina le malumalu o Freiberg i le mea sa taua i lena taimi o Siamani Sasae; na toe faapaiaina i le 2016.

2019

Na toe faapaiaina le Malumalu o Frankfurt ia Oketopa.





Faapotopotoina o Isarelou  
e ala i le Auaunaga

8



Tamaiti ma le Autala-  
vou: Amata Malosi

20



O le Ala na saunia ai e le Alii le  
Lalolagi mo le Toefuataiga  
Peresitene M. Russell Ballard

12



Faamalosiauina  
o le Tupulaga Faiae  
Wendy Ulrich

26



## O le Vaai atu i le **Lumanai**, ae **Siiitia** e le **Taimi** ua Tuanai

**M**o le toatele o le lalolagi, o le tausaga fou o se taimi lea  
ai mafaufau ai i le lumanai. Ae o se taimi foi e aoao  
ai mai le taimi ua tuanai. I lenei fetaulaiga ala sa tatou i ai  
ma le mea o loo tatou o i ai, tatou te maua ai avanoa e  
tuputupu ae ai.

I lena agaga, e le gata ua i ai i lenei lomiga ni nai suiga  
fou mananaia mo le lumanai, ae ua suesue ai foi mai lo

tatou taimi ua tuanai ina ia malamalama ai i la tatou vaega i le mea o le a oo mai.

O le tausaga lenei tatou te faamanatuina ai le 200 tausaga o le Uluai Faaliga. Ua saunia e le Au Peresitene Sili ma isi se faasologa o tusiga e suesueina ai le taimi ua tuanai ma fesoasoani ia i tatou e mamunuina lo tatou lumanai. O le masina lenei, e fesoasoani ai Peresitene M. Russell Ballard, o le Sui Peresitene o le Korama a Apostolo e Toasefululua, tatou te malamalama ai i lo tatou tulaga i le Toefuataiga faifai pea o le malo o le Atua ma Ana taumafaiga e saunia i tatou mo le Afio Mai Faalua (tagai i le itulau 12).

O le vaai atu i le lumanai, e maua ai foi e lenei lomiga ia punaoa mo le taumafaiga fou a le Ekalesia e lagolago tamaiti ma le autalavou (tagai i itulau 20 ma le 26) ma faalaulioa atu ai le kosi o le suesuega o le Tusi a Mamona mo tagata taitoatasai ma aiga (tagai itulau 34 ma le 38). Ua folasia mai e la tatou anotusi mo le autalavou le autu fou a le autalavou (tagai i itulau 56 ma le 60).

Matou te faamoemoe o loo faaaauau pea ona avea le *Liahona* ma se punaoa taua i le lagolagoina o a outou suesuega o le talalelei e totonugalemu i le aiga a o tatou agai atu i luma faatasi, e uunaia e le gasologa o le taimi ua tuanai.

Adam C. Olson

Pule Faatonu

# Anotusi

## 5 Manatu o le Tusi a Mamona

O ai lesu Keriso? ☺

## 6 O Atatusi o le Faatuatua

Rachel Lighthall — Kalefonia, ISA ☺

Sa fesoasoani le faatuatua ia te ia e iloa ai le aao o le Atua i le lotolotoi o se afi faataumaoi.

## 8 Mataupu Faavae o le Auaunaga

Faapotopotoina o Israuelu e ala i le Auaunaga

Tagai i le auala e fetau lelei ai le auaunaga i le fautuaga a le perofeta e faapotopoto Israuelu.

## 12 O le Ala na saunia ai e le Alii le Lalolagi mo le Toefuataiga

Saunia e Peresitene M. Russell Ballard

O le tele o taulagalaga i le talafaasolopito atoa sa avea o se vaega o le fuafuaga a le Alii.

## 20 Tamaiti ma le Autalavou: Amata Malosi

E tali e taitai o le Eklesia au fesili.

## 26 Uunaia o le Tupulaga Faia'e

Saunia e Wendy Ulrich

Mafaufau i nei taiala e fa a o e fesoasoani i lau fanau e faatulaga ma ausia a latou sini.

## 30 O Leo o Le Au Paia o Aso e Gata Ai ☺

Ua maua e se afafine lana faatanoa o le molimau; o papatisoga o le malumalu e aumai faatasi ai se aiga; e toe foi mai fautuaga i le aumaia o le filemu; ua liliuina se faalavelave i se avanoa fou.

## 34 O le Iloaina e Lelei ae e Le Lava

Saunia e Steven C. Harper

Feiloai ma i latou o e na feiloai ma molimau o le Tusi a Mamona.

## 38 Sau, Mulimuli Mai ia te Au: Tusi a Mamona ☺

E mafai ona e faaaogaina nei tusiga faalevaiaso e faalautele ai lau suesuega o le Tusi a Mamona i lenei tausaga.

☺ Faitauga Vave

I Le Faavae  
Ata na pueina e  
Christina Smith



# Vaega

## Autalavou Matutua

42

O mea sese o se vaega o le olaga, ae e le tatau ona faamatalaina ai i tatou. **E alofa le Faaola ia i tatuou** ma o le a fesoasoani ia i tatou e sua. Faitau tala mai tala-vou matutua e uiga i le auala e avea ai **le salamo o se faamanuiaga**.



## Autalavou

50


Aoao i le auala e avea ai le **Tamaiti ma le Autalavou mo oe;** ua faasoa mai e le Au Peresitene Aoao o Tamaitai Talavou ma Alii Talavou e uiga i le **autu a le autalavou i lenei tausaga;** ua tatalaina e se faifeautalai **le mana o le Tusi a Mamona.**



## Tamaiti

Uo

**Faamanatu le Tusi a Mamona faapelepele.** Faitau e uiga i tagata o le Eklesia i Monokolia. Aoao pe faapefea **ona e tupu-tupu ae e pei ona sa faia e lesu.**



## E NA'O TUSIGA FAATEKINOLOSI O IANUARI

**Taialaina e le Agaga,  
ae Ou Te Lei Iloaina***Saunia e Raisa Schreiter*

Sa iloa e se talavou matua i Pasila sa ia lagonaina le taitaiina o ia e le Agaga ia auai i le Eklesia.

**Toe Foi i le Ala i le Mavae ai  
o Lou Maitaga e Lei Fuafuaina***Saunia e Jori Reid*

Ua faasoa mai e se talavou matua mai Delaware, ISA, lana malaga toe foi mai ia Keriso.

**Filifilia o le Faavavau***Saunia e Evita Alabodi*

Ua faasoa mai e se talavou matua o Peleseuma lana tala o le salamo ma le faamagaloina o ia lava.

**O le Auala na Tatalaina ai e le  
Tusi a Mamona le Lagi Mo Au***Saunia e Jessica Patterson Turner*

Ua faasoa mai e se talavou matua le auala na suia ai e le Tusi a Mamona: o se Tasi Molimau ia lesu Keriso o ia lava ia sili atu ona lelei.

IANUARI 2020 VOL. 44 NU. 1  
LIAHONA 16716 890

O le mekasini faaomaloa o Le Eklesia a Iesu Keriso o le Au Paia o Aso e Gata Ai O Le Au Peresitene Sili: Russell M. Nelson, Dallin H. Oaks, Henry B. Eyring O le Korama a Apostolo e Toasefululu: M. Russell Ballard, Jeffrey R. Holland, Dieter F. Uchtdorf, David A. Bednar, Quentin L. Cook, D. Todd Christofferson, Neil L. Andersen, Ronald A. Rasband, Gary E. Stevenson, Dale G. Renlund, Gerrit W. Gong, Ulisses Soares

**Faatonu:** Randy D. Funk

**Faufautua:** Becky Craven, Sharon Eubank, Cristina B. Franco, Walter F. González, Larry S. Kacher, Adrián Ochoa, Michael T. Ringwood, Vern P. Stanfill

**Pule Faatonusili:** Richard I. Heaton

**Faatonusili o Mekasini a le Eklesia:** Allan R. Loyborg

**Pule o Mea Tau Pisini:** Garff Cannon

**Pule Faatonu:** Adam C. Olson

**Pule Faatonu Lagolago:** Ryan Carr

**Faasalalau Lagolago:** Carnilla Castrillón

**Au Tusitusi ma Faatonutonu:**

David Dickson, David A. Edwards, Matthew D. Flitton, Garrett H. Garff, Jon Ryan Jensen, Aaron Johnston, Charlotte Larcabal, Michael R. Morris, Eric B. Murdoch, Joshua J. Perkey, Jan Pinborough, Richard M. Romney, Mindy Selu, Lori Fuller Sosa, Chakell Wardleigh, Marissa Widdison

**Pule Faatonusili o Faatufugaga:** J. Scott Knudsen

**Faatonusili o Faatufugaga:** Tadd R. Peterson

**Mamanu:** Jeanette Andrews, Fay P.

Andrus, Mandy Bentley, C. Kimball Bott, Thomas Child, Joshua Dennis, David Green, Colleen Hinckley, Eric P. Johnsen, Susan Lofgren, Scott M. Mooy, Emily Cheiko Remington, Mark W. Robison, K. Nicole Walkenhorst

**Faatonu o le Puletaofia o Meatotino:**

Collette Nebeker Aune

**Pule i le Gaosiga:** Jane Ann Peters

**Gaosiga:** Ira Glen Adair, Julie Burdett,

José Chavez, Thomas G. Cronin, Bryan W. Gygi, Ginny J. Nilson, Marissa M. Smith

**Tailolomi:** Joshua Dennis, Ammon Harris

**Faatonusili Lomitusi:** Steven T. Lewis

**Faatonusili o Faletusii:** Nelson Gonzalez

Mo lo okaina o mekasini, aui i le store.lds.org po o le Faletusi Tutotonu i Pesega. Telefoni 64127. Totogi o le Mekasini: \$0.55 (Samoa) T i le kopi. Totogi mo le Tausaga Atoa \$6.60 (Samoa).

**Auina atu tusitusiga ma faafesi**

i lugia o le initoneti i le liahona.lds.org: pe meli mai i le *Liahona*, flr. 23, 50 E. North Temple, Salt Lake City, UT 84150-0023, USA; po o le i-meli: liahona@ChurchofJesusChrist.org.

O Le *Liahona* (o lona uiga i le Tusi a

Mamona o le "tapasa" po o se "fa-

tonualua") e lomia i le faa-Alepania, Arminia

(Sasae), Pisilama, Palekeria, Kemputia,

Sepuanu, Saina, Kalaoia, Siekisolvakia,

Tenimaka, Take, Igilisi, Esitonua, Fiti,

Finelani, Farani, Siamani, Eleni, Hanikeri,

Initu, Iselani, Initonua, Italia, Japani,

Kiripati, Korea, Lativia, Litunia, Malakasa,

Masela, Monokolia, Nouei, Polani, Potukale, Romania, Rusia, Samoa, Saina (ua faafagofieina), Silovenia, Sipanio, Suetena, Swahili, Tagaloka, Tahiti, Tai, Toga, Lukureini, Urutu, ma Viatename. (E eseese lava gagana.)

© 2020 Puletaofia e le Intellectual Reserve, Inc. Ua taofia aia tatua uma. Lomia i le lunaite Setete o Amerika.

**Faamatlagia o le Puletaofia:** Vagana ua

faailoa mai, e mafai e tagata taitoatasi ona kopi anomea mai le *Liahona* mo lo latou lava faaogaina patino, e le faia ai ni pisini (e afia ai valaauga o le Eklesia). O lenei ai tatua e mafai ona

faaleaogaina i suo se taimi. E le tatua ona kopiina ia atu pe afai o loo faaalia le

faasaina i le laina o faaaloaloga faatas

ai ma le faatufugaga, la auina mai fesili

e uiga i le puletaofia i le Intellectual

Property Office: 50 E. North Temple St., flr. 13, Salt Lake City, UT 84150, USA;

email: cor-intellectualproperty@

ChurchofJesusChrist.org.

**Mo le Aufaitau i le lunaite Setete ma**

**Kanata:** January 2020 Vol. 45 No. 1.

LIAHONA (USPS 311) Samoan (ISSN 1045-0947) is published monthly by The Church of Jesus Christ of Latter-day Saints, 50 E. North Temple St., Salt Lake City, UT 84150. USA subscription price is \$10.00 per year; Canada, \$12.00 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include address label from a recent issue; old and new address must be included. Send USA and Canadian subscriptions to Salt Lake Distribution Center at address below. Subscription help line: 1-800-537-5971. Credit card orders (American Express, Discover, MasterCard, Visa) may be taken by phone or at store.ChurchofJesusChrist.org.

(Canada Post Information: Publication Agreement #40017431)  
**POSTMASTER:** Send all UAA to CFS (see DMM 5071.5.2). **NONPOSTAL AND MILITARY FACILITIES:** Send address changes to Distribution Services, Church Magazines, P.O. Box 26368, Salt Lake City, UT 84126-0368, USA.

## SAILI NISI MEA

I le polokalama o le Potutusi o le Talalelei [Gospel Library] i le liahona.ChurchofJesusChrist.org e mafai ona e:

- Saili le lomiga lenei.
- Maua ai na'o anotusi faatekinolosi.
- Saili lomiga ua mavae.
- Auina mai au tala ma manatu faaalia.
- Totogi [se lomiga] pe tuu atu se meaalofa o le totogi o se lomiga.
- Faaleleia au suesuega i meafaigaluega faatekinolosi.
- Faasoatua tusiga ma vitio e sili ona e fiafia i ai.
- Sii mai pe lolomi ia tusiga.
- Faalogologo i tusiga e sili ona e fiafia i ai.

## FAAFESOOTAI MAI I MATOU

Imeli mai au fesili ma manatu faaalia i le liahona@ChurchofJesusChrist.org.

la auina mai au tala e faatupu faatuatua i le liahona.ChurchofJesusChrist.org pe lafo mai i le *Liahona*, floor 23

50 E. North Temple Street  
Salt Lake City, UT 84150-0023, USA



O IESU KERISO O LE . . .

PAIA E TOATASI O ISARAELO

FOAFOA

# FAAOLA

— O LE TAMAI MAMOE A LE ATUA —

## ALO O LE ATUA

*Alo e Toatasi na Fanaua*

TOGIOLA

# MESIA

LEOLEO MAMOE LELEI

"Faauta o le ala mo le tagata ua vaapiapi, ae ua taatia tonu i se ala sa'o i ona luma, ma o le leoleo o le faitotoa o le PAIA E TOATASI O ISARAELO; ma na te le faaaogaina se auauna iina" (2 Nifae 9:41).

"Ma o le a ta'uua o ia o lesu Keriso, o le Alo o le Atua, o le Tamā o le lagī ma le lalolagi, o le FOA-FOA o mea uma mai le amataga" (Mosaea 3:8).

"Ma afai e faapea o le a outou talitonu ia Keriso, ma papatisoina, muamua i le vai, ona sosoo ai lea ma le afi ma le Agaga Paia, e mulimuli i le faataitaiga a lo tatou FAAOLA, . . . o le lelei ia te outou i le aso o le faamasinoga" (Mamona 7:10).

"O le TAMAI MAMOE A LE ATUA o le Alo lea o le Tama Faavavau, ma o le Faaola o le lalo-lagī; ma . . . e ao i tagata uma ona o mai ia te ia, pe e le mafai ona faanolaina i latou" (1 Nifae 13:40).

"E soifua o ia i le tino o le a ta'uua o ia o le ALO O LE ATUA" (Mosaea 15:2).

"Soo se tasi e salamo, ma lē faamaaaina lona loto, o le a ia te ia le aia i le alofa mutimutivale e ala atu i lou ATALII E TOATASI NA FANAUA, mo se faamagaloga o ana agasala" (Alema 12:34).

"Ua ou iloa ua togiolaina oe, ona o le amiontonu o lou TOGIOLA; ona ua e vaaei afio mai o ia i le atoatoaga o taimi e aumai le olataga i tagata" (2 Nifae 2:3).

"Sa molimau atu [Liae] o mea sa ia vaaia ma faalogoina, ma mea foi sa ia faitauina i le tusi, ua faaali manino mai ai le afio mai o se MESIA" (1 Nifae 1:19).

"O le LEOLEO MAMOE LELEI ioe, ma o lona lava suafa ua ia valaaufina ai outou, o le suafa lava lea o Keriso" (Alema 5:38).

## Rachel Lighthall

Kalefonia, ISA



Savalivali solo i le lefulefu ma mea na faaleagaina sa masani ona nofo ai Rachel, ma ioe i lou iloaina ua leai se mea o totoe. Ae e uui lava foi i le afi na faumatia ai Parataiso, i Kalefonia, o le a e matauina le faatuatua o Rachel a o ia talanoa mai e uiga i le auala na ia vaiai ai le aao o le Atua i lona olaga.

RICHARD M. ROMNEY, PUEATA

O tagata uma o e talitonu i le Atua ua vaiai Lona aao i lenei afi. Atonu e le mafai ona e faamaonia atu i se isi o loo i ai se Atua ona o se vavega tele se tasi, ae ua aumai e le Atua ni vavega laiti e miliona iinei i Parataiso. Afai e te talitonu i le Atua, e mafai ona e vaiai Lona aao i soo se mea. E ui lava sa faigata, ae sa avea foi o se vavega. Ua fesoasoani le Atua ia i tatou ia aoao lelei i mea e tatau ona tatou aoaoina.

Na galue le Atua ia te au mo le tele o tausaga e saunia ai au mo lenei tulaga. Sa i ai isi a'u "mala" i lou olaga na fesoasoani ou te iloa ai e matagofie le taitaiina o lou olaga e le Atua.

E leai se mea e faigata na ou oo i ai e le o i ai se faamoemoega atoatoa ma matagofie ma se uiga. Sa ou matauina ina ua ou faatagaina le Atua e aoao au, sa ou aoao mai lava i taimi uma i ou luitau. E faatagaina i tatou e le Atua e ui i nei luitau ina ia mafai ai ona tatou faalagolago ia te la ma alolofa ia te la. Ou te iloa pe a oo ina faigata mea uma, e i ai lava o la iina.



### SAILILI ATILI

Tagai atili e uiga i le faigamalaga o le fa'atuatua o Rachel, e aofia ai ata faoopopo, i lugia o le intitoneti po'o lenei tusiga i luga o le Gospel Library i le [ChurchofJesusChrist.org/go/1206](https://www.churchofjesuschrist.org/go/1206).

Na faasoa mai e Peresitene Russell M. Nelson lona aafiaga i le feiloi ai ma tagata na aafia i le afi i Parataiso, Kalefonia, ma na faasoa mai mea e sili ona taua i le olaga i le [ChurchofJesusChrist.org/go/1207](https://www.churchofjesuschrist.org/go/1207).



# Mataupu Faavae o le Auaunaga

## FAAPOTOPOTOINA O ISARAELO E ALA I LE AUAUNAGA

*O le auauna atu o se avanoa lea e mulimuli ai i le fautuaga a le perofeta e faapotopoto mai Israelu.*

**N**a valaaulia i tatou e Peresitene Russell M. Nelson e fesoasoani e faapotopoto mai Israelu—“o le mea aupito sili ona taua ua faia i le lalolagi i aso nei.”<sup>1</sup>

Mo i latou e mananao e avea o se vaega o lenei galuega o le faapotopotoina o Israelu, o le auauna atu e mafai ona avea o se avanoa matagofie. Ona o le galuega a le Alii o le faaolataga o le galuega atoa lava e tasi, o le auauna atu o se auala musuia e suia ai olaga o tagata. Pe o tatou auauna atu i tagata o le Eklesia ua le toaaga mai pe valaaulia i latou e fesoasoani ia i tatou a o tatou auauna atu i isi e ese mai lo tatou faatuatua, o le auaunaga e maua ai avanoa e faapotopoto ai Israelu.





## Tauaveina o Avega a le Tasi ma le Isi

*“Atonu o loo tiga, leiloloa, faapea foi ona sē ese ma le loto i ai a tatou mamoe; i le avea ai o ni leoleo mamoe, e mafai ona tatou lotolotoi ai i tagata e muamua ona vaai i o latou manaoga. E mafai ona tatou faalogo ma alolofa atu e aunoa ma le faamasino atu ma ofo atu le faamoemoe ma le fesoasoani faatasai ai ma le taitaiga iloatino a le Agaga Paia.” —Bonnie H. Cordon<sup>2</sup>*

“Sa ou matauina ma le filemu le tamaitai o loo nofo i ou autafa i lau malaga i le fale i le 7:00 i le taeao. Sa ia okaina se mea inu malosi a o lei alu le vaalele, ma ina ua ia fesili mai ia te au pe ua ou faaipoipo, na amata ona faaputu i luga au **faaiuga le lelei** e uiga ia te ia.

“Ioe, e toafa lau fanau ma fanau a fanau e toafa,’ sa ou tali atu ai ma le mimita.

“Ona ia tau mai lea ia te au se mea na suia ai mea uma. Na maliu lona toalua i le aso ua tuanai i le mavae ai ona i ai i se koma mo aso e lima. E ui o ia o se fomai mo faalavelave faafuasei, ae sa le mafai ona ia sefeina mai o ia ina ua mata-pogia ao i ai i se tafaoga.

“Sa ou maasiasi ona o au faamasinoga vave ua matua mamao ese lava mai le faailoga. O le a lau tala o le a fai atu ia te ia? A o ou tau faatoatoa malie, sa ou lagonaina le liligi mai e le Tama Faalelagi o **Lona Agaga** ina ia mafai ona ou auauna atu i lenei tamaitai ma faasoa atu nisi o upumoni taua o le talalelei.

“Sa ou **aoaoina** e ui lava e le auai o ia i se lotu, sa ia talitonu ia Iesu Keriso ma faitau le Tusi Paia. Ina ua ou fesili atu pe na ia iloa e uiga i Le Ekalesia a Iesu Keriso o le Au Paia o Aso e Gata Ai, sa ia tali mai e itiiti sona iloa. Sa ou faasoa atu ia te ia se savali o le konafesi aoao na saunia e Elder Richard G. Scott (1928–2015) e faaautu, ‘O Faam-nuiaga e Faavavau o le Faaipoipoga,’ ona **molimau** atu lea i aiga e faavavau ma le auala e silafia ma alofa ai le Tama Faalelagi ia i tatou taitoatasi. Sa ou iloaina o le a alu o ia i Hawaii, ISA, lea sa ia ola ae ai, ma ou **faamalosiau** ia te ia e asiasi atu i le Malumalu o Laie Hawaii.

“Sa ma faamavae i le aai o Sate Leki, Iuta, i le malae vaalele. Ou te matua faafetai lava ona sa mafai e le Alii ona faaaogaina au, e ui lava i ou sese, ina ia oo atu i se tuafafine o loo manaomia le alofa ma le mafanafana.”

John Tippelts, Iuta, ISA

### MATAUPU FAAVAE E MAFAUFAU I AI

#### “Faamasinoga le lelei”

O le vave ona faamasino atu e mafai ona taofia ai i tatou mai le vaaia o le gafatia faalelagi (tagai i le Mataio 7:1).

#### “Liligi ifo Lona Agaga”

Faalagolago i le folafolaga a le Atua ia tuu mai ia i tatou upu e tau atu i le taimi tonu lava (tagai Mataupu Faavae ma Feagaiga 100:5–6).

#### “Aoaoina”

Fesili atu i mea e talitonu ai isi, faalogo ma le agaalofa, ma ia faia ma le amio sao o latou talitonuga.

#### “Molimauina”

Vaavaai mo avanoa e faasoa atu ai le molimau i le auala na galue ai le Alii i lou olaga (tagai Mosaea 24:14).

#### “Faamalosiauina”

Valaaulia i latou e faatino le upumoni ina ia mafai ona molimau mai le Agaga Paia ia i latou (tagai i le loane 7:17; Moronae 10:5).



## MATAUPU FAAVAE E MAFAUFAU I AI

### **"Sa asiasi mai ia te au i masina uma, e ui e i ai lona aafiaga faale-soifua maloloina i maile"**

E faapefea ona e faaalia lou popole ia i latou o loo e auauna atu i ai, e sili atu nai lo isi mea? (tagai Mataupu Faavae ma Feagaiga 121:44).

### **"Fesili"**

O le fai atu o fesili sao e mafai ona fesoasoani e faatupu ai le iloiloga faaletagata lava ia. la manatua o la tatou auaunaga ua i ai se faamoemoega e oo i tua atu o le va o tagata.<sup>4</sup>

### **"Faatalitali mo au"**

E tatau ona lagona e tagata uma le talaina (tagai i le 3 Nifae 18:32).

### **"Na i ai iina i ou autafa i lau malaga e toe foi mai"**

O lo tatou lagolago e mafai ona faia ai se esesegae tele ia i latou o e ua tautevateva e toe foi atu i le Faaola ma faamalo-loina (tagai Eperu 12:12–13).

## Laveaiiina o Tagata ua Toe Foi mai

*"Faatasi ma le alofa e fai ma uunaiga, o le a tutupu vavega, ma o le a tatou maua auala e aumaia ai o tatou uso ma tuagane e 'le o i ai' i totomu o le ofaga o le talalelei a Iesu Keriso mo tagata uma."* — Jean B. Bingham<sup>5</sup>

“Sa ou le toe malosi i le ekalesia e le itiiti ifo ma le ono tausaga ae ma siitia atu ma lou toalua i se aai fou. Sa asiasi mai lau peresitene fou o le Aualofa ia te au, ma fesili mai pe mafai ona ia auina mai se uso e asia au. Faatasi ai ma sina atuatuvalo, sa ou ioe i ai. **Sa asiasi mai lenei uso ia te au i masina uma, e ui i lona ma'i ona o maile**—ma e i ai sau taifau sili ona agaalofa! Sa faaauau lana auaunaga mo le lua tausaga, ma sa i ai se aafiaga tele ia te au.

“E ui lava o ana asiasiga sa masani lava e mama faaleagafesootai, ae o nisi taimi sa ia fesiliglia au i **ni fesili** na taitai atu ai i matou i ni talanoaga faaleagaga. O nei mea sa faia ai si ou le mautonu, ae sa la uunaiga au e filifili pe ou te agai i luma i le talalelei pe nofo i le mea sa ou i ai. O lenei faaiuga sa o se tauiviga mo au, ae sa ou filifili e talanoa ma tamaitai faifeautalai.

“O le aso na ou alu ai e auai i le sauniga faamanatuga mo le taimi muamua i le ono tausaga, sa ou fefe ou te alu i totomu. Ina ua ou savali atu i totomu o le lotu, sa faatalitali mai lou uso sa auauna ia **te au**, ma sa ma savavali faatasi i totomu o le falesa. Mulimuli ane, sa ia savali faatasi ma au i lau taavale, ma fesili mai po o le a se mea sili e mafai ona ia faia e fesoasoani ia te au ao ou latalata atili atu i le Faaola.

“O le taimi ma le alofa o lou uso a auauna na fesoasoani e taiala ai au e toe toaga, ma ou tumau ai i ana taumafaiga o se tasi o meaalofa silisili ua tuuina mai ia te au. Ou te faafetai ona sa ia i **ai i ou autafa i lau malaga e toe foi** i le Ekalesia a le Faaola.”

Taofia le igoa, British Columbia, Kanata

## Auaunaga ma le Faapotopotoina

*“Po o a lava auala e foliga mai e tupu fua ma masani ai ia te oe,  
faasoa atu i tagata pe aisea e taua ai Iesu Keriso ma Lana Ekalesia  
ia te oe. . . .”*

*“. . . O lau matafaiioi o le faasoa atu o mea o loo i totonus o lou  
loto ma ola ia tutusa ma ou talitonuga.” —Elder Dieter F. Uchtdorf<sup>1</sup>*

O le auaunaga ma le faasoa atu o le talalelei e o faatasi. O nisi nei o auala e mafai ona tatou faapotopoto ai a tatou uo ma tuaoi a o tatou auauna atu—pe auauna atu a o tatou faapotopoto mai a tatou uo ma tuaoi:

- **Auauna atu faatasi.** Vaai mo avanoa e valaaulia ai se uo po o se tuaoi e auai faatasi ma oe e auauna atu i manaoga o se tasi. Fai atu ia i latou e fesoasoani ia te oe e saunia se meaai mo se tina fou, fai se galuega o le fanua mo se tuaoi matua, pe faamama le fale o se tasi o loo mai.
- **Aoao atu faatasi.** Mafaufau e valaaulia se uo po o se tuaoi e le o auai sooo i se lesona a faifeautalai i lo latou fale mo se tasi o feiloaiga ma faifeautalai, e lagolagoina oe i le talimalo i le faataunuina o se lesona i lou aiga, pe tou te o faatasi i se lesona i le fale o se isi tagata.

• **Aapa atu.** E faaopoopo atu i le auauna atu ia i latou ua tofia i ai oe, e mafai foi ona e aapa atu i isi pe a e vaaia se manaoga. Ofo atu e avatu i latou i se taavale i sau-niga a le ekalesia. Valaaulia a latou fanau i gaoioiga a le autalavou po o le Peraimeri. O a nisi auala e mafai ona e auauna atu ai ma faapotopoto mai?

• **Faaaoga punaoa ua saunia e le Ekalesia.** Ua ofo mai e le Ekalesia le tele o punaoa mo tagata o le au paia e fesoasoani ia i latou i le faasoaina atu o le talalelei. E mafai ona e tagai i le vaega o le “Faifeautalai” i le Gospel Library app, matamata i vitio “Come and See” (i le ChurchofJesusChrist.org/go/12011), ma asiasi i ComeUntoChrist.org mo manatu i auala e faapotopoto ai Israelu i o tatou nuu. ■

### FAAMATALAGA

1. Russell M. Nelson, “Faamoemoe o Israaelu” (faigalotu a le autalavou i le lalolagi atoa, 3 Iuni, 2018), HopeofIsrael.ChurchofJesusChrist.org.
2. Bonnie H. Cordon, “Avea ma se Leoleo Mamoe,” *Liahona*, Nov. 2018, 76.
3. Jean B. Bingham, “Auauna Atu e pei ona Faia e le Faaola,” *Liahona*, Me 2018, 104.
4. Tagai “Mataupu Faavae o le Auaunaga: O Le Faamoemoega O Le A Suia Ai A Tatou Auaunaga,” *Liahona*, Ian. 2019, 8-11.
5. Dieter F. Uchtdorf, “Galuega Faafaifeautalai: Faasoaina atu o Mea o Loo i Totonus o Lou Loto,” *Liahona*, Me 2019, 17.







Saunia e  
Peresitene  
**M. Russell Ballard**

Sui Peresitene  
o le Korama  
a Aposetolo e  
Toasefululua

# O LE ALA NA SAUNIA AI E LE ALII *le Lalolagi* MO LE TOEFUATAIGA

---

I le anoanoai o itu, na saunia ai e le Alii le lalolagi mo le Toefuataiga o Lana talalelei ina ia faamanuiaina ai tagata taitoatasi, aiga, nuu, malo, ma le lalolagi.

**N**a saunia e le Alii le lalolagi mo le Toefuataiga o le talalelei a Iesu Keriso a o lei taitai faaali mai le Tama ma le Alo ia Iosefa Samita i le 1820. O le mea moni, o le sauniuniga a le Alii e toe fuatai mai le atoatoaga o Lana talalelei i aso mulimuli na amata a o lei foafoaina le lalolagi.

I le faaaliga ia Oketopa 1918, ua taua o le Mataupu Faavae ma Feagaiga vaega e 138, na maua ai e Peresitene Iosefa F. Samita (1838–1918), ua tatou iloa ai o uluai taitai o Le Ekalesia a Iesu Keriso o le Au Paia o Aso e Gata Ai ma le toatele “*o isi agaga filifilia . . . sa faapolopoloina ina ia oo mai i le atoaga o taimi e auai i le faataotoina o faavae o le galuega tele o aso e gata ai*” (Mataupu Faavae ma Feagaiga 138:53; ua faaopoopo le faamamafa).

Na vaai Peresitene Samita “sa i ai foi i latou o e tamalii ma tautaua o e na filifilia i le amataga” (Mataupu Faavae ma Feagaiga 138:55). Na ia faaopoopo mai “o i latou, *faatasi ma le toatele o isi*, sa latou maua a latou lesona muamua i le lalolagi o agaga ma sa saunia e o mai i le taimi e tatau ai a le Alii e galulue i lona tovine mo le faaolataga o agaga o tagata” (Mataupu Faavae ma Feagaiga 138:56; faaopoopo le faamamafa).

Ina ua mavae le foafoaina o le lalolagi, na talanoa, pepese, miti, ma vavalو “perofeta paia uma lava talu mai anamua” e uiga i le “toefuatai ai mea uma lava” i le lumanai (Galuega 3:21; tagai foi i le Luka 1:67–75).

*O se tasi o ala sili ona  
taua na saunia ai e le  
Alii le lalolagi mo le Toefuataiga, o se faaleleia  
i tusitusiga e talafeagai  
ma le fatufatuaiga ma  
le faaaogaina o pepa  
ofevai ma paumanu.  
Lalo: itulau o pepa  
ofevai e sili ona tuai o le  
tusiga o le Feagaiga Fou.*

O le talanoa patino e uiga i le uluai perofeta o le Toefuataiga o le Ekalesia a Iesu Keriso, na matauina ai e Peresitene Polika Iaga (1801–77), “Na tulimatai le fofoga o le Alii ia [Iosefa Samita], ma luga o lona tama, ma luga o le tama o lona tama, ma luga o o latou tuaa e oo lava ia Aperaamo, ma mai ia Aperaamo e oo atu i le lolo, mai le lolo e oo atu ia Enoka ma mai ia Enoka e oo atu ia Atamu. Na Ia tulimataiina lena aiga ma lena toto a o salalau atu mai lona puna faavae e oo atu i le fanau mai o lena tagata. Na muai faauuina [Iosefa Samita] i le faavavau e pulefaamalumalu i lenei tisipenisione mulimuli.”<sup>1</sup>

A o tatou faamanatuina le 200 tausaga o le Uluai Faaaliga i lenei tausaga, atonu e talafeagai le manatuina o le toatele o tamaitai ma alii i le aluga o seneturi na musuia e le Alii a o Ia saunia le lalolagi mo le Toefuataiga lea na amata ina ua faaali atu le Tama ma le Alo i le alii talavou o Iosefa Samita, o le sa sailia le faamagaloga ma le taitaiga i le 1820.

A o tatou toe tepa i tua i le talafaasolopito, o le a tatou iloa ai o le tele o le toe faaleleia na salalau atu i le salafa o le lalolagi na saunia ai tagata mo le Ekalesia a le Alii ina ia toefuatai mai i aso e gata ai.<sup>2</sup>

### O LE FAALELEIA I TUSITUSIGA

O se tasi o ala sili ona taua na saunia ai e le Alii le lalolagi mo le Toefuataiga o Lana talalelei o se faaleleia o tusitusiga o le a tupu mai i le fatufatuaiga ma le faaaogaina o pepa ofevai ma paumanu.<sup>3</sup>

O paumanu, na faia mai pau o manu, sa faaaoga i aso anamua ma le vaitau popofou o aso nei e tusitusi ai.<sup>4</sup> O uluai kopi na muai iloa o le Tusi Paia faa-Eperu (Feagaiga Tuai) ma le tele o kopi taua mulimuli ane o le Tusi Paia na faasaoina i paumanu.<sup>5</sup>

O pepa ofevai, na faia mai le ogatotonu o le laau o pepa ofevai, o se isi mea na faaaoga i aso anamua e tusitusi ai. O kopi muamua o tusi o le Feagaiga Fou ua faasaoina i pepa ofevai.


O nei mea na faaaoga e tusitusi ai na faigofie ai, e faatusatusa i le tusitusi i luga o le maa po o le omea, mo le au tusiupu e faamaumau ia afioga a le Atua na maua e ala mai i perofeta ma aposetolo musuia. O le faaaogaina o nei punaoa e tusitusi ai, o le tele o tusiupu e le mafaitaulia ma le le mailoa na kopiina ma le maelega, auina atu, ma faasaoina ia tusitusiga paia i ni kopi se tele ina ia le mate ai le mumu o le faatuatua.

Mo se faataitaiga, sa ou aoaoina talu ai nei lava “e silia ma le selau tusiga o le Evagelia a Mataio ua tusia i le faa-Eleni,” faatasi ai ma le tele o isi tusitusiga faaletusi paia i le Ogatotonu o Tausaga na tusia i paumanu.<sup>6</sup>

### O LE FAALELEIA I LE LOLOMIGA

E pei ona masani ona ou aoao atu, na musuia e le Alii se isi laasaga musuia maoae i le sauniaima





O Johannes Gutenberg o se meafaigaluega i le aao o le Alii e faateleina ai le atamai, malamalama, ma le faatuatuaga faalelotu i le lalolagi. Taumatau i le pito: itulau na vane o le Tusi Paia a Gutenberg.



o le lalolagi mo le Toefuataiga o Lana talalelei faaola ina ua faaaogaina e se faiofea Siamani, o Johannes Gutenberg, le lolomiina faatekinolosi na muai faalauiloa i Saina ina ia gaosia ai le lomitusi i le 1439 po o le 1440.<sup>7</sup>

O Gutenberg o se meafaigaluega i le aao o le Alii e faateleina ai le atamai, malamalama, ma le faatuatuaga faalelotu i le lalolagi.<sup>8</sup> O lana fatufatuaiga na amata ai se faaleleia i le lolomiga lea na suia ai le lalolagi e faavava e ala i le faafoeina o le faasaluina lautele o manatu ma faamatalaga na avea ma “vaega e faia suiga.”<sup>9</sup>

E fuafua e tagata atamamai e uiga i le 30,000 tusi sa i ai i Europa i le taimi na lolomi ai e Gutenberg le Tusi Paia i luga o lana lomitusi. I totonu o le 50 tausaga talu ona maea lana fatufatuaiga, e silia ma le 12 miliona tusi na maua i Europa.

O le Toefaatulagaina o le Porotesano na uunaia ai le fatufatuaiga a Gutenberg e faasalalau atu ona manatu ma aumaia ai le Tusi Paia i tagata lautele i auala na le mafai e se tasi o le augatupulaga na muamua atu ona mafaufaufina.

## OLE FAALELEIA I LE FAITAU MA LE TUSITUSI MA LE FAALILIUINA OLE TUSI PAIA

O le faaleleia i le lolomiina ma na faaleleia e se faatelega o le tusitusi ma le faateleina o le galala o tagata lautele o Europa e faitau i upu paia o tusitusaiga paia i a latou lava gagana.

O le Tusi Paia Faa-Latina, na faaliliuina mai le faa-Eleni ma le faa-Eperu i le seneturi lona lima TA, sa avea ma Tusi Paia aloaia a le ekalesia Katoliko i sisifo mo le 1,000 tausaga.<sup>10</sup> Mo le tele o seneturi na iloa ai e le toatele o Europa e uiga i le Tusi Paia e tele lava i lauga na tuuina mai e patele.

Ae i le seneturi e 15 ma le 16, na fatuina ai e tagata na toe faatulagaina mataupu faalelotu ni faaliliuga fou o le Tusi Paia i gagana masani o Europa, e pei o le faaSiamani, Italia, Igilisi, Sipaniolo, ma le faa-Farani. O nei faaliliuga sa masani ona faavae i tusiga autu o le faa-Eperu ma le faa-Eleni—ae le o le Tusi Paia Faa-Latina. Na mafai ai e le faitau sefulu afe o tagata faitau ona iloa tala ma aoaoga o le Tusi Paia i a latou lava gagana.

O Matini Luteru, na fanau i le 1483, o se tasi o taitai i le lolomiina o le Tusi Paia i le gagana o ona aso. O lana faaliliuga faa-Siamani sa lolomiina

i 1534—o se tausaga taua i le talafaasolopito o le faa-Kerisiano i sisifo.<sup>11</sup> O le talitonu o Luteru i le mana o tusitusiga paia na fesoasoani e faatupu ai le Toefaatulagaina. O isi tagata na tofaatulagaina e siitia ai aoaoga lautele ina ia mafai ai e tagata uma ona maua le avanoa e faitau ai tusitusiga paia mo i latou lava.

Sa popole nisi o taitai faalelotu o le faateleina o le faitauina o le Tusi Paia o le a taitai atu ai i faiatioga, le teena o le pule a le Ekalesia, ma e oo lava i le vevesi o tagata. Sa latou tali atu e ala i le faafalepuipuiina, faatigaina, e oo lava i le fasiotia o le toatele o i latou na mauaina o faaliliuina le Tusi Paia i le gagana masani o le aso pe onaina ni faaliliuga o le gagana e masani ai o tusitusiga paia.

O William Tyndale, na fanau mai pe tusa o le 1494, na vaiaia i le taimi o le galuega lototole a Matini Luteru i le faaliliuga faa-Siamani o le Tusi

Paia.<sup>12</sup> A o avea pea ma se alii talavou, na maua e Tyndale le manatu e faia se lomiga fou e sili atu faa-Peretania o le Tusi Paia e faavae i uluai gagana o le faa-Eperu ma le faa-Eleni.

E tusa o le 1523 sa ia sailia ai le fesoasoani ma le faamalosiauga mai le epikopo Katoliko i Lonetona e faia ai sea lomiga ae sa matuai teena malosi lava. Ona o le faasa faasaga i le faaliliuina o le Tusi Paia, na pasia e le vaega o Oxford i le 1408, na manaomia ai e Tyndale se faatagaga aloaia ina ia faaauau e aunoa ma se faalavelave.

I le tuuto atu ai i le galuega o le faaliliuina o le Tusi Paia i le gagana Peretania, na amata faalilolilo ai e Tyndale lana galuega ma faamaeaina ai le faaliliuina o le Feagaiga Fou i le 1525. Na lolomi i Kolone, Siamani, ma na auina faanana le



*Mulimuli ane, o William Tyndale, e pei o le toatele o isi alii ma tamaitai sa mananao e maua e tagata lautele ia tusitusiga paia i la latou lava gagana, na fasiotia mo le faamoemoe o lesu Keriso. Taumatau: itulau mai le uluai Tusi Paia o le King James.*

**THE GENERALL  
Epistle of Iames.**

CHAP. I.

1 For he Sunne is no sooner risen with a burning heat, but it withereth the grasse; and the floure thereof falleth, and the grace of the fashion of it perishest: so also shall the rich man fade away in his wayes.

2 Blessed is the man that endureth temptation: for when he is tryed, he shall receive the crowne of life, which the Lord hath promised to them that loue him.

3 Let no man say When he is tempeted, I am tempted of God: for God can not be tempted with || euill, neither tempeth he any man.


4 But every man is tempted, when he is drawn away of his owne lust, and enticed.

5 Then when lust hath conceied, it bringeth forth sinne: and sinne, it is punished, bringeth death.

6 Doe not erre, my beloved brethen.

7 Every good gift, and every perfect gift is from above, and commeth downe from the Father of lights, with whom is no variacionesse, neither shadow of turning.

8 Of his owne will begathee vs, with the word of Truth, that we shoud be a kind of first fruits of his creatures.



*A o faatuina mai e le  
Alii Lana perofeta, sa ia  
musuia alii ma tamaitai  
ia maua ni tekinolosi  
ina ia mafai ai ona oo  
atu le talalelei i le lalo-  
lagi atoa.*

Faaliliuga a Tyndale i Egelani, lea na faatau atu ai i le amataga o le 1526.

Mulimuli ane, o Tyndale, e pei o le tele o isi alii ma tamaitai o e sa fasiotia mo le mananao ia maua e tagata lautele ia tusitusiga paia i a latou lava gagana, sa titina ai o ia a o noatia i se laau i le amataga o Oketopa 1536.<sup>13</sup> E ui i lea, sa ola pea lana faaliliuga faa-Peretania ma o ana upu ma fuaitau ma vaega uma o lana faaliliuga sa faaaofia ai i le King James Version.<sup>14</sup>

O le King James Version, na lolomiina i le 1611, sa faaaogaina aloaia e le Ekalesia a Egelani ma sa uunaia ai mulimuli ane le Toefuataiga o le talalelei a Iesu Keriso i ni auala taua se tele.<sup>15</sup> O le Tusi Paia lea na sili ona lautele lona fatauina i le taimi o le fanau mai o Iosefa Samita i le 1805. E oo atu i le taimi lea o le toatele o aiga, e aofia ai le aiga o Iosefa ma Lusi Maka Samita, sa i ai se Tusi Paia ma sa faitau mai ai i se tulaga faifai pea. O le mea moni, e toatele tagata na aoao e faitau e ala i le faalogo o faitau i le fale ma le suesueina e i latou lava.

#### **O FAALELEIGA I TULAGA FAAUPUFAI MA FESOOFTAIGA**

O le faaleleia o lomiga, faaliliuga, ma le faitau ma tusitusi na saunia le ala mo faaleleiga faaupufai ma faatekinolosi lea na salalau atu i Europa ma Amerika i le va o seneturi e 17 ma le 19. O le suia o le siosiomaga faaupufai i Europa ma Amerika na tuuina atu ai i tagata le saolotoga sili atu e filifili ai o latou lava ala faalelotu. O le saolotoga o tapuaiga o se tasi lea o le tele

o taunuuga o faaleleiga faaupufai na tutupu i lena vaitaimi.

Na amata foi e le Alii ona “sasaa atu [Lona] agaga i luga o tagata uma” (tagai i le Ioelu 2:28; Iosefa Samita—Talafaasolopito 1:41), e aofia ai ma i latou o e na saunia e moemiti i ala o femalagaaiga fou ma fesootaiga faatekinolosi ia o le a tuleia ai i luma Lana Toefuataiga i ni auala maoae.

A o faatuina ae e le Alii Lana Perofeta, sa Ia musuia alii ma tamaitai ia fatufatua ni tekinolosi, e pei o alavai, uaealesi, nofoaafi, ma afi e alu i le ausa, ina ia mafai ai ona oo atu le talalelei i le lalolagi uma.

I le tele o isi auala, na saunia ai e le Alii le lalolagi mo le Toefuataiga o Lana talalelei ina ia faamanuiaina ai tagata taitoatasi, aiga, nuu, malo, ma le lalolagi.


#### **TAIALAINA O LE AIGA O SAMITA**

A o tatou mafafau i le ala na saunia ai e le Alii le lalolagi mo le Toefuataiga, e tatau ona tatou manatua pea o le tele o mea sa Ia ausiaina e ala lea i olaga o tagata taitoatasi—o alii ma tamaitai faatauvaa o e, i nisi tulaga, na ausia ni mea ofoofogia.


O le toatele o tagata ma aiga i atunu i le salafa o le lalolagi sa saunia e talia le savali o le Toefuataiga. Na aofia ai matua o le Perofeta, o Iosefa ma Lusi Maka Samita, o ni tagata toalua e matua faaleagaga lava, o e sa ola ae i se aganuu sa faapea ona aoaoina ai i laua e alolofa ia Iesu Keriso ma suesue i le Tusi Paia.

Mo le tele o tausaga, na aafia ai Iosefa ma Lusi i mea tautupe, soifua maloloina, ma isi mea faalavefau i Niu Egelani, i le tulimanu i matu-i-sasae o le Iunaite Setete. E oo ane i le 1816, ina ua faaleagaina a latou laau toto ona o le suiga i le siosiomaga i le lalolagi atoa na mafua mai i le maugamu o Mauga Tambora i Initonesia, sa itiiti se filifiliga a Iosefa ma Lucy ae faia se faaiuga lototoa e tuua le saogalemu o le aiga potopoto, uo, ma le alalafaga.

E pei ona taua i le Voluma 1 o le talafaasolopito fou o le Ekalesia: “O Iosefa le Matua na alofa faapelepele i lana ava ma le fanau, ae na te lei mafai ona tuuina atu ia i latou le tele o mea masani o le olaga. O tulaga le lelei ma tupe na faafraigaluega na le manua na oo ai le mativa



*E mafai e le Alii ona faamalosia i tatou, aoaoina i tatou i ni lesona fou, ma saunia i tatou e ala i toilalo ma faafitaui mo se lumanai e ese atu lava nai lo mea tatou te mafaufau i ai.*



Ioka i sisifo, lea na faateleina ai le vavao faalelotu ma musuia ai Iosefa Samita le Itiiti ia saili atu i le Alii i Lana sailiga mo se faamagaloga ma se taitaiga. O iina foi na natia ai papatusi auro, a o faatalitali ai o ia e sue, faaliliu, ma lolomi.

#### **VAAIA O LE AAO O LE ALII I O TATOU OLAGA**

E pei ona faia e le Alii i le toilalo o le aiga o Samita, e mafai foi ona Ia faamalosia i tatou, aoao i tatou i lesona fou, ma saunia i tatou e ala i toilalo ma faigata mo se lumanai e ese mai nai lo mea tatou te mafaufau i ai.

A o tatou mafaufau pe na faapefea ona faalia le aao o le Alii i olaga o le aiga o Samita, e manaomia ona tatou iloa o loo faaali mai foi Lona aao i o tatou olaga taitasi. O le vaavaai mo le aao o le Alii i o tatou olaga e manaomia ai le lagona faaleagaga ma, i le tele o tulaga, taimi ma le vaaiga. O le mea e lelei ai, o faamanuiaga faapeteriaka, api talaaga patino, ma talaaga o le olaga faaletagata lava ia e mafai ona tuuina mai ai se vaaiga e iloa ai le

faaali mai o le aao o le Alii i o tatou olaga.

I se faaaliga na tuuina mai i le 1831, na lapa-taia ai e le Alii le lalolagi, “Ma ua leai se mea e faatausuai ai le tagata i le Atua, pe ua leai ni isi





e faamumu faasaga i ai lona toasa, tau lava o i latou o e latou te lē tautinoina lona aao i mea uma, ma lē usiusitai i ana poloaiga” (Mataupu Faavae ma Feagaiga 59:21).

O lo tatou naunautai e usiusitai i poloaiga a le Alii o Iesu Keriso, aemaise lava o poloaiga sili e lua ia alofa atu i le Atua ma o tatou tuaoi e pei o i tatou lava, o le a faateleina a o tatou vaavaai atu ma faailoa le aao o le Alii i o tatou olaga ma Lona aao i le sauniaina o le lalolagi mo le Toefuataiga o le Ekalesia a Iesu Keriso. O se “galuega ofoo fogia ma le mea e ofo ai” (2 Nifae 25:17).

Ua saunia nei e le Alii le lalolagi mo Lona Afio Faalua Mai, e pei lava ona ia saunia le lalolagi mo le Toefuataiga mai o Lana talalelei e faavavau. E faapena foi, o Lona aao e vaaia e le gata i mea e tutupu i le suiga o le talafaasolopito ae i olaga foi o tagata taitoatas.

Ina ua alu atu Iosefa Samita i le vao ua tatou taua nei e paia, sa ia sailia le faamagaloga ma le taitaiga i lona olaga.<sup>17</sup> I se tasi itu, na ia tali atu



*Ua saunia nei e le Alii  
le lalolagi mo Lona Afio  
Faalu Mai, e pei lava  
ona la saunia le lalolagi  
mo le Toefuataiga  
mai o Lana talalelei e  
faavavau. Tauagavale:  
Itulau autu o se tusi a  
Mamona i le 1830.*

ai i le valaaulia musuia a le Alii o loo tusia i le Evagelia a Mataio:

“Ia outou o mai ia te au, outou uma o e tigaina ma mafatia i avega, o au foi e malolo ai outou.

“Ia outou amoia la’u amo, ma ia outou faaa’oa’o ia te au, aua o au lē agamalu ma le loto maulalo, ona maua lea e outou o le malologa mo outou agaga.

“Aua e avehofie la’u amo, o la’u avega foi e mama ia” (Mataio 11:28–30).

Ou te molimau atu i le amataga lava, na saunia ai e le aao o le Alii le lalolagi mo le Toefuataiga o le “talalelei moni, mama, ma faigofie” a Iesu Keriso, o le “aoaoga faavae faaola lea a Keriso” o loo avanoa i fanau uma a le Atua.<sup>18</sup> Ou te molimau atu foi o le aao o le Alii o loo i ai i o tatou olaga taitoatasi e valaaulia ai i tatou e mulimuli ia te Ia, auauna atu i isi, ma alolofa ia te Ia a o Ia saunia le lalolagi mo Lona Afio mamalu Faalu Mai. ■

#### FAAMATALAGA

1. Brigham Young, i le *aoaoga a Peresitene o le Ekalesia: Iosefa Samita* (2007), 544; tagai foi i le Brigham Young, “Remarks,” *Deseret News*, Oct. 26, 1859, 266.
2. O femalagaaga, fesootaiga, inisinia, ma le atamai faafomai o ni vaega tele ia o le saunia uniga a le Alii mo le Toefuataiga o Lana talalelei ma le Ekalesia.
3. Tagai L. D. Reynolds ma N. G. Wilson, *tusipu ma le au atamamai: o se taiala i le auina atu o upu Eleni ma tusitusiga Latina*, 4th ed. (2013).
4. Mo se faataitaiga, o le Tautinoga a le I. S. o le Tutoatas, o Faatinoga aloaia a le Palestene o Peretania, o tusitaii Tora na faaaogaina i sunako Iutaia, ma tipiloma mai nisi o iunivesite.
5. Tagai Timothy H. Lim and John J. Collins, *The Oxford Handbook of the Dead Sea Scrolls* (2010) and Bruce M. Metzger and Bart D. Ehrman, *The Text of the New Testament: Its Transmission, Corruption, and Restoration*, 4th ed. (2005).
6. Thomas Wayment, *O le Feagaiga Fou: O se Faaliliuga mo le Au Paia o Aso e Gata Ai, O se suesuega o le Tusi Paia* (2019), 2.
7. Tagai Diana Childress, *Johannes Gutenberg and the Printing Press* (2008).
8. Tagai, mo se faataitaiga, M. Russell Ballard, “O le Vavega o le Tusi Paia,” *Liahona*, Me 2007, 80–82.
9. Tagai Elizabeth L. Eisenstein, *The Printing Press as an Agent of Change* (1980), 703.
10. Tagai James Carleton Paget and Joachim Schaper, eds., *The New Cambridge History of the Bible, Vol. 1, From the Beginnings to 600* (2013); tagai foi i le vols. 2–4.
11. O lenei faaliliuga i le seneturi lona fa faaLatina na avea ma lomiga aloaia a le Ekalesia Katoliko; Tagai Richard Marius, *Matini Luteru: o le Kerisiano i le va o le Atua ma le Oti* (1999).
12. Tagai David Daniell, *William Tyndale: A Biography* (1994).
13. Ona susunuina lea o le tino oti o Tyndale i le laau.
14. O le faaliliuga faa-Peretania a William Tyndale, e ui lava i le faalauiloaina, e faasaoina i le 1611 King James Version o le Tusi Paia.
15. Tagai David Norton, *The King James Bible: O se Talaaga Puupuu mai Tyndale i le Aso* (2011).
16. Tagai i le *Au Paia*, vol. 1: *O le Tulaga Faatonuina o le Upu Moni, 1815–1846: O le Tala i le Ekalesia a Iesu Keriso i Aso e Gata Ai* (2018), 6.
17. Tagai “Tala o le Uluai Faaaliga,” *Gospel Topics*, topics.lds.org.
18. Tagai Iosefa F. Samita, i le M. Russell Ballard, “O le Talalelei Moni, Mama, ma le Faigofie a Iesu Keriso,” *Liahona*, Me 2019, 29.





**Bonnie H. Cordon**

Peresitene Aoao  
o Tamaitai Talavou

# TAMAITI MA LE AUTALAVOU: Amata Malosi

---

Ua faasoa mai e taitai o le Ekalesia le auala e mafai ai e matua ma uarota ona fesoasoani i fanau ia avea e faapei o le Faaola.

**P**e ua e fiafia pe ua e naunau teisi e uiga i taumafaiga fou a le Ekalesia—Tamaiti ma le Autalavou—atonu e i ai ni au fesili: “O le a faapefea ona fesoasoani i lau fanau?” “E faapefea ona tatou faia lenei mea?” “O le a lau matafaioi i ai?”

Ua tuuina mai e taitai o le Ekalesia ni tali.

## Aisea ua faia ai e le Ekalesia lenei suiga?

**Sister Bonnie H. Cordon:** E pei ona aoao mai Peresitene Russell M. Nelson, e manaomia e i tatou uma ona faateleina lo tatou gafatia e maua ai faaaliga.<sup>1</sup> Ua faatulagaina le Tamaiti ma le Autalavou e valaaulia tagata tai-toatas i ma aiga ina ia saili atu i musumusuga mai le Agaga i auala e alualu ai i luma ma maua le olioli i le ala o le feagaiga. O se faatusatusaga matagofie i le mea ua vaaia e le perofeta mo i tatou taitoatas i.

**Brother Stephen W. Owen:** O loo aoao mai foi Peresitene Nelson o i tatou o se Ekalesia e taulai i le aiga, e tusa lava po o a foliga o o tatou aiga.<sup>2</sup> E le o i tatou o se Ekalesia e taulai i polokalama. E mafai e taitai ma faiaoga o le Ekalesia ona fesoasoani i a tatou fanau e aoao ma ola ai i le aoaoga faavae, ae o lena tiutetauave e amata i le fale, ma o se tiutetauave i aso taitasi.

E pei ona aoao mai le perofeta, e manaomia lo tatou sailia o faaaliga ma mulimuli i le Agaga, ma o le a fesoasoani le Tamaiti ma le Autalavou ia i tatou e faia lena mea—o se vaega ona mo le faafraigofieina. I le taimi ua tuanai, sa fiaselau ni tulaga manaomia mo matua e mataituina ma malamalamai i le Alualu i Luma Faatetagata Lava ia, O le Tiute i le Atua, Faatuatua i le Atua, ma isi polokalama a le Ekalesia a o agai atu i luma a latou fanau e ala i lo latou talavou. O lenei faiga fou e valaaulia ai le autalavou



**Stephen W. Owen**

Peresitene Aoao  
o Alii Talavou



**Joy D. Jones**  
Peresitene Aoao  
o le Peraimeri

ma fanau ia saili i musumusuga ao latou faatutuina ni sini e tusa ai ma o latou manaoga ma mea e fiafia i ai.

**Sister Joy D. Jones:** O se avanoa faagaetia lea mo a tatou fanau ma le autalavou, o le tupulaga faiae, ina ia faateleina lo latou faatuatua ia Iesu Keriso. A o latou aoao e saili ma tali atu i le taitaiga a le Agaga Paia, o le a latou malamalamama atili i lo latou faasinomaga ma le faamoemoega e faavavau, ma le auala e mafai ona latou alualu ai i luma ma lagona le alofa o le Tama Faalelagi mo i latou. O Tamaiti ma le Autalavou o loo taulai atu ia mafai ona faamanuiaina ma faamalolosia a tatou talavou ma o latou aiga i le faavaeina ma le faafaileleina o sootaga i o latou aiga, i le lotu, ma lo latou Tama Faalelagi.

### **O a laasaga muamua e mafai ona uia e aiga e amata ai ona faaaoga Tamaiti ma le Autalavou?**

**Sister Jones:** Tatalo faatasi mo le taitaiga a le Agaga. E mafai ona amata e matua e ala i le talanoa ma lo latou aiga e uiga i vaega e tolu o le faaaogaina o le Tamaiti ma le Autalavou: aoaoina o le talalelei, auaunaga ma gaoioiga, ma le atinagega o le tagata lava ia. O a ni mea o loo latou faia nei? E mafai faapefea ona latou tuputupu ae o ni tagata taitoatasai ma se aiga i vaega nei e tolu? E faapefea e le taulai atu i le Luka 2:52 ona fesoasoani e taitaia a latou fuafuaga ma le faatulagaga o sini ia manatua ma mulimuli i le Faaola? Oka se avanoa ina a matagofie e faamalolosia ai le autalavou, aiga, ma le auaiga i ni auala faigofie, faifai pea, ma anoa.

**Sister Cordon:** Tatou te amata i sina vaega itiiti i le taimi. O le savali i luga o le ala o feagai-ga e na o le pau lea o le tuu atu o le vae e tasi i luma o le isi. Faia se sini se tasi. Amata faigofie. O le tuisitaiala mo le autalavou ma tamaiti o le aumaia ia i tatou se mamanu matagofie e mulimuli ai.

**Brother Owen:** E le tatau ona tatou soona faafraigataina. E ese le faigofie o lenei mea. Fai-tau le Luka 2:52. Amata iina. Oma mafai lea e se



matua ona nonofo i lalo ma lana tama po o se talavou i le fale ma talanoa i ai. "O le a faapefea ona matou fesoasoani atu ia te oe ia tuputupu ae i le poto ma le tino ma alofagia e le Atua ma tagata?" "O le a se mea e mafai ona tatou aoao pe faia faatasi?" "O a sini e mafai ona e faatuina?" Faia i le auala faigofie.

### **Afai e i ai se mea na e manao e iloa e tamaiti ma le autalavou e pei ona i ai nei, o le a lena mea?**

**Sister Cordon:** O se avanoa ofoofogia lenei e tuputupu ai e pei ona faia e le Faaola! Afai o tatou mafaufau, "O le a se mea o loo ou taulai i ai?" e mafai ona tatou manatua ua uma ona tatou faia le tele o mea ina ia avea ai faapei o Ia. O le aoaoina o le talalelei o loo tupu i le tele o aiga ma le lotu. O loo tatou galulue ma auai i gaoioiga. O lenei taumafaiga fou ua na o se auala tatou te mafaufau ai ma tali atu e uiga i le faatinoina o mea ua tatou aoaoina—ma taulai atu i lena tuputupu ae i vaega e fa na tuputupu ae ai le Faaola: faaleagaga, faaleagafesootai, faaletino, ma faaleatamai (tagai Luka 2:52). O lenei mea o le a aumaia ai le olioli, filemu, ma le fafia tumau ia i tatou uma pe a tatou mulimuli i le Faaola!

**Sister Jones:** O le atinaega e taulai atu i le Faaola, totonugalemu i le aiga, ma lagolagoina e le Eklesia. E faafaigofieina ma faapatinoina lenei mea a o tatou laa ese mai polokalama ua mavae atu. O le a oo mai le tuputupu ae taitoatasi. Ou te faamoemoe o fanau, autalavou, taitai, ma o latou aiga o le a malamalamama faapea o se auala e mafai ona maua, ma fetuutuunai ai mo fanau uma a le Tama Faalelagi i le salafa o le kelope ina ia agai faatasi i luma ma aafia i le olioli tumau i le ala o le feagaiga. E le o se suiga tele lenei mea po o se pioga faigata o le aoaoina. O le faia o mea e sili atu i mea ua tatou faia, a o taialaina i tatou e le Agaga, ina ia mafai ona faalautele e a tatou taumafaiga faamaoni lo tatou gafatia i le mulimuli ma le alofa ma le mataalia i le Faaola.

### **Aisea e taua ai mo le autalavou ma fanau ona atiina ae faapei o le Faaola?**

**Sister Jones:** Muamua ma le sili, ua latou osia feagaiga e mulimuli pea ia te Ia. Ua latou osi feagaiga e "tutu o ni molimau a le Atua i taimi uma ma i mea uma, ma i nofoaga uma" (Mosaea 18:9). O lea e manaomia ai ona latou atiina ae e pei ona sa Ia faia: faaleagaga, faaleagafesootai, faaletino, faalemafaufau. O a latou feagaiga e le na o le *mafuaaga* lea e tatau ona latou faia ai, ae e tuuina atu ai foi le *tomai* mamana e fesoasoani ai ia i latou e ausia a latou sini.

**Brother Owen:** O lo tatou faamoemoega atoa i le olaga o le mulimuli lea ma avea faapei o lo tatou Tama Faalelagi ma Lona Alo, o Iesu Keriso. Tatou te fia pei o i La'ua. E amata ona tatou faataitaia lenei mea a o laiti, ina ia i ai le mamanu mo o tatou olaga o totoe. Ma tatou te mulimuli moni lava i le Faaola pe a tatou faia mea na Ia faia.

**Sister Cordon:** O le Faaola o lo tatou faataiga i mea uma. Tatou te suesue i Lona soifuaga ma le misiona ma aoaoga aua o Ia o mea uma ua tatou sailia e avea ai i tatou. Ae talu ai e tulagase i tatou taitoatasi, o i tatou taitoatasi e i ai o tatou uiga ma tomai tatou te manaomia e atiina ae ia avea faapei o Ia. O lenei faiga fou e maua ai e tamaiti ma le autalavou se avanoa patino e tuputupu ae ai i na auala tulaga ese, ina ia atiina ae a latou meaalofa taitoatasi, ma failoa mai na mea ua uunaia ai i latou e fai ina ia avea atili ai faapei o le Faaola. O le mea lena e patino ai lava lena mea. E leai se lisi o mea e togī pe a uma. O sini tatou te faatuina taitasi e agai i luma i le ala o feagaiga o le a escece, ae o le a tatou aoao ma tuputupu ae ma agai atu ma faalatalata atili i lo tatou Faaola.

### **O a ni mea e te faamoemoe o le a lagonaina e fanau ma le autalavou pe a latou auai?**

**Sister Cordon:** Ou te faamoemoe latou te maua se malamalamamaga loloto atu i lo latou faasinomaga e faavavau ma lagona e tatau ona latou auai. A tatou iloa po o ai i tatou ma po o ai e Ana i tatou, o le a ese a tatou amioga. O le a latou iloa ai o mea na fai mai ai ni faasallauga faaleagafesootai e le moni, aua sa latou lagonaina le ala e talanoa mai ai le Agaga ia i latou. O le a latou maua le talitonuga ia i latou lava ma i o latou gafatia paia o ni afafine ma ni atalii o le Atua.

**Sister Jones:** Matou te mananao ia latou lagona le faatuatua ma le faamoemoe ia Iesu Keriso, ia lagona le filemu lea e sau mai le tausia o poloaiga, ia oo i sootaga lelei, ia aoao e uiga i le maufetuunai, ia lagona le olioli i le auauna atu i isi, ma lagona le fafia ma le faataunuuga o le auai i le galuega o le faaolataga.

**Brother Owen:** Ou te faamoemoe o le a malamalamama fanau i le talalelei i se auala o le a goto ifo ai mai o latou ulu i o latou loto. E le o faataau i mea e maka pe a uma. O se faagasologa o le aoaoina ma le avea faapei o le Faaola. Ou te

matua faamoemoe o a tatou fanau ma i latou tatou te auauna atu i ai o le a lava lo tatou lagona mautinoa i lo latou malamalama i le talalelei e aoao atu ai i isi. Mo se faataitaiga, ou te faamoemoe o le a mafai ona tatou fesili atu i a tatou fanau se fesili e uiga i le talalelei, ma o le a tatou faalogo i se tali matuai loloto lava ona ua latou aoaoina ma o se vaega o tagata ua avea ai i latou.

### **O le a faapefea ona iloa e matua o loo aoga le Tamaiti ma le Autalavou i o latou aiga?**

**Brother Owen:** O le a ou saili mo fua o le Agaga o loo taua i le Kala-tia 5, e pei o le filemu e sili atu i le aiga. Ou te manatu o le a sili atu ona agalelei a latou fanau, e sili atu le alolofa. O le a mananao a latou fanau ia faatasi ma le aiga. O le a sili atu ona latou tatalo ma saili ia tali. O le a latou vaaia le faaleleia e le na o le faaleagaga ae faapena foi i faaleaga-fesoottai, faaletino, ma faalemafaufau.

**Sister Jones:** O le a latou iloa ua faamanuiaina a o faamalosia ia sootaga, e pei ona masani ai tagata o le aiga i le faaleleia atili ma le taumafai pea e tusa lava pe o latou tauivi, a o latou faaali atu le lagolago faatasi ma le tausia o le tasi ma le isi, ma e pei o le uunaiga a le Agaga Paia o sailia ma le malosi i taimi uma ma i ai i lo latou aiga. Atonu e vaai tagata o le aiga i se sootaga e sili atu ona manino i le va o mea o loo latou faia i aso uma ma le soifuaga o Keriso. Atonu o le a tele atu le talisapaia o le faitalia ma le salamo, uiga faaalia ua faaleleia, le faateleina o le mautinoa, o taumafaiga e aapa atu i fafo nai lo le liliu atu i totonu, ma se agaga faafetai tele mo le Faaola, Lona soifua, Ana aoaoga, o Ana faataitaiga, ma Lana Togiola ma le Toetu.

### **O le a se fautuaga e te tuuina atu i matua e ono lagona sina popole e uiga i le tuua o polokalama talu ai a le Ekalesia?**

**Sister Cordon:** E moni lava tatou te fiafia i polokalama talu ai, aua o i tatou taitoatasi na atiina ae ma maua se avanoa e vaai ai isi o atinae i totonu o na polokalama. Sa musuia lena mo lo latou taimi. Ae tatou te le faafetai ea mo faaaliga faifai pea? E manaomia i tatou e le Alii ia faaauau pea ona tatou alualu i luma ma sua, ma e manaomia e Ia a tatou polokalama ina ia alualu ai i luma ma sua ina ia ausia manaoga o tagata o le Ekalesia i le lalolagi atoa. Tatou te taumafai lava e le aunoa e faaleleia ma ia avea ma Ekalesia ma tagata e silafia ma manaomia e lo tatou Tama Faalelagi i tatou ia avea ai.

**Sister Jones:** Ua faamanuiaina lava i tatou e ala i polokalama o le taimi ua tuanai ma e mafai ona tatou maua ai le lotofaafetai mo mea uma ua tatou aoaoina ma oo i ai. O se vaitau matagofie fou lenei, ma o se avanoa e saili ai le taitaiga a le Alii e aoao ma tuputupu ae ai i ni auala fou ma musuia.

### **E mafai faapefea e taitai ona fesoasoani i tamaiti ma le autalavou ia tuputupu ae i atinaega patino?**

**Brother Owen:** Muamua, ou te manatu e manaomia e le taitai matua ona vaai atu i lena tamaiti po o lena alii talavou po o le tamaitai talavou e pei ona silasila mai ai le Atua ia i latou, o lona uiga o le tagata e mafai ona avea ai, ae le na o latou o i ai i le taimi nei. Amata i le mafau-fau i le taunuuga. Ia i ai le vaai mamao. O le a umi se taimi o lenei vaega. Vaai po o a ituaiga tagata o le a avea ai tamaiti ma le autalavou. Ia lava le atiina ae o se sootaga pe a manaomia ona e talanoa atu i le autalavou, ae latou te faaaloalo ia te oe e faalogo ai.

Ma le isi foi, ia iloa matua. Ia saili mai ia i latou pe faapefea ona e fesoasoani atu. Faaaloalo i lo latou tiute o ni matua.

**Sister Jones:** O le Peraimeri e le o i ai se faatulagaga o au peresitene o korama ma vasega o loo i ai i alii talavou ma tamaitai talavou. E tuuina atu e taitai ma faiaoga o le Peraimeri, faapea ai foi ma uso ma tuafafine a auauna, se fesoasoani mo tamaiti e le o i ai se lagolagosua i o latou aiga. Peitai, e taua lo tatou faamamaluina i taimi uma le sootaga i le va o tamaiti, autalavou, ma o latou matua, po o le a lava le tulaga o i ai le aiga. E mafai e le Tamaiti ma le Autalavou ona saunia se auala e valaaulia ai le aiga atoa e o mai ma vaai ma o mai ma fesoasoani mai. E mafai ona avea o se auala e faamalosia ai le aiga atoa, pe o i latou o ni tagata o Le Ekalesia a Iesu Keriso o le Au Paia o Aso e Gata Ai pe leai.

**Sister Cordon:** E toatele tamaiti ma le autalavou e le i ai ni o latou matua i le lotu i le Aso Sa, ae o loo i ai pea ni o latou matua alolofa. Ou te uunaia taitai ia faamasani ma matua ma iloa po o a latou miti ma moomooga o i ai mo a latou fanau. E mafai ona tatou fesoasoani atu. A o tatou galulue soosootauau ma matua, o le a tatou faamalosia tagata taitoatasi *ma* o latou aiga ma uunaia foi tamaiti ma le autalavou ina ia fefamalosiai aiga o le tasi ma le isi.



## O le a sau tala e fai atu i matua ua lofituina o e fefefe ina nei le mafai ona latou fesoasoani i a latou fanau ia manuia i le Tamaiti ma le Autalavou?

Sister Cordon: O le mea sili, o le tele o mea o loo tatou faia. Ua uma ona aoaoina faatasi e aiga le talalelei. O lea ua tatou faia auaunaga ma gaoioiga. Sa i ai pea lava sa tatou taumafaiga mo le atinaega faaletagata lava ia; o lea ua na ona tatou taulai atu lava i auala na tuputupu ae ai Keriso.

A o tatou nonofo i lalo ma a tatou fanau, ou te manatu o le a tatou fiafia lava i ai. E na o lou faalogo lava i loto o lau fanau i se auala lelei, ma masani. E finagalo lo tatou Tama Faalelagi ia tupu ae lau tama, maua le olioli, ma toe foi atu e mau faatasi ma Ia. O le a e lagonaina le Agaga Paia ua taialaina oe ao e tauivi e avea le talalelei *faatasi* ma lo tatou Faaola o Iesu Keriso o se vaega o mea uma o lou olaga.

Sister Jones: Amata i le auala e fetaui lelei ai mo lou aiga. Ia talitonu o le a e maua le fesoasoani mai le lagi. Saili le taitaiga a le Agaga. O le Tamaiti ma le Autalavou o le a avea ma se meafaigaluega taua faamatua. E tele tulaga manaomia i matua i le taimi nei ao latou taialaina ma faa-failele o latou aiga. E faigofie lava i nisi taimi ona lagona le mamafatu o avega. O le a fesoasoani le Tamaiti ma le Autalavou i matua e iloa le mea e manaomia mai le mea e taua. O le fesoasoani atu i o tatou aiga ia iloa le auala e mulimuli ai i le Faaola e ala i le musumusuga a le Agaga Paia e taua mo i tatou uma ma o le a aumaia ai le alofa ma faamanuiaga a le Alii.

Brother Owen: Ou te manatu o le a mafai moni lava ona e fesoasoani i au tamaiti ma le autalavou. E te le tau faia ni mea maoae. E oo mai i lalo i le mauaina o le faamaoni ma le agaga tatalo, ma le fatuina o ni mausa paia ma faiga masani amiontonu i lou aiga. Amata i nisi o mausa autu, faigofie, ma amiontonu, ma o le a e vaaia le tutupu o vavega i olaga o lau fanau. ■

### FAAMATALAGA

1. Tagai Russell M. Nelson, "Faaaliga mo le Ekalesia, Faaaliga mo o Tatou Olaga," *Liahona*, Me 2018, 93-96.
2. Tagai i le Russell M. Nelson, "Malelega Amata," *Liahona*, Nov. 2018, 6-8.

## PUNAOA E FESOASOANI ATU AI

I totonus o le *Liahona*:

- Wendy Ulrich, "Uunaia le Tupulaga Faiae," *Liahona*, Ian. 2020, 26.
- Heather Bergeson ma Amanda Dunn, "Tamaiti ma le Autalavou: O se Taulaiga mo le Olaga i Aso Uma," *Liahona*, Ian. 2020, 52.
- Joy D. Jones, "Ia e Lelei Teisi Atu i Aso Uma," *Uo*, Ian. 2020, U8.
- Brittany Beattie, "Auauna Atu i Tamaiti ma le Autalavou," *Liahona*, Tes. 2019, 36.

I le initonet: [childrenandyouth.ChurchofJesusChrist.org](http://childrenandyouth.ChurchofJesusChrist.org)





# Uunaia o le Tupulaga Faia'ē

---

O auala nei e fa e fesoasoani i lau fanau e faatulaga ma ausia  
ni sini anoa ia tuputupu ae faapei ona faia e le Faaola.

## Saunia e Wendy Ulrich, PhD

**T**le avea ai ma matua ma taitai, tatou te mananao e fesoasoani i tamaiti ma le autalavou ia avea ma ni soo o Iesu Keriso i le olaga atoa o e ua musuia mai le loto e auauna atu i le Alii ma faataunu a latou misiona patino.

O le Tamaiti ma le Autalavou o se seti faatauvaa ae mamana o punaoa e fesoasoani i tamaiti ma le autalavou ia tuputupu ae faaleagaga, faaleagafesootai, faaletino, ma faaleatamai, e pei ona faia e le Faaola (tagai i le Luka 2:52). E mafai ona tupu lenei mea a o latou aoao ma ola i le talalelei a Iesu Keriso, auai i auaunaga anoa ma gaoioiga fiafia, ma faatulaga ma ausia a latou lava sini. Peitai, e pei o matua i le tala o loo i lalo, atonu ua uma ona tatou lagonaina le mamafatu o avega e aunoa ma le faaopoopoina atu o sini a se isi tagata i la tatou lisi. Pe atonu tatou te popole faapea o le a le tuputupu ae a tatou fanau sei vagana ua tuleiina.

### Talanoaga mo le Faia o sini, Faataitaiga 1:

*O Alana, e 15 tausaga, na nonofo faatasi ma lona tina, o Rachel, e vaavaai i se lisi na la faia o ni sini faamoemoeina e mafai e Alana ona galue ai. Sa savali ane le Tama o Alana, o Jeff. "O le fea o nei mea e tatau ona ou faia, Tama?" O le fesili lea a Alana.*

*Sa tilotilo atu Jeff i lana uati, ma faanonou laitiiti, ma tilotilo atu i le lisi. "Ia, e faigofie lea. Ae a le 'Tauloto se viiga'? E mafai ona e vave maka-ina lena. O a nisi mea e faigofie ona faia?"*

*Sa oso ane Rachel, i le manatuaina le le manao o Alana e taumafai mo le au tamomoe a le aoga. "O le mea moni, atonu e manaomia lou faataitaia o se mea faigata! E faapefea se mea e i ai se faamalositino?" na ia fautua atu ai.*

*"A'e," le memumemu a Alana, ma aapa atu i lana telefoni. "Ou te manatu ua uma."*

### E Mafai Faapefea ona Fesoasoani Matua ma Taitai?

E mafai e matua ma taitai ona faia mea e tele e fesoasoani ai i tamaiti ma le autalavou ina ia uunaia mai i le loto e faaoga tulaga faatauaina lelei, fai filifiliga lelei, ma olioli i lo latou alualu i luma ma mea ua latou ausia.

Mafaufau i se taimi sa e matua naunau ai lava e galue agai i se sini. O le a le mea na uunaia ai oe? O taimi e te vaaia ai se



avanoa po o se tomai ua e matuai manao lava i ai po o se faafitauli e te manaomia ona foia. O le faataitaiga ma le lagolago a isi na musuia ai oe e taumafai.

E faapena foi, o le a sili atu ona uunaia tamaiti ma le autalavou mai le loto pe a latou (1) filifili ma le agaga tatalo mea latou te mananao ai (ae le na o mea e mananao i ai isi mo i latou), (2) fatu se fuafuaga mo le mauaina, (3) e le soona uunaia e ni taui po o ni faasalaga, ma (4) lagona o loo i o latou autafa matua ma taitai.

### 1. Fesoasoani i le autalavou e fuafuaga mea e sili ona latou mananao i ai

E mananao uma lava tagata i se mea: ina ia fai le au, toe moe, lagona le le tuuatoatasi, ia latalata atili i le Atua. E masani ona fesili le Alii ma Ana avefeau i tagata, "O le a le mea ua e manao i ai?" (tagai Mareko 11:24; 1 Nifae 11:1–2; Alema 18:15; 3 Nifae 27:1–2; Eteru 2:23–25). Ae o le iloaina o le mea e sili ona tatou mananao ai, e le na o mea tatou te mananao ai i le taimi nei, e aafia ai i tatou lava ma le toe iloilogia o i tatou lava.

A o e mafaufau i se tamaitiiti po o se talavou e te manao e fesoasoani i ai, fesili ifo ia te oe lava:

- E faapefea ona ou faailoa atu ia i latou ia aafiaga fou, tulaga faatauaina, ma manatu i se anotusi o sootaga lelei ma malie?
- Pe ou te tuu atu ia latou oo i taunuuga o filifiliga le lelei ina ia latou mananao ai e avea ma ni tagata e sili atu?
- O le a se taimi e mafai ona ou fesili atu ai ia i latou e uiga i mea latou te talitonu i ai ma faatauaina? (Tagai i le lisi o loo avatu ai, "Fesili Aoga e Iloa Ai.")
- E mafai faapefea ona ou faailoa atu o latou malosiaga? (Taumafai: "Ou te vaai atu ua e lelei lava i le . . . . E mafai faapefea ona e faaaogaina lena mea e auauna ai i le Alii?")

### 2. Fesoasoani i le autalavou e fatu se fuafuaga

O le taimi lava latou te faamautu ai se sini, e masani lava ona lelei le autalavou i le faatulagaina o se fuafuaga. Atonu

e manaomia e tamaiti laiti ni manatu faaopoopo. Faaopoopo i ai au faantuaga pe a le mautonu i latou. Ae ia fiafia i ai, aua le faalii, pe afai latou te fiafia atu i o latou manatu nai lo ou manatu!

Ina ia fesoasoani i isi e fai se fuafuaga, e mafai ona e fesili:

- O le a lau sini? (O sini le mautinoa e pei o le “Ia sili atu” e faigata ona faauigaina sei vagana ua aofia ai ni faatinoga faapitoa e pei o le “Faamalo atu i se tagata i aso uma” po o le “Faatoese atu pe a ou ita.”)
- Aisea e taua ai ia te oe lea sini? (O le a faapefea ona fesoasoani ia i latou e ola ai i o latou tulaga faatauaina pe avea atili ai e pei o le Faaola?)
- Pe o se taimi lelei ea lenei e galue ai i lenei sini? (Aisea pe aisea e leai ai?)
- O le a se laasaga laitiiti, ma faigofie e mafai ona e faia e amata ai? (Faamanatu ia i latou o lena faatinoga e fatuina ai le uunaiga. Fesoasoani ia i latou e amata, pe toe amata foi, i se mea ititi ma faatauvaa.)
- E mafai faapefea ona e faatulagaina ni mea e lagolago ai lau fuafuaga? (Mafau-fau e fatu ni faamanatu, ni upu o le faamalosiauga, faia o se siata po o se taimi e siaki ai le alualu i luma, aveesecina o faaososoga, mauaina o meafaigaluega sao, po o le talosaga mo se fesoasoani.)
- O a ni faafitauli atonu e oo mai i lou auala? E faapefea ona e taulimaina na mea? (Fesoasoani ia i latou ia manatua la latou fuafuaga, ia iloa mea o loo sese, faataitai atili se vaega faigata, faataitai se fuafuaga fou, pe fetuunai le sini.)

Ina ia fesoasoani i isi e ala i mea faalavefau, e mafai ona e faasoa atu ni aafiaga mai lou olaga po o le aiga e uiga i tagata o feagai ma tofotofoga ma le le toe maluelue. Taumafai foi e fesili atu:

- O le a se mea na e faataitaia? O le a se isi mea e mafai ona e taumafai ai?
- O ai e mafai ona fesoasoani? E mafai faapefea ona ou fesoasoani?
- O a ni manatu e oo mai i lou mafaufau a o e tatalo e uiga i lenei mea?



### **3. Ia faaeteete i taui po o faasalaga**

E mafai ona fesoasoani ni taui laiti i tagata e faataitai se mea fou, faia se galuega faigata e sili atu le malie, po o le faamanatuina o se faamanuiaina. Peitai, pe a ova ona fai, o taui e mafai ona faavaivaia ai le uunaiga moni. O tagata ua fiafia i se galuega e tele lava ina latou le faia, e le sili atu, pe afai e totogi mo le faia, ma faaiuina ai e le aoga ona faia mo na o le taui lava. Ma a o manaomia e fanau ona oo i taunuuga o filifiliga le lelei, ua latou aoao ai e matata’u ma aloese mai tagata o e faasalaina i latou nai lo le aoao e teu loto tulaga faatauaina lelei.

O le mea moni, e faamoemoe tagata o le a totogi atu galuega, lea e mafai ai foi ona tuuina atu i ponesi po o le aloaiaina o ni manatu faaalia aoga. Ae a oo mai i le ola ai i le talalelei ma le ausiaina o sini patino, o taui i totonu e sili ona uunaia i le taimi lava lena. Taui i totonu e aofia ai le:

- Lagonaina o le Agaga.
- Lagonaina o le fesootai ma matua, taitai, ma uo.
- Ola i o latou tulaga faatauaina.
- Aoaoina, tofotofoina o mea fou, ma le foiaina o faafitauli.
- Mauaina o le fiafia.
- Faia se eseesege mo le lelei.

Fesoasoani i tagata talavou ia iloa ma faataua nei taui i totonu. Ma e i ai taimi e tuuina mai ai se taui e fesootai e faailoga ai se galuega ua lelei ona faia!

### **4. Fesoasoani i le autalavou ia lagona lou alofa**

O mafutaga alofa o se tasi lea o auala e sili ona taua e uunaia ai tulaga faatauaina, sini, ma le uunaiga. O faapefea ona fesootai atu tagata ia te oe faapea e alolofa moni ma faapelepele ia te oe? E faapefea ona e filifili po o ai e saogalemu e faamaoni i ai i au mea sese po o tauiviga? Afai e te lei lagonaina moni le alofagia i le aiga, o le a sou manatu i le mea sa e manaomia e te lei mauaina?

O au tali e mafai ona fesoasoani ia te oe e iloa ai pe faapefea ona fesootai atu i tagata talavou latou te faapelepele i ai ma saogalemu ai.

Faatasi ai ma se faatinoga ma le fesoasoani mai le lagi, e mafai ai ona tatou fesoasoani e uunaia ma faatosinaina le tupulaga faiae.

### Talanoaga mo le Faia o sini, Faataitaiga 2:

*O Alana, e 15 tausaga, na nonofo faatasi ma lona tina, o Rachel, ma matamata i se lisi o sini e mafai ona galue ai Alana ae savali ane ai le Tama o Alana, o Jeff. "O le fea o nei mea e tatau ona ou faia, Tama?" O le fesili lea a Alana.*

*Sa tilotilo atu Jeffi lana uati, ma faanonou laitiiti, ma tilotilo atu i le lisi. "Ia, e faigofie lea. Ae a le 'Tauloto se viiga'? E mafai ona e vave makaina lena mea. O a nisi mea e faigofie ona faia?"*

*Sa tu Jeff. E i ai le mea e le foliga sao, o lea sa ia faaaluina ai le taimi e mafaufau ai po o le a.*

*Ua ou tuai, o ona mafaufauga ia. Na o lou fia manao lava ia uma lenei mea. Ou te lē lelei tele i lenei mea o le faamatua. Aaaaaaa. Sa ia tilotilo atu i lona afafine ona ia iloa ai lea ua ia mauaina foi nisi lagona. Faamoemoe. Fiafia. E le na o le makaina o mea ua uma. Sa faatatau i lona tuputupu ae. Ma o se avanoa lenei e fesootai ai ma ia. Sa i ai se ataata na susulu mai i ona foliga.*

*"Tatou taofi ma mafaufau e uiga i lenei mea," o lana tala lea. "Ae faapeflea pe afai tatou te tusia taitoatas i lalo ni mea na tatou lagonaina le uunaiga e galue ai talu ai nei?"*



*"Aaaa, Lelei," o le tala lea a Alana. Sa maua e Rachel ni peni tala ma se pepa, ma sa latou faaaluina ni minute e mafaufau ai ma tusitusi.*

*"Lelei," o le tala lea a Rachel. "O le a nei la?"*

*Na manatua e Alana, "Ou te manatu e tatau ona tatou tatalo i ai ona filifili lea o se sini ma fai se fuafuaga. Ae Tama, e te manatu moni lava e popole le Tama Faalelagi po o le a le sini ou te filifilia?"*

*Na tomanatu Jeff. "E tele ou manatu lelei, atonu e finagalo le Tama Faalelagi e te filifilia se tasi e amata ai. Ae ou te matuai mautinoa lava le mea e tasi. E popole le Tama Faalelagi ia te oe."*

*"Ou te iloa e te fia faaaaogaina au meaalofa e fai ai se eseesega," na faaoopo Mai ai Rachel, "ma afai o se tasi o nei mea e sili atu le taua, ou te mautinoa o le a fesoasoani le Tama Faalelagi ia te oe ia lagona lena mea."*

*Sa ataata Alana, ona ia manatua ai lea, "na fesili atu Peresitene Nelson i le autalavou e fai se iloiloga maeaea o o tatou olaga. E mafai ona ou alu e aumai le mea na ou tusia?"*

*"Ioe!" o le tala lea a Jeff, ma ataata. Na ia toe tilotilo atu foi i lana uati. "Oi, ua tatau ona ou alu. Sue le mea na e tusia ona tatou talanoa ai lea i le taumafataga o le afiafi, Ua e iloa? E i ai ni nai au fesili e ono fesoasoani."*

*"Lelei tele!" o le tala lea a Alana, ma ataata. "Ma, Tama? Tima? Faafetai lava." ■  
E alala le tusitala i Iuta, ISA.*

## FESILI E TATAU ONA AOGA

Ina ia fesoasoani i tamaiti ma le autalavou ia maua mea e sili ona latou mananao i ai, ia talanoaina nisi o fesili nei ma i latou:

O ai e te fiafia i ai? Aisea?

O le a le ala e te manao e taulimaina ai oe? O le a le ala e te manao e taulimaina ai isi?

O a folafolaga o i ai i tusitusiga paia, aoaoga a perofeta, po o lou faamanuiga faapeteriaka e foliga mai e taua i lou lumanai?

O le a se mea e te manao ia sili atu pe itiiti i lou olaga?

O a ni taimi e te fiafia ma aafia ai i le olaga? Faia le a?

O le a se mea e te faia i lou olaga pe ana e le fefe ina nei toilalo?

O le a se faafitauli o faalavelave ia oe i nei aso?

O le a sou manatu i le finagalo o le Alii mo oe ma mai ia oe?

O le a se mea e te manao e faataitai pe aoao i lenei tausaga? Aisea?

O a au sini i lenei vaiaso? Aisea e ono taua ai i le Alii?

A o tatou talanoa, ou te faalogo atu ua e manao \_\_\_\_\_.

E sao lena? O le a se isi mea?

## O se Faatanoa o le Molimau

**I** lou tausaga muamua i le aoga maualuga, na tetea ai ou matua. Mo le tele o tausaga, sa ou vaai i lou tama e le o tagofia le faamanatuga. Sa ou iloa sa ia tauivi e tausi poloaiga, ae sa ou le malamalama i le maualuga po o le umi o na tauiviga. Ae ina ua tau mai e ou matua ia te au e uiga i le tapeina o lona igoa na iu ai ina ma aoaoina ma lou uso ia faamatalaga.

“Ou te ita ia te oe!” Sa ou ee atu ai pea, ma tagi masusu. Sa ou matuai ita lava. *Efaapefea ona ia faia lenei mea i lo matou aiga?* Sa ou mafaufau ai. *Efaapefea ona ia pepelo ia i tatou mo se taimi umi?*

O le uluai faateia ma le ita sa lei umi. I totonus o ni nai vaiaso, na suia lou ita i le le toe kea loa. I le taimi muamua, o le le toe kea o se toomaga mai le ita ma le tiga na ou lagonaina, ae na iu lava ina suia lou toomaga i le atuatuvale. Sa ou lagonaina le mamafatu o lou olaga ua siomia ai au. E sili atu nai lo se isi lava taimi muamua, sa manaomia ona ou fesootai atu i le lagi. Sa manaomia ona ou lagonaina le alofa o le Atua, taitaiga, filemu, ma le faamalologa.

E lei umi, ae oo mai le konafesi aoao. I se tasi sauniga, sa ou faalogo ma faatalitali ina ia lagona le faamafanafanaga a le Atua. Ae e le'i oo mai. O iina i le falesa pogisa, sa ou mafaufau ai, *e le mafai ona ou lagonaina le Agaga Paia, ae ou te mautinoa o loo i ai o Ia iinei. E tatau ona i ai o Ia iinei.* A o ou mafaufau i lenei mea, sa amata ona ou manatuaina le tele o molimau laiti na ou mauaina e moni tusitusiga paia, o Iosefa

Samita o se perofeta, ua faamanuiaina e le Tama Faalelagi lou aiga, ma o le tausia o poloaiga na aumaia ai le filemu.

Sa pei o loo i ai sau faatanoa o le molimau.

O le tele lava o lou toe mafaufau i au molimau faaleagaga ua mavae, o le tele foi lena o lou iloaina e ui lava sa ou matuai manao lava e lagona le Agaga, ae sa matuai le afaina lava pe le mafai ona ou lagonaina Lana uunaiga i lena taimi tonu lava. Ua i ai sau faleoloa o ni molimau filemu, ma tumau e moni le talalelei.

O lena malamalama na lagolagoina ai au ma tuuina mai ai ia te au le manao e faaaauau pea ona tausia poloaiga e tusa lava pe na foliga mai na le vave mai faamanuiaga. Na faasolosolo lava, ina ou lagonaina atili le alofa o le Tama Faalelagi ma le Faaola i lou olaga. O le latalata ia i Laua, e tusa lava pe le mafai ona ou lagonaina i taimi uma i Laua ua latalata mai, na aumaia ia te au se filemu e le mafaaftia ma se molimau e malosi atu i le talalelei a le Faaola. O loo faaaauau pea ona faatosinaina au i le taimi nei pe a ou feagai ma le le mautonu po o le lototiga. Ou te iloa e mafai ona ou faatuauaina le Tama Faalelagi ma le Faaola, ma o le a La faamaloloina, siitia, ma faamalosia au ma i tatou taitoatas. ■

**Ua taofia le igoa, luta, ISA**



**E** le afaina lava le le mafai ona ou lagonaina le Agaga i lena taimi. Ua i ai ia te au se faleoloa, o ni molimau filemu ma tumau.

# Pe o le a la Malamalama?

Le 2005, na ou vave fanauina ai se masaga tolu: o Milena, Mateo, ma Nelson. Sa fanau mai Milena e malosi, ae sa mafatia au tama tama laiti e toalua i ni faafitauli. Na maliu Mateo i na faafitauli ina ua mavae le tolu masina talu ona fanau mai o ia.

O se masina mulimuli ane talu ona maliu Mateo, na iloa ai o Nelson na maua i se supa o le faiai ma le tutuli. Sa lofituina i ma'ua. Sa fai mai fomai o le a le mafai ona ia savali. I lena taimi, sa matou faafetai mo lo matou malamalama i le talalelei a Iesu Keriso. Na fesoasoani matou te malamalama ai i le mafuaaga matou te oo ai i faigata i lenei olaga.

E ala i le faatuatua ma le galue malosi, na aoao ai Nelson e savali ma fesoootai atu i le gagana e fai i faailoga. Ua sili atu mea ua ia faia nai lo le mea na muai tau mai e ana fomai. Sa ola ae o ia ma le fiafia i lo matou aiga ma i le talalelei.

E ui lava i ona tapulaa, ae sa tele ni a matou sini mo Nelson: ia malamalama

o ia i le uiga o le papatisoga a o lei papatisoina o ia, na te mauaina le Perisitua Arona i le 12 o ona tausaga, ma e alu o ia i le malumalu e faia papatisoga mo e ua maliliu.

I le 2017, na atoa ai le 12 tausaga o Nelson. Sa matou fesoasoani ia te ia e saunia e faia papatisoga mo e ua maliliu. O se luitau ia te ia le malamalama o i latou o e ua maliliu e aunoa ma le papatisoga e manaomia la tatou fesoasoani. E lei leva ona mavae le aso fanau o Nelson, ae latou o atu loa ma Milena ma ona tei matutua o Franco ma Brenda, ma isi talavou mai le matou uarota i le Malumalu o Cordoba Atenitina. Sa faafeiloai i latou e le peresitene o le malumalu ma talanoa atu ia i latou e uiga i le taua o le sui papatisoga. Sa ma nonofo ma Nelson ma fai atu le

gagana faailoga mo ia. E lei umi, ae oo i lona taimi. Ina ua laa atu o ia i le faatanoa o le vai papatisoga, sa matou tuufesili, pe o le

a malamalama moni lava o ia?

A o ulu atu o ia i le vai, na faasolo ina ootia lagona o Nelson. I lena taimi, sa faaali mai ai e le Agaga Paia ia i matou e faapea, sa ia malamalama moni lava o loo ia faia se mea mo ona tuaa ua maliliu e le mafai ona latou faia mo i latou lava. Na matou iloa na ia malamalama o tagata o le aiga i le isi itu o le veli sa fiafia ua ia fesoasoani ia i latou. Sa faaali mai foi e le Agaga ia i matou sa i ai Mateo iina e faatasi ma lona uso ma lona tuafafine. Ina ua sau Nelson mai le vai, sa fiafia tele o ia.

Talu mai lena taimi, na papatisoina ia Nelson ma faamauina mo le toatele o tagata o le aiga, e aofia ai lou tama, lea na maliu i le 2016. Matou te fiafia i le malumalu. O le auauna atu iina ua avea ai ma se tu masani a lo matou aiga. O taimi uma lava matou te o ai, matou te manatua lena aso faapitoa. ■

**Miriam Rosana Galeano, Cordoba, Atenitina**

**O**le auauna atu i le malumalu ua avea ma se tu masani a lo matou aiga. O taimi uma lava matou te o ai, matou te manatua ina le aso faapitoa o Nelson.



# "E Tusa ma le poto o ia o Le ua Silafia Mea Uma"

Inua ou ulufale atu i le nofoaga autu mo le aoaoina o faifeautalai o se faifeautalai faamisiona, sa ou iloa ai e tele ni mea e tatau ona aoaoina. Sa ou faia le mea sili ou te mafaia e suesue ai, faamalosia lau molimau, ma fausia i luga o le faavae ua ou maua. Ou te tatalo, fesili i le Tama Faalelagi se fesili, ona saili lea mo ni tali. O lenei faatinoga na suia lo'u olaga.

I se tasi aso a o ou auauna atu o se faifeautalai i Peru, sa maua ai e se uso a faifeau se tusi e tau atu ai ia te ia ua maliu faafusei le tama o sana uo mamae. Sa maligi ona loimata. "Aisea e faatagaina ai e le Tama Faalelagi lenei mea e tupu?" o lana tagi lea.

Sa ootia ai lou loto i lenei fesili. O le po lena, sa ou tootuli ai ma fesili atu i le Tama o i le Lagi i le fesili lava lea e tasi. Ona, ou sailiili lea i le Tusi a Mamona, ma tau atu ai lau vaai i le 2 Nifae 2:24,

lea o loo faapea mai, "ae faauta, ua faia mea uma e tusa ma le poto o ia o le ua silafia mea uma."

Sa oo mai i lou loto lena fuaitau ma sa lei aluese ai. Sa ou tusia se kata i le faifeau ma faaaofia ai lena mau o se vaega o lau molimau. Sa ou faamautinoa atu ia te ia o le a lelei mea uma ona e faia e le Tama Faalelagi ia mea i le poto. E mafai ona tatou faalagolago ia te Ia ona e alofa o Ia ia i tatou ma silafia mea uma.

Pe tusa ma se tausaga ma le afa mulimuli ane, sa ou auauna atu ai i atumauga o Peru ae ou maua se telefoni e lei faamoemoeina mai lau peresitene o le misiona. Sa ia fai mai na tigaina lou tama i le tino ua pe ma sa i ai i se tulaga ogaoga. Ina ua mavae sina taimi puupuu, na maliu lou tama. Sa ou matua faavauvau lava, ma sa ou lagona le faanoanoa i fesili e pei o le,

"E mafai faapefea ona ou faagaloina lenei mea?"

Sa ou tatalo i le Tama Faalelagi mo se tali. E tele taimi sa ou fia iloa ai le mafuaga na aveese ai lou tama e aunoa ma au, e oo lava i le maua o se avanoa e faatofa atu ai. Sa ou liliu atu i le Tusi a Mamona, tatala, ma faitau ai upu lava ia e tasi sa ou faasoa atu i lena faifeau i le tele o masina ua mavae: "Ae faauta, ua faia mea uma e tusa ma le poto o ia o le ua silafia mea uma." O na upu na ufitia ai au i le filemu e pei o se palanikeke ma tuu mai ia te au le alofa tunoa ina ua ou lagona le toilalo.

Ua leai sou tama faalelalolagi, ae o lou Tama Faalelagi o le a i ai pea iina mo au. E faia e le Tama Faalelagi mea uma i Lona poto, ma a o tatou saili ma faia le mea sili tatou te mafaia e saunia ai i tatou lava, e mafai ona tatou maua ni tali taua. ■

**Christopher Deaver, Kafeonia, ISA**

**A** o ou auauna atu i atumauga o Peru, sa ou maua se valaau e lei faamoemoeina mai lou peresitene o le misiona.



**O** lou valaauga fou e auauna atu na faamaonia ai na auina mai au e le Alii i le nofoaga sao i le taimi sao.



## O Se Mataupu Fou Matagofie

Sa ou tapunia se mataupu se tasi i lou olaga ina ua avea au ma se tina ua oti lana tane ia Oketopa 2010. I lena taimi, sa ou faigaluega ai o se faufautua i Farani i saute. O se faalavelave faafuasei i le galuega na faatapulaa ai lou fealuai, ma sa ou le fafia ona sa le mafai ona toe maua lou soifua malolina ma lou malosi. Sa ou fafia i se olaga faalegaluega faamanuiaina mo le 11 tausaga. Sa ou fafia i lau galuega. Sa tele ni au uo. Ae sa le mafai ona ou toe ausia tulaga manaomia o lau galuega.

E tatau ona ou tautino atu, ina ua mavae le silia ma le 33 tausaga o faatinoina o le Upu o le Poto, sa ou mafaufau ai pe aisea ua le mafai ai ona “taufetuli ae le vaivai” pe “savavali ae le matapogia” (tagai Mataupu Faavae ma Feagaiga 89:20). Mulimuli ane, sa

tatau ona ou litaea vave nai lo le mea na faamoemoeina, ma tapunia ai le isi mataupu i lou olaga.

Sa ma nonofo ma lou afafine ina ua ia iloaina o le a siitia atu o ia e lana galuega i le eria o Pale. Sa ou filifili e tatau ona ma o ma tatala se mataupu fou i lou olaga i se nofoaga fou.

E lei leva ona taunu, ae valaauna uma i maua e galulue i le malumalu o Pale Farani. O lou valaauga e auauna atu i le malumalu na faamautu mai ai ia te au sa ou i ai i le nofoaga sao i le taimi sao aua na aumai au e le Alii iinei. Ua ou maua le tele o le olioli i le galue ai i se tulaga faifai pea i le maota o le Alii, ma e ese le matagofie o le faasoa atu o taimi i le malumalu ma lou afafine. Na te faatumuina lo'u loto i le olioli!

O le aso, ua ou iloa ai le faamanuiaga sili lea sa nana i tua o se mafatiaga. O le faaitiitia o lou fealuai, le le mafai ai ona toe faatino lau galuega, ma vave ona litaea na faigata. Ae ou te iloa sa tauave au e lo tatou Alii o Iesu Keriso. Sa Ia fesoasoani mai ia te au e faalemu i lalo ma saili le malologa, faamoemoe, ma le filemu ua avea nei ma se vaega tele o lou olaga.

O taimi uma lava ou te savali ai i fai-totoa o le malumalu, ou te lagonaina le Agaga Paia. I taimi faigata faatasi ai ma le tele o uunaiga mai le lalolagi i o tatou luga, e matagofie tele le iloa ua tuuina mai e le Alii ia i tatou ni nofoaga paia lea e faatulaga lelei ma matagofie. Ou te lagonaina le agaga faafetai tele mo lenei mataupu fou o le auaunaga i le malumalu i lou olaga. E matagofie lava! ■

**Sylvie Cornette, Île-de-Farani, Farani**



*Samuelu Samita*



*Lusi Maki Samita*



*Ailama Samita*

*Iosefa Samita*



*Ailama Page*



*O Molimau e Tōatolu*

*Matini Harisi Tāvita Uitimera Oliva Kaotui*



*Rhoda Greene  
(tuafafine o Polika Iaga)*



*Sally Parker*



*Viliamu McLellin*



*Rebecca Williams*

# O le Iloaina e Lelei ae e Lē Lava

---

O nisi nei o tala mai i uluai tagata o le Ekalesia na faalogo i molimau mai molimau o le Tusi a Mamona.

#### **Saunia e Steven C. Harper**

Polofesa o Talafaasolopito ma Aoaoga Faavae o le Ekalesia, i le lunivesite o Polika laga

**O** le faalogo i le molimau a se molimau o le Tusi a Mamona atonu o le isi mea sili lea e sosoo ma le vaai i papatusi auro po o se agelu. Na maua e le toatele o uluai tagata o le Ekalesia lena avanoa.

O tala o loo mulimuli mai o ni nai tagata o le Ekalesia o e na talanoa i molimau o le Tusi a Mamona. Ae peitai, o le a tatou vaai, e pei ona aoao mai Peresitene Russell M. Nelson, o le mauaina o se molimau o le Tusi a Mamona e “lelei, ae e le lava!”<sup>1</sup>

#### **Rebecca Williams: “O la Latou Upu ua Talitonuina”**

Na faalogo Rebecca Swain Williams i ni nai molimau o le Tusi a Mamona i Ohaio na amata i le 1830. Sa ia tuuina atu lana molimau i lona tama ma ona tuagane: “Na ou faalogo i le tala lava lea e tasi mai le tele o le aiga o [Samita] ma mai molimau e toatolu. Na ou faalogo o latou tautino mai i fonotaga faalauaitele na latou vaai i se Agelu Paia o afio ifo mai le lagi ma aumai papatusi ma faataatitia i luma o o latou mata.”

Ina ua teena e tagata o lona aiga lana molimau, sa lei vaivai ai Rebecca. Sa faaauau pea ona ia alofa ia i latou, tatalo mo i latou, ma faataua fautuaga lelei a lona tama. Sa faaauau foi ona ia molimau atu ia te ia faapea o molimau o le Tusi a Mamona na tau maia le mea moni: “O i latou o tamalii o tagata lelei ma o a latou upu e talitonuina. . . . Sa latou vaai i se agelu a le Atua ma talanoa ma ia.”<sup>2</sup>

I le faaiuga o le 1830, o se vaitau o le feavaeaeai tele i le Ekalesia, na tumau ai pea le faamaoni o Repeka, i le filifilia e tumau i mataupu o le Tusi a Mamona.<sup>3</sup>

#### **William McLellin: “Noatia . . . e Talia le Upu Moni”**

I se tasi taeao i le 1831 sa faalogo ai se faiaoga talavou e igoa ia William McLellin e faapea, o ni alii a o latou malaga atu i Misuri o le a talai atu e uiga i se tusi fou lea sa faamatalaina o se “Faaaliga mai le Atua.” Sa ia faatopetope ia faalogo ia i laua. Sa ia faalogologo atu ia Tavita Uitimera o molimau atu faapea sa ia “vaaia se Agelu Paia o le na

ia faailoa atu le moni o lenei talafaamaumau ia te ia.” Sa ia matuai manao lava e iloa pe moni a la molimau. Sa ia mulimuli ia i laua i le 400 maila (644 km) i Initipene, Misuri, lea na ia feiloai ai ma faatalanoa isi molimau, e aofia ai

Matini Harisi ma Ailama Samita.<sup>4</sup>



Sa faatalanoa e William ia Ailama mo le tele o itula. “Sa ou fesili atu i le auiliili o le oo mai o le faamaumauga,” na tusia ai e William. O le taeao na sosoo ai, ina ua uma ona tatalo ina ia taitai atu i le upumoni, sa ia iloaina ai sa “noatia o ia e avea ma se tamalii faamaoni e faailoa le upumoni ma le aoga o le Tusi a Mamona.”<sup>5</sup>

I tausaga na sosoo ai, sa tofotofoina ma faamalosia ai le faatuatua o William i ana filifiliga ma sauaga na mafatia ai le Au Paia o Aso e Gata Ai. Ina ua osofaia le Au Paia i le Itumalo o Jackson, Misuri, o le uo a William o Ailama Page, o se tasi o molimau e toavalu, sa taisi ma sasa e tagata na fai mai o le a latou faatagaina o ia e alu pe afai e teena e ia le Tusi a Mamona. “E mafai faapefea ona ou faafitia mea ua ou iloa e moni?” Sa fai atu ai Ailama, ma na latou toe sasaina o ia.

Na faamalosia William e le molimau a Ailama—ma e manino lelei [lona] mata’u i le sasaina. Ina ua faalogo William o tagata i le eria sa latou ofoina atu se taui mo le mauaina mai o ia ma Oliva Kaotui, sa la tuua loa le aai e lalafi i le togavao faatasi ma Tavita Uitimera. O iina na faatalanoa ai e William le toalua o Molimau e Toatolu. “Ou te lei vaai lava i se faaaliga vaaia i lou olaga,” na ia saunoa ai, “ae ua fai mai ouluu alii na lua vaaia, ma o lea ua ouluu iloa lelei ai. Ua ouluu iloa nei o loo lamatia o tatou ola i itula uma, pe afai e mafai e tagata leaga ona pueina i tatou. Tau mai ia te au i le matau i le Atua, e moni ea lena Tusi a Mamona?”

“Uso William,” na fai atu ai Oliva, “na auina mai e le Atua lana agelu paia e folafola mai le moni o le Faaliliuga o lea tusi ia i matou, ma o lea ua matou iloa ai. Ma e ui e fasiotia i matou e tagata leaga, ae tatau lava ona matou oti a o tautino atu lona moni.”<sup>6</sup>

Sa faaopoopo mai Tavita, “Na tau atu e Oliva ia te oe le upumoni paia, aua e le mafai ona faaseseina i matou. E sili ona ou tautino faamaoni atu ia te oe lona moni!”<sup>6</sup>

O Tavita, Matini, Ailama, Oliva, ma Viliamu na taitoatasi ona latou iloa o Iosefa Samita na faaliliuina le Tusi a Mamona e ala i le mana o le Atua. Sa latou iloa o le talalelei na tusia i papatusi auro e moni. Ae mulimuli ane na latou faatagaina le le fiafia ia Iosefa e faateteleina seia latou le toe ola i aoaoga o le Tusi a Mamona.

I le molimaufina o a latou filifiliga, na molimau atu ai le Perofeta o Iosefa Samita faapea e le gata ina moni le Tusi a Mamona—“o le Tusi a Mamona o le tusi aupito sili lea ona sa’o i soos se tusi i le lalolagi, ma o le maa auau o la tatou tapuaiga”—ma e “mafai ona tatou latalata atili atu i le Atua i le tumau ai i ona mataupu, nai lo soos se isi lava tusi.”<sup>7</sup>

### Sally Parker: “Malosi i le Faatuatua”

O Sally Parker o se tuaoi o Lusi Maka Samita i Katelani, Ohaio. “Sa ia tau mai ia te au le tala atoa,” na tusia e Sally. Ina ua ia fesili atu ia Lusi pe na ia vaai i papatusi, “sa fai mai [Lusi] leai, e le mo ia le vaai i ai, ae sa ia siiina ma ia tagotagao i ai ma na ou talitonu i mea uma na ia fai mai ai ona sa ou nofo faatasi ma ia mo le valu masina ma o ia o se tasi o tamaitai e sili ona lelei.”

I le 1838, sa faalogo ai Sally ao faasoia mai foi e Ailama Samita lana molimau: “Sa ia fai mai na ia vaai i papatusi i ona lava mata ma sa ia uuina i ona lima.”<sup>8</sup>

I le faaiguuga o le 1830, a o tuua e le toatele o tagata le Ekalesia, na toe faanoanoa ai Sally Parker i le

aveesea o lo latou faaumeaina  
ma toe faafouina ai lona  
naunauta-  
iga e usitai i

aoaoga o le Tusi  
a Mamona. “O lau mau ia  
pipii mau pea i le faatuatua lea  
e pei o se fua o le sinapi,” na  
tusia e Sally. “Ua ou lagonaina  
lona mana i totonu o lou loto i  
le taimi nei. Ou te malosi i le  
faatuatua e pei ona sa ou i ai  
i le taimi na matou papatiso  
ai ma o loo tutusa pea lou  
mafaufau. O lau mau ia  
pipii mau i le talalelei  
seia oo i le oti.”<sup>9</sup>

## Rhoda Greene: "Sa ia Te la Le Agaga o le Atua"

Sa saunoa Lusi Maka Samita i le konafesi aoao i le 1845, ina ua maliliu uma molimau o le Tusi a Mamona i lona aiga mai faamai pe na fasiotia foi. Sa ia faamatalaina se tala mai le misiona muamua a lana tama o Samuelu.

Sa asiasi atu Samuelu, se tasi o Molimau e Toavalu, i le fale o Rhoda Greene, o lona toalua sa i ai i se misiona mo se isi lotu. Sa fesili atu Samuelu ia Rhoda pe manao i se tusi. "O se Tusi a Mamona lea na faaliliuina e lou Uso o Iosefa mai papatusi mai le eleele," na ia faamatala ai.

Sa talia e Rhoda se kopi o le tusi e faitau ma faaali atu i lana tane. Ina ua toe foi mai Samuelu i se taimi mulimuli ane, sa fai atu Rhoda ia te ia e le fiafia i ai lona toalua, ma e le mafai ona ia faatauina le tusi. I le faanoanoa, na ave e Samuelu le tusi ma amata ona alu ese. Sa faamatala mulimuli ane e Rhoda ia Lusi ona malolo lea ma tilotilo atu ia te ia. "Na te lei vaaia lava se tagata o foliga faapea," o le tala lea a Lusi i lana lauga o le konafesi. "Sa ia iloa o loo ia te ia le Agaga o le Atua."

"Na faasa au e le Agaga ona ave le tusi lenei," o le tala lea a Samuelu ia Rhoda, o le na tootuli ma fai atu ia Samuelu e tatalo faatasi ma ia. Sa ia taofia le tusi, faitau i ai, ma maua se molimau e uiga i ai. O lea, na iu ina faapena foi lana tane. Sa la filifili e ola i ona matapu i o la olaga atoa.

"Ma sa faapea ona amata ai le galuega," sa molimau atu ai Lusi, "ona sosolo ai lea e pei o se fatu o le sinapi."<sup>10</sup>

O Rhoda Greene o lou tuaa. Ua faagaeetia au i lana molimau i le Tusi a Mamona ma i molimau na faamaumauina e uiga i molimau a e na faalogo ia i latou. Ua faamalosia au e ala i a latou filifiliga e ola i mea ua aoao mai e le Tusi a Mamona.

E mafai e i tatou taitoatasi ona avea ma molimau o ona po nei i le Tusi a Mamona, pe a faamautu mai e le Agaga Paia ia i tatou le moni o le tusi. E lei leva ona ou alu mo lau misiona,



na uma ona ou faitauina le Tusi a Mamona, ona ou tootuli ai lea ma fai se tatalo faigofie ae ma se manatu moni i ai, o se loto faamaoni, ma le faatuatua ia Jesu Keriso (tagai Moronae 10:3–4). Sa ou lagonaina se uunaiga malosi lea na faapea mai, "Ua uma ona e iloa e moni." Na oo mai ma se filemu ou te lei manao e teena. Na ou iloa mai lena taimi e moni le Tusi a Mamona.

Peitai, e le lava lena. Na aoao mai Peresitene Russell M. Nelson: "Soo se taimi lava ou te faalogo ai i se tasi, e aofia ai ma a'u lava ia, o faapea, 'Ou te iloa e moni le Tusi a Mamona,' e oso lava lo'u fia alaga atu, 'E manaia tele, ae le lava lena!' E manaomia ona tatou lagonaina, i le loloto i le 'taele' o o tatou loto, o le Tusi a Mamona e manino lava o le afioga a le Atua. E tatau ona tatou lagonaina le o'oo'o lea tatou te le mananao ai lava e ola i se aso e aunoa ma le tusi."<sup>11</sup> E moni aoaoga a Peresitene Nelson. O lau taumafaiga faifai pea e ola i aoaoga a le Tusi a Mamona ua ou latalata atili atu ai i le Atua nai lo se isi lava mea. ■

### FAAMATALAGA

1. Russell M. Nelson, "O Le Tusi a Mamona: Faamata e Faape'i Lou Olaga e Aunoa ma Ia?" *Liahona*, Nov. 2017, 63.
2. Rebecca Swain Williams ia Isaako Swain, Youngstown, Niu Ioka, 12 Iuni, 1834, ua faalaugatasia le sipelaina. Tagai i le faaliliuga ma ata o le tusi i le Janiece Johnson, "Lafoai Uma Mea ma Mulimuli i Lou Alii," *BYU Studies*, vol. 41, nu. 1 (2002), 97–102.
3. Tagai foi Janiece Lyn Johnson, "Rebecca Swain Williams: Tutumau ma le le Mafaagaetia," *Ensign*, Ape. 2011, 38–41.
4. Tagai *Api Talaaga a William E. McLellin: 1831–1836*, ed. Jan Shipps ma John W. Welch, (1994), 29–33.
5. *The Journals of William E. McLellin*, 33, faamatatetele ua faalaugatasia.
6. I le *William E. McLellin's Lost Manuscript*, ed. Mitchell K. Schaefer (2012), 165–67.
7. Iosefa Samita, i le faatomuaga o le Tusi a Mamona. Mo se suesuega o lenei aoaoga, tagai Scott C. Esplin, "O le faatalatala atu i le Atua": O se talafaa solopito o le saunoaga a Joseph Smith, i le *Ola ai i le Tusi a Mamona: O le Ola ai i Ona Matapu*, ed. Gaye Strathearn ma Charles Swift (2007), 40–54.
8. I le Janiece L. Johnson, "O Tusitusiga Paia o se Faataunuuga": Sally Parker's Weave," *BYU Studies*, vol. 44, nu. 2 (2005), 116, 115.
9. I le Johnson, "O Tusitusiga Paia o se Faataunuuga," 117.
10. Lusi Maki Samita, "O Lenei Talalelei o Tala Fiafia i Tagata Uma," i le Jennifer Reeder ma Kate Holbrook, eds., *I le Pulelaa: 185 Tausaga o Aoaoga e Tamaitai o le Au Paia o Aso e Gata Ai* (2017), 24.
11. Russell M. Nelson, "O Le Tusi a Mamona: E Faape'i Lou Olaga e aunoa ma Ia?" 63.

**N**a tusia le Tusi a Mamona e le tele o perofeta anamua o e na faamaumauina a latou upu i ni seti eseese o papatusi apamemea. O nei faamaumauga na otootoina mulimuli ane e fatu ai papatusi a Mamona, po o papatusi auro ia na faaliliuina e Iosefa Samita.

### Talanoaga

E faatusatusa i mea uma semanu e tusia i luga o papatusi auro, sa musuia Mamona ma isi e filifili na o se vaega itiiti mo le Tusi a Mamona (tagai Upu a Mamona 1:5 ma le 3 Nifae 26:6). E mafai faapefea e le iloaina o lenei mea ona aafia ai lau vaaiga i mataupu o loo tatou maua i le aso? ■

# O a Papatusi na Maua Mai ai le Tusi a Mamona?

O papatusi a Mamona na tuuina atu i le Perofeta o Iosefa Samita

O nisi o punaoa mo papatusi a Mamona

**O Papatusi Laiti a Nifae**  
(600 TLM-130 TLM<sup>\*</sup>): 1 Nifae, 2 Nifae, lakopo, Enosa, Iaroma, Omina

**O Papatusi Lapopoa a Nifae**  
(600 T.L.M. - T.A. 385): Liae, Mosaea, Alema, Helamana, 3 Nifae, 4 Nifae, Mamona 1-7

**Papatusi a Eteru**  
(pe tusa o le 2,300 TLM - i se taimi a o lei oo i le 130 TLM)

**O Papatusi Apamemea**  
(4,000 TLM-600 TLM): O le tele o upusii mai nei papatusi o loo maua i le Tusi a Mamona.

**O le Tusi a Liae**

(vaega o le otootooga a Mamona; o itulau e 116 na leiloloia ia Matini Harisi)

**1 Nifae i le Omina**

(E lei otootoina; e aofia ai mai papatusi laiti a Nifae)

**O Upu a Mamona**

**Mosaea e oo atu i le Mamona 7**  
(otootoina o papatusi lapopoa a Nifae na saunia e Mamona)

**Mamona 8-9**

**Eteru** (o papatusi a Eteru na otootoina e Moronae)

**Moronae**

**Vaega o loo faa-maufaailogaina**

faamatlagaa Mamona mo le faaofiaina ai o papatusi laiti a Nifae

Faamaeaina e Moronae o le tusi a lona tama

O tusitusiga a Moronae, e aofia ai le itulau autu

\* O aso o taimi faatusatusa ia o vaitaimi o loo aofia ai i seti taitasi o papatusi.

O le taulaga autu o le malo o Iuta, na faatu-mulia i faiga faaupufai ma le amioleaga. O le sefulu tausaga talu ai na matua vevesi lava. Na fasiotia pe na pueina tupu o Iuta; Sa faasavavalii atu tagata Iutaia i Papelonia; o perofeta, e pei o Ieremia, na faamatauina ma faafalepuipuiina. E leitioa a tau atu e le Alii ia Liae e sola (tagai i le 1 Nifae 2:1-2).

- FAITAU AOFAI:

# 25,000


(tele e ala i tulaga anamua)

- LAUELEELE: toafa, vanu lafulemu, vaega tifato o mauga
- TUPE: **tupe i le mamafa** (siliva, kopa, auro; leai ni tupe taape laiti)
- GAGANA: **Eperu**
- AUFAIGALUEGA: tufuga, faatauoloa, pologa (manatu o tagata o le aiga); **tele foi o faatoaga**
- MEAAI: fualau aina, falaoa, olive, mati, sitiu
- OFU: **o fulufulu mamoe mafafia, seevae toso-toso;** ofu talaloa papae mo ositaulaga

## Na faape'ī Ierusalem i le taimi o Liae?



- TAPUAIGA: **piopio, tupua;** ua folafola atu e perofeta pepelo le filemu; o se pu o le seu o le mamoe e faasilasila atu ai tatalo i aso taitasi
- FAATULAGAGA LAU-TELE: **faapeteriaka,** e aofia ai *toeaina* o le aai, *matai* o aiga, ma *tagata silisili*, poo "alii ua fananau mai i tulaga maualuluga"
- AIGA: o aiga e aofia i le tele o **fale e siomia ai se lotoa**, e taitaia e le tama. E aofia ai aiga o atalii, afafine e lei faaipoipo ma uso o tina, ma aiga ua matutua.
- MILITELI: e **leai i le taimi lea.** O suo se fitafita o Papelonia, o e o loo totogi i ai lafoga e luta. ■



# O le a le Mea e Faatusa i ai le Fua i le Faaaliga a Liae?



I le faaaliga a Liae, o le a le mea e faatusa i ai le fua, e “sili ona manaomia nai lo isi fua uma?” (1 Nifae 11:22).

“O le fua o le laau o se faatusa mo faamanuiaga o le Togiola a [Iesu Keriso]. O le taumafaina o le fua o le laau e faatusa i le mauaina o sauniga ma feagaiga lea e mafai ai ona aoga atoatoa le Togiola i o tatou olaga” (David A. Bednar, “Miti a Liae: Piimau Pea i le Ai Uamea,” *Liahona*, Oke. 2011, 34).

O nei sauniga e aofia ai le papatisoga, faamauga, ma le faamanatuga, faauuga o le perisitua mo alii, ma sauniga o le malumalu.

## Mauaina o le Fua

O le ai uamea, po o le afioga a le Atua, e taitai atu ai i tatou ia Iesu Keriso ua ua valaaulia i tatou e tusitusiga paia ma perofeta o ona po nei ina ia auai i sauniga ma feagaiga ma fesoasoani ia tatou malamalama ai i aoaoga, misiona, ma le taulaga a Iesu Keriso.

- O a upu mai tusitusiga paia po o le au perofeta o nei ona po ua taitai atu ai oe ia Iesu Keriso?

## Tumau i le Fua

O nisi tagata i le faaaliga a Liae na lafoai le fua ona o le tauemuga ma faitoga a isi. O le tumau ai i le fua o le tumau lea i le faamaoni i a tatou feagaiga ma ia asiati pea i nofoaga e osi ai feagaiga.

## Fasoaina Atu o le Fua

Ina ua uma ona taumafa Liae i le fua, sa manao o ia e faasoa atu i lona aiga ina ia latou lagona ai le “olioli tele naua” sa ia lagonaina (1 Nifae 8:12).

- E mafai faapefea ona e faasoa atu lou alofa ia Iesu Keriso ma fesoasoani i isi ia auai i sauniga? ■

I se faaaliga, na vaai ai Nifae o le tele oaoaoga i le Tusi Paia o le a suia i le aluga o taimi ae o le a saunia e le Atua se ala mo na upumoni ina ia toefuataiina (tagai i le 1 Nifae 13:26–40).

2 Sa tatou i ai o ni agaga a o lei oo i lenei olaga, e aoao mai ma saunia ai mo le olaga nei (tagai Alema 13:3).



4 E le manaomia le papatisoga mo tamaiti laiti aua e le faamasi-noina lava i latou (tagai Moronae 8:10) ■■■.

# O a Upumoni Manino ma Taua na Toefuatai mai e le Tusi a Mamona?


1

O le Pau o Atamu ma Eva o se vaega o le fuafuaga a le Tama Faalelagi (tagai i le 2 Nifae 2:22–25).



3

Na asiasi atu Keriso i tagata o Amerika anamua ma faatuina Lana Ekalesia iina (tagai i le 3 Nifae 11–26).



# Autalavou Matutua

## I Le Vaega Lenei

44 O le Mea Ou Te Alu I Ai,  
E Le O Le Mea Na Ou I Ai  
Saunia e Richard Monson

## Na o Polokalama Faaeletonika

Filifilia o le Faavavau  
Saunia e Evita Alabodi

E le Mafai Ona E Faanatinatia  
Le Salamo  
Saunia e Leah Barton

O le Ala na Ou Toe Foi Mai ai  
ina ua mavae Lou Maitaga e lei  
Fuafuaina  
Saunia e Jori Reid

Saili nei tusiga ma isi:

- I le [liahona.ChurchofJesusChrist.org](http://liahona.ChurchofJesusChrist.org)
- I le [YA Weekly](#) (i lalo o le vaega mo Autalavou Matutua i le Gospel Library)
- I le [facebook.com/liahona](https://facebook.com/liahona)

## Faasoa Mai Lau Tala

E i ai sau tala uiga'ese e faasoa mai? Pe e te manao e vaai i ni tusiga e uiga i ni mataupu faapitoa? Afai o lea, matou te fiafologo atu ia te oe! E mafai ona e tuuina mai lau tusiga po o ou manatu i le [liahona.ChurchofJesusChrist.org](http://liahona.ChurchofJesusChrist.org).

## O Le Salamo o se Meaalofa

O u te manatu o nisi taimi e faigofie mo talavou matutua ona talitonu o le salamo o se mea e taufaafefe. E moni lava e mafai ona taufaafefe le tautino atu o mea sa tatou faia pe a tatou fefefe pe o le a leai se alofa mai tagata tatou te alolofa i ai pe mai lo tatou Tama Faalelagi. Faatasii ai ma lena vaiga o le salamo, atonu o le a faaososoina ai i tatou e tautau atu "tau lava o mea" e pasi ai le lagona e pei o se suega e agai atu i le isi tulaga. Ae peitai, ua ou iloa e ala i ou aafiaga e le **faapena le salamo moni**. E le o taimi uma e mafanafana ai le salamo, ae afai tatou te malamalamama i **le tele o le alofa o le Alii ia i tatou ma finagalo e fesoasoani ia i tatou**, o le a mou ese le fefe pe a tatou faatinoina lo tatou faatuatua i Lona mafaia ona faamama i tatou. Ua ou aoaoina a ou faatinoina lou faatuatua ia Keriso e ala i le salamo, o **au mea sese ua tuanai e le tau faauigaina ai lou taimi nei po o lou lumanai** (faitau atili i lau tusiga i le itulau 44).

I tusiga na o le faaeletonika ua tau mai ai e Evita, o le **salamo moni e aumaia ai ia i tatou le agaga faafetai mo le Faaola ma Lana Togiola** ma tuuina mai ai ia i tatou le malosi e tetee atu ai i faaososoga o le lumanai. Ua faaopoopo mai Leah tatou te tau le faatalitali mo le faamanatuga i le Aso Sa—o le liliu atu i le Alii e ala i le salamo i aso taitasi, tatou te maua ai le mana e taofi ai e oo lava i ni mausa laiti e aveesea ai i tatou mai ia te la. Ma afai tatou te faia ni mea sese matuia, ua faasoa mai e Jori faapea o le faagasologa o le **salamo e mafai ona aoaoina ai i tatou e uiga i le alofa o le Faaola** mo i tatou taitoatasi.

O le salamo o se meaalofa ou te faafetai ua i ai i lou olaga. E silafia e le Atua o i tatou o tagata ma e fai ai a tatou filifilia faavalevalea i nisi taimi. I le le atoatoa o loo tatou i ai, o **loo i ai le faamoemoe** mo i tatou. Afai tatou te tuu atu lo tatou faatuatua i le Faaola, o le a la savali faatasii ma i tatou i luga o le auala e toe foi atu ai i lo tatou Tama i le Lagi—e tusa lava po o le a le umi e alu ai.

Malo,  
Richard Monson





ATAPUE MAILE GETTY IMAGES

AUTALAVOU MATUTUA

---



# O le Mea Ou te, Alu i Ai, e Le o le Mea Na Ou i Ai

Saunia e Richard Monson

**S**a lei iu lou olaga i le ala na ou mafaufau i ai. I le 18 o ou tau-saga, sa ou faamoe-moe e auauna atu i se misiona talai, ia vave ona ou faaipoipo pe a maea, ma amata se aiga i le 25. O lea, ua 32 o'u tausaga. Ou te lei auauna atu i se misiona, ma sa ou le toaga i le lotu mo le tele o lou olaga o se autalavou matua. Sa ou faaipoipo—tatala lau faaipo-ipoga—ma toe faaipoipo.

Ona sa ou agai i le ala e ese mai le ala sao ma le vaapiapi, ou te lei lagonaina i taimi uma faapea ou te fetaui lelei i le lotu. Ae peitai, na oo ina ou iloa o loo i ai se nofoaga mo au. O ou aafiaga na aoaoina au e faapea, o le mana o le Faaola ma Lana Togiola e moni ma o le mea e sili ona taua e le o le mea sa ou i ai, ae o le ala ua ou alu ai nei.

Ou te manatu sa ou fesiligia muamua le mea sa ou talitonu i ai ona sa ou le mautinoa o lau molimau sa lava le malosi e alu ai i se misiona. Ou te manatua le taimi sa ou faauu ai i le aoga maualuga i le mafaufau i se mea faapenei, *ae faapefea pe afai o lau molimau e le o sau lava molimau atoatoa? E faapefea pe afai ua ou faalagolago tele i molimau a isi tagata?*

Na faalavelave lena mea ia te au. Sa ou manao ou te alu i se misiona, ae sa ou mafaufau pe ua lava aafiaga faaleagaga na ou maua e oo mai i lena tulaga e tusa ai ma lou mafaufau i le avea ai ma se faifeautalai faamanuaina—o se tasi ua lava le malosi faaleagaga ma na lava le iloa e uiga i le talalelei e aoao ai isi tagata.

O le toe tepa i tua, sa tatau ona ou ole atu i le Atua e

Sa ou faa-aogaina se auala na taitai ese atu ai mai le ala sao ma le vaapiapi i le tele o taimi, ae e ala i na mea uma, sa ou aoaoina ai o le mana o le Faaola ma Lana Togiola e moni.



Sa ou se i le  
faatusatu-  
saga o lou  
**tulaga faale-  
agaga** i isi.

fesoasoani mai ia ou malama-  
lama i le fautuaga ua tuuina mai  
i le Mataupu Faavae ma Feagaiga  
124:97: "la tuu atu ia te ia ia faa-  
maulalo i ou luma, . . . ma o le a  
maua e ia lou Agaga, o le Faama-  
fanafana lava, lea o le a faaali ia  
te ia le moni o mea uma, ma tuu  
atu ia te ia, i le taimi tonu lava,  
mea e fai atu ai o ia."

    Ae nai lo le ole atu i le Atua, sa  
ou le mautonu i le faatusatusaina  
o lou tulaga faaleagaga i isi, ma  
sa ou fefe o le a taofia e lou le  
atoatoa tagata mai le talaina o  
le talalelei.

    Ia te au lava ia a o avea ma se  
talavou matua, sa faaaauau pea  
ona ou taumafai e fuafua le mea  
na ou talitonu i ai. Ou te lei iloa  
le leaga o le mea sa ou vaaia o  
ni faiuga taitasi e lei toe faama-  
talaina po o ai au o se tagata.  
Sa amata ona ou alo ese mai ia  
i latou sa ou alofa i ai aua na ou  
iloa o le a latou le fiafia i filifiliga  
sa ou faia. Nai lo lena, sa ou sio-  
siomia au lava i tagata o e sa lei  
popole tele i le mea sa ou faia. I  
se tasi aso sa ou taumafai ai e inu

le ava malosi ona o le fia iloa.

    O le inu [ava malosi] na avea ma se vaega o lou  
olaga ma na iu ai ina ou alu atu mai se faafiafiaga  
i se mea sa ou faaaogaina o se tootoo e taulima  
ai aafiaga faigata. O suiga le lelei i lou olaga i lena  
taimi e lei fesootai tonu lava i se filifiliga e tasi; sa  
faifai malie. E lua tausaga na faatoa ou iloaina ai o  
filifiliga laiti na ou faia i le aluga o taimi, sa taitai atu  
ai au i se nofoaga ou te lei fia i ai.

    O lea, ou te le o fai atu ina ia iloa le moni o le  
talalelei, e tatau ona e oo i le faafeagai. O au amioga  
na mafua ai le tiga e le mo na o au ae faapena foi i  
tagata ou te alofa i ai—e matua le manaomia lava.  
Ou te faafetai ona sa mafai ona lava lou faama-  
ualalo o au lava ia iloa ai (1) sa ou faanoanoa, ma  
(2) sa sili ona ou fiafia a o ou ola i poloaiga a le Atua.  
O se mea lena na ou iloaina mo au lava, o se mea e  
mafai ona ou tu ai i tua ma faasoa atu i isi.

    Sa ou alu i lou epikopo e faasao ni mea sese, ma  
sa ma feiloai e le aunoa e sauna au e auauna atu i  
se misiona. Na toeitiit maea au pepa ae uunaia loa  
au ina ia mautinoa sa ia malamalama i nisi o filifiliga  
sa ou faia. Sa lei faigofie lena talanoaga, ae sa sili  
atu foi nai lo lou manao ou te alu i se misiona, sa ou  
manao ina ia sa'o i luma o le Atua. Sa ou naunau ia  
maua mea sese na ou faia ma faataatia uma i Ona  
luma ina ia mafai ona ou mama.

    E lei umi, ae ou sau loa i se fono aoai. Sa taufaa-  
fefe i nisi o auala le tautino atu o mea na ou faia i  
luma o tagata sa avea ma ou taitai ma faufautua mo

le tele o tausaga, ae a o ou tilotilo solo i le potu, sa ou lagona le filemu. Sa mafai ona ou iloa sa latou i ai iina e malamalama ma fesoasoani ia te au. Ina ua ou alu ese, sa ou lagonaina le Agaga o faamau-tinoia mai ia te au po o le a lava le faaiuga, sa faia lau vaega ma o le a ou Lelei. O le Atua ma taitai o e sa alolofa ia te au o le a matou galulue faatasi ina ia ou oo ai i le mea e tatau ona ou i ai. Sa ou savali ese mai ma le lagonaina o le alofa o le Faaola ma le iloaina ou te le o mamao mai Lana togiola.

### O se Nofoaga mo le Le Atoatoa

E ui i le filemu na ou lagonaina, ae sa faigata ona fetaiiai ma fesili mai tagata e uiga i le mafuaaga o lo'u le i ai i se misiona. A o faaauau pea ona ou galue i le faagasologa o le salamo faatasi ai ma le fesoasoani a lou epikopo, sa amata ona faaitiitia ma tau le foliga mai o le auauna atu i se misiona sa i ai lea i lou lumanai. Sa tatau ona ou fuafuaina le auala e agai ai i luma i lou olaga. I le 21, ona ou te lei pau atu i vaega o muai-faifeautalai, faifeautalai ua foi mai le misiona, po o vaega ua faaipoipo o le autalavou matutua, sa faigata ona ou lagonaina sou sootaga i soo se mea.

Sa faigata le tafao faamasani. O nisi taimi e ese le ala e taulimaina ai au e tamaitai pe a ou tau atu ia i latou ou te lei auauna i se misiona ma sa ou le toaga mo se vaitaimi. Mo se mafuaaga se tasi po o se isi, o le tele lava o fesootaiga sa le mafai ona toe faia i le mavae ai o le tafaoga muamua.

Sa ou fiafia ona sa iu lava ina ou faaipoipo i le malumalu, ae o nisi taimi sa ou lagona ai lava le le fetaui. Sa i ai sau molimau, ae sa le mafai ona ou iloa le auala e faasoa atu ai, ma sa lagona i

potuaoga o le Ekalesia peiseai o se suega lea o le a vaai i ai au ue ua ou toilalo. Sa ou manatu ona o le toatele o i latou sa i ai olaga sa ou manao i ai, e lei mafai ona latou tautevateva e pei o au.

I se tasi aso na valaau mai ai le epikopo ia te au ma tuuina mai le valaauga e aoao le korama a toeaina. Sa ou ofo aua talu ai e faalua ona ou alu i le korama a toeaina i le tausaga ua mavae. E ui i le lagona o le popole maoae, sa ou talaina le valaauga. I lau uluai aoaoga i le Aso Sa, sa ou amata ai i se amataga atonu e tulaga ese ua latou faalogo i ai:

"Talofa, uso e, o au o Richard Monson. Ou te lei auauna lava i se misiona ma sa ou le toaga i le tele o lou olaga faatagata matua. Ou te lei auai soi i le korama a toeaina ona ou te le lagona ou te auai pe fetaui lelei foi. O le a le mafai ona ou taliina uma tou fesili, ae ou te faamoemoe o le a outou auai ina ia mafai ona tatou aoao faatasi. Afai o na e te silafia le mea o loo ou talanoa atu ai, ia o le a tatou amata loa."

Sa ou iloaina i lena aso e mafai ona ou tautino atu i isi—faapea foi ia te au lava ia—e ui lava ou te lei manatu ia te au

Sa ou iloaina e ui lava ou te lei manatu ia te au lava ia o se "aū e sa'o lelei," **ae sa ou faasino atu i le ala lava lea e tasi** e pei o i latou, ma o le mea lena sa taua.



lava ia o se "aū e sa'o lelei" (o se tasi e auauna atu i se misiona, sa toaga i o latou olaga atoa, ma sa lei faia ni mea sese matuia), sa ou faasino atu i le ala faapei o i latou, ma o le mea lena sa taua. I lou maofa, na ou iloa ai e sili atu i le toatasi o nei alii na ou mafaufau na taitaia ni olaga atoatoa sa faia foi ni mea sese. Ou te manatu na faamalosia ai le manatu ia i tatou uma faapea o le atoatoa e le o se tulaga manaomia lea e aumai ai le taua i le vasega po o le Eklesia atoa.

### **Taimi Faigata ma se Faaiuga**

Ae paga lea, sa lei umi lou toaga i le Eklesia. Sa faigata lau faaipoipoga, ma sa ou liliu atu i mausa tuai e alo ese ai mai lou tiga. O mea na fafia i ai na amata ona sui tulaga i le auai i le lotu.

Na mavae atu le tolu tausaga, ma sa ou oo i se tulaga e aupito sili ona maualalo. Sa tatau ona ou faia se filifiliga. Pe mafai ona ou ola i le talalelei mo au lava e tusa lava po o a mea o tutupu i lou olaga? Pe o le a ou gauai atu i le pogisa? Sa ou iloa o le tautino atu i le ala sao ma le vaapiapi o lona uiga o le aveese mai o faatosinaga le lelei i lou olaga. Ma le isi, o lou manao e toe foi atu i le lotu na faamamafaina mai faapea sa eseese auala na ma i ai ma lou toalua. Faatasi ma le tulaga o le ma faaipoipoga i lena tulaga, sa ma agai atu lava i le tatalaina o le faaipoipoga.

Sa ou fefe. Sa leai se faamaoniga o au tauma-faiga o le a tuuina mai ia te au ni mea lelei sa ou manao ai i lenei olaga. Ae na toe foi mai lau faaiuga i mea sa ou aoaoina i tausaga na muamua atu—sa sili lou fafia i le ola ai i le talalelei. Sa ou filifili e tuuto atoatoa atu ma tuu au lava i aao o le Atua,

po o le a lava le mea e tupu. Mai iinei agai i luma, o au lava ma la.

Mo se isi foi taimi, na amata ona ou toe alu i le lotu ma tuu atu lou ola i le ala. O se tasi o aso aupito sili ona fiafia o lou olaga o le taimi na ou toe maua ai se pepa faataga o le malumalu. Sa ou maua le mafanafana i le malumalu a o faaauau pea ona malepe lau faaipoipoga ma iu ai ina faauma.

### **Mauaina o Lau Punavai o le Taua Faaletagata Lava ia**

E pei o le taufaafefe i lena faaiga, e ala i lena aafiaga, na ou aoao ai e talisapaia le aao o le Atua i lou ala. E ui lava ina sa ou tautevateva, sa lei faaina i le tuuga. Ou te lei tauva ma se isi. Ina ua ou faalagolago i le Faaola mo lou taua faaletagata lava ia, sa mafai ona ou taofia le faaaluina o au taumafaiga e taumafai ai e suia vaaiga o isi ia te au.

Sa ou oo i le tulaga Lelei i le nofo ai na'o au i le lotu pe sa i ai i le lotolotoi o tagata o le Ekalesia sa i ai ni tulaga eseese o le olaga. Sa ou taumafai e aua le lafi ma faavanoa au lava e talanoa i tagata o lau uarota. Sa mafai ona ou fiafia e auai i au sauniga mo lo latou faamoemoega fuafuaina.

O le mauaina o lena filemu na fesoasoani ia te au a o toe oo i le tafao faamasani. Ou te lei maua lava le tele o tafaoga faalua, ae ua ou iloa nei e lei manaomia ona ou fetuunaia ou tulaga faatonuina ona sa ou se i le taimi ua tuanai. Sa ou ola i le talalelei i lou gafatia sili ona lelei, ma sa lava lou lelei e tafao faamasani ai ia i latou o e sa ola i le talalelei i o latou tagata sili foi.

Na iu lava ina ou maua se afafine agavaa o le Atua o le sa ou faaipoipo i ai i le malumalu. Sa matua

ese lava lona ala nai lo au, ae ina ua oo i se alofa o le Faaola ma se malamalamala i Lana Togiola, sa ma i ai i le itulau lava e tasi.

I le aluga o tausaga, sa ou aoao ai e aua nei ou faatagaina lou taimi ua tuanai po o le malilie o isi tagata e faamatalaina lou taua faaletagata lava ia o i ai nei. Ua ou faamamulu le manatu o le manuia e peiseai o se mamanu e tasi o aafiaga o le olaga. E le o tagata uma latou te talisapaia le tulaga ua ou i ai nei ona o le auala ua oo mai ai iinei, ma e le afaina lea. E le o sau sini le faatalitonuina o i latou. O lau sini o le salamo pea ma latalata atili atu i le Faaola. Ona o la, e pei o Alema le Itiiti ina ua mavae lona salamo, e mafai ona "atuatuvaleina au i le manatuina o au agasala" (Alema 36:19). E mafai ona ou maua le filemu i le iloaina o le mea ou te agai i ai—agai atu i le Faaola—e taulia lena mea. ■



*E nofo **Richard Monson** i luta, ISA, ma galue o se pule o galuega faatino o polokalama atinae. E fiafia o ia ma lona faletua e tietie atu i pasika, femalagaai, ma kuka faatasi i o laua taimi avanoa.*

E ui lava ina sa ou tau-tevateva, sa lei faaina i le tuuga. **Ou te lei tauva ma se isi.**



## AUTALAVOU

### Ou te fiafia e auai i le Tamaiti ma le Autalavou

ona ou te faia au lava sini ina ia ausia.

Mo se tasi o au sini, sa ou filifili e sue igoa o aiga ma faia papatisoga mo e ua maliliu mo i latou. Sa tele se galuega na manaomia e aoao ai le faia o talafaasolopito o aiga, ae sa ou lagonaina le fiafia i taimi uma sa ou maua ai se igoa fou e ave i le malumalu.

O le taimi lava sa ou aoaoina ai auala e fai ai, sa ou faia pea lava pea aua sa matuai malie lava. E lei umi ae ua tele naua igoa ou te faia na o au. O lea na matou o ai uma ma ou tausoga i le malumalu ma igoa na ou maua, ma sa matou faia faatasi ni papatisoga ma ni faamauga mo le 172 tagata.

O loo galulue ou matua i le faamaeaina o le vaega o totoe o sauniga o le malumalu mo na tagata, lea e manaia ona ou te lagona e pei lava o loo i ai lou aiga atoa i se au! O la matou sini o le fesoasoani i le toatele o o matou tuaa e matou te mafai.

O le faia o talafaasolopito o aiga ua fesoasoani lea ou te latalata atili ai i lou aiga o loo ola ma ou tuaa. Ou te fiafia na faamaeaina lau sini, ma o le taimi nei ua ou faamoemoe e faia se sini e sili atu ona luitauina ina ia mafai ai ona ou ausia nisi.

**Eldon M.,** 13 tausaga, Ohaio, ISA

### I LE VAEGA LENEI



60

### alu ma fai

**52 Tamaiti ma le Autalavou:  
O se Taulaiga mo le  
Olaga i Aso Uma**

Saunia e Heather Bergeson  
ma Amanda Dunn

**56 Alu ma Fai**

Saunia e Au Peresitene  
Aoao o Tamaitai Talavou  
ma Alii Talavou

**59 Tatalaina o le Mana  
o le Tusi a Mamona**

Saunia e Symmony Ann  
Park

**60 Pese o le Autu a le  
Autalavou 2020:  
O Le A Ou Alu Ma Fai**

Saunia e Nik Day

**64 O Le Upu Mulimuli:  
Alu ma Fai ma le  
Faalagolago i le Atua**

Saunia e Peresitrene  
Henry B. Eyring



# TAMAITI ma le AUTALAVOU:

## O se Taulaiga mo le Olaga i Aso Uma

**Saunia e Heather Bergeson ma Amanda Dunn**

Mekasini a le Ekalesia

**A**tonu na faateia oe e faapea, o Tamaiti ma le Autalavou e le aofia ai lisi auili-ili o sini uma e tatau ona e faia. Ua tele naua mea ofoofogia ua e faia! Ae, o lenei faiga patino na fatuina e fesoasoani ia te oe e latalata atili atu ai i le Faaola i auala e musuia ai ou manaoga taitasi ma mea e te fiafia i ai.

O le faamoemoega autu lava o le Tamaiti ma le Autalavou o le fesoasoani lea ia te oe e faamalosia lou faatuatua ia lesu Keriso. Luka 2:52 ua aoaoina i tatou e faapea i le talavou o lesu Keriso, na “tupu ai le poto ma le tino [o lesu], ua alofagia o ia e le Atua ma tagata.” Sa soifua o la i se olaga paleni, ma e mafai foi e oe. E ala i le taulai atu i vaega faaleagaga, faaleagafesootai, faaleatino, ma faaleatamai o lou olaga, e mafai ona avea atili ai oe e faapei o le Faaola.

### E FAAPEFEA ONA FAAAOGA

Ua uunaia oe e le Tamaiti ma le Autalavou ina ia tuputupu ae faale-agaga, faaleagafesootai, faaleatino, ma faaleatamai e ala i le punouai i le aoaoina o le talalelei, auaunaga, ma gaoioiga, ma atinaega o le tagata lava ia.



## AOAOINA O LE TALALELEI

E pei lava ona "tupu le poto" o le Faaola (Luka 2:52), e mafai ona e tuputupu ae i lou atamai ma lou malamalama i le talalelei. O mataupu faavae uma o le talalelei e te aoaoina o le a fesoasoani ia te oe e iloa ai pe mafai faapefea e le Faaola ona faamalosia ma faamanuaaina oe i vaega uma o lou olaga.

E tele punaoa e mafai ona tatou faaaogaina e aoao atili ai e uiga i mataupu faavae o le talalelei ma avea ai faapei o le Faaola. Mo se faataitaiga, o le tatalo, suesue i tusitusiga paia, ma le Agaga e saunia le faavae. E mafai ona fesoasoani lou aiga ma taitai o le Ekalesia ia te oe e aoao atili e uiga i le Faaola. O mataupu aoaoina o le *Sau, Mulimuli Mai ia te Au* ma le seminare e mafai ona fesoasoani etaiala ai lau suesuega. A o e faaaogaina au punaoa e aoao ai e uiga ia lesu Keriso ma Lana talalelei, o le a faaleleia ai lau sootaga ma la.

## AUAUNAGA MA GAOIOIGA


O le auauna atu i isi o se tasi lea o mea autu na faia e le Faaola a o i ai o la i le lalolagi. E ala i le mauaina o ni auala faigofie ma masani e fesoasoani ai ia i latou o loo i totonus lou aiga ma le alalafaga, ua e mulimuli i Ana faataitaiga ma tautino ia avea atili e faapei o la.

O gaoioiga anoa a vaega e mafai ona fesoasoani ia te oe ma isi talavou e saili ni auala e auauna atu ai i isi ma ia tuputupu ae faatasi faaleagaga. O gaoioiga malie, ma faagaeetia e maloloina. Ma a outou faapotopoto faatasi o se vaega talavou, faamaoni o le Au Paia o Aso e Gata Ai, e tele lava ina mafai ona outou aoaoina ma faataunuina ni mea se tele nai lo mea e te mafaia na o oe lava.

## ATINAEGA PATINO

E amanaia tele oe ma le ituaiga o tagata ua avea ai oe e le Tama Faalelagi ma lesu Keriso. A o e faia ni sini ina ia tuputupu ae i le tagata ua finagalo le Tama Faalelagi e avea ai oe, e mafai ona e latalata atili ia te la ma Lona Alo.

E tulaga ese tagata uma, o au sini la ia alualu i luma patino e tatau ona fetuunai i ou manoga. Mo se faataitaiga, afai e te manao e aoao e ta ni viiga i luga o le piano, e mafai ona e faia se sini e faataitai i aso taitasi. Afai e te manao ia sili atu le lelei i le suesue i tusitusiga paia, atonu e te faatulagaina se taimi i aso taitasi e te faitau ai. Saili le taitaiga a le Agaga e maua ai se fuafuaga o le a sili ona aoga mo oe.



## O LE TAMAITI MA LE AUTALAVOU E MO OE

O le tagata e sili ona faamanuaaina o oe! A o e faatuina au lava sini e suesue ma ola i le talalelei, auai i auaunaga ma gaoioiga, ma atiina ae patino, o le a e aoao atili ai e uiga ia te oe lava ma le tagata moni o loo e i ai. O le galuega o le avea ma soo o lesu Keriso e mafai ona faigata, ae o se sini aupito faamanuaaina lea e mafai ona tatou faia mo i tatou lava.

## O TAMAITAI E MASAGA NA FAATINOINA LE TAMAITI MA LE AUTALAVOU

O talavou e pei lava o outou ua amata ona vaia faamanuiaga o le taumafai ia avea atili e faapei o lesu Keriso i o latou olaga i aso uma. O Danika ma Natasha R., 15, mai Ohaio, ISA, o ni tuafafine masaga o e na filifili e faia le mea tonu lava lena. O lo la tama e mai Taialani, ma ona o nisi taimi la te asiasi atu ai i aiga iina, o lea na filifili ai Danika ma Natasha e fia aoao atili e uiga i meaai ma le gagana Tai.

Na faia e Danika se sini e faataitai fua o supo faaTai. Sa ia faatau mo mea na manao-mia ma sa ia faatinoina ni auala fou o le kukaina ma lona tama. Sa manao Natasha e aoao e fesoottai ma lona aiga i Taialani, o lea sa ia faatuina ai se sini e aoao se upu fou se tasi i aso taitasi. Sa ia faaaogaina se upegatafailagi e fesoasoani ai i ana suesuega i le gagana ma faataitai le faaleoina o upu ma lona tama.



A o galulue Danika ma Natasha i a laua sini, sa la mananao e faasoan atu i isi tamaitai talavou o la latou uarota le mea sa la aoaoina. Sa fesoasoan o latou taitai ia i laua e faatulaga se gaoioiga e aoao atili ai e uiga ia Taialani. I le gaoioiga, na aoao ai e Danika le kukaina o le supo mo tagata uma a o Natasha na aoaoina i latou i ni upu Taialani.

Sa faaaofia ai foi e le auuso la laua uo o Grace i le gaoioiga. Sa i ai ia Grace se sini patino ina ia lelei atili i le tautala atu i nofoaga faitele, o lea sa ia tuuina atu ai se aoaoga i le auala e faaaoga ai fasilaau [chopsticks] e ai ai la latou supo!

E ala i le faataitaiina o a latou sini ma galulue ma o latou taitai ma isi tamaitai talavou, na mafai ai e Danika ma Natasha ona fuafua se po malie e fiafia ai ma a la uo.



## FAAMANUIAGA O LE AUAI I LE TAMAITI MA LE AUTALAVOU

Na faasoat atu e Danika ma Natasha ua la mauaina le tele o faamanuiaga e ala i le taumafai e aoao atili e uiga i lo la tofi ma faamanatuina faatasi ma lo laua aiga ma isi tamaitai talavou. E lei oo mai lo la aafiaga e aunoa ma ni luitau. Na faamatala e Natasha, "Sa ou i ai i le aoga ao ou aoaoina le faaTai, o nisi taimi sa faigata ona maua se taimi e fai ai." Na faaopopo mai Danika, "I le gaoioiga, sa i ai sina faaletonu i le faia o le supo na o au aua e le o i ai iina lou tama." Ae ua malilie uma ia tamaitai i le iuga, sa matuai aoga lava.

Ua fai mai Danika, "Ou te fiafia lava i lou faaaluina o le taimi faatasi ma lou tama, ma na fesoasoani ou te lagona ai le latalata atili i lou aiga." Ua ia faamatala foi, "O le faia ma le tausia o au sini patino na fesoasoani ou te latalata atili atu ai ia lesu Keriso e ala i le tuuina mai ia te au o se ala manino e fesoasoani ai ia te au lava ia ma isi. Nai lo na o le feoeoeai faatasi lava e pei o nisi po, sa i ai sau tulaga faatonuina e mulimuli ai, ma ou tumau ai, ma na ou maua ai se isi taimi tele e mafaufau ai ia Keriso."

Fai mai Natasha o le faia ma le tausia o lana sini "sa matuai ou mafaufau loloto ai i le mea sa ou manaomia ma sa ou

manao e fai ina ia ou latalata atili atu ai ia Keriso." Ua ia tusia foi e ui lava ua uma ona ia taulai atu i se sini fou, ae sa musuia lava o ia e aoao pea le faaTai: "O lau uluai sini lava o le aoao o le gagana Taialani ina ia mafai ona ou talanoa atu i lou aiga i Taialani, o lea ou te manao ai pea e aoao le faaTai ina ia mafai ona ou talanoa atu ia i latou."

O le tutusa o le faiga e Danika ma Natasha o lo la atinaega patino na fesoasoani ia i laua e aoao atili ai e uiga i le aganuu a lo la tama, fiafia faatasi ma uo, ma faalatalata atili ai i o la aiga ma le Faaola—ma o le mea lena e faatatau i ai le Tamaiti ma le Autalavou.

O lou auai i le Tamaiti ma le Autalavou e mafai foi ona fesoasoani e fausia ai ni sootaga ma lou aiga, isi talavou ma le uarota, aemaise lava le Faaola a o e taulai atu i le auala e avea ai oe ma se oe e sili ona lelei. ■

## Motugaafa mo le Auai i le Tamaiti ma le Autalavou

O le auala sili lava e taulima ai lou tuputupu ae o le faia lea ma le agaga tatalo e faapatinou au sini ina ia aoga mo oe, lou aiga, ma ou tulaga. O nisi nei o motugaafa:

### 1. Saili Faaaliga Patino

O le a taialaina oe e le Tama Faalelagi a o e saili ma mulimuli i musumusuga.

### 2. E Le Na o le Lotu

O le a tele mea e te maua mai i le Tamaiti ma le Autalavou pe afai e te faia ni fuafuaga e faaleleia ai vaega uma o lou olaga, ae le na o sauniga ma gaoioiga a le Eklesia.


### 3. Faaaofia Lou Aiga


E mafai ona fesoasoani tagata o le aiga ia te oe e atiina ae au sini ma siaki lou alualu i luma.

### 4. Faaaoga ma Faasoa atu Mea

#### E Te Aoaoina

Pe a e faasoat atu mea o loo e aoaoina faatasi ma le aiga, uo, ma isi, o loo e fesoasoani e faataunu le poloaiga a le Alii e faasalalau atu le talalelei ma faapotopoto Israelu ua faataapeapeina.





**2020**

**alu ma fai**



# Faatino i le Faatuatua

Saunia e le Au Peresitene Aoao o Tamaitai Talavou

Ola tatou autu i lenei tausaga o loo taulai atu i upu "alu ma fai," o se tautinoga lototoa na tuuina mai e le perofeta faamaoni o le Tusi a Mamona o Nifae i le 1 Nifae 3:7. Ae atonu o le vaega sili ona faamafanafana o lenei fuaiupu e oo mai ina ua aoao mai Nifae e faapea o le a "saunia [e le Alii i taimi uma] le ala" e faataunu ai Lana galuega.

O le talitonuga faapea o le a saunia e le Atua le ala i ou luma e sau mai se nofoaga o le faatuatua loloto. Na iloa e Nifae afai e fai atu le Atua ia te ia e fai se mea, o le a fesoasoani foi le Atua ia te ia e faataunu le galuega. Ma ua tatou iloa ona o le faatuatua ma le talitonu o Nifae i le Alii, sa mafai ai ona ia toe aumaia ma le saogalemu ia papatusi apamemea.

E pei lava o Nifae, e mafai ona tatou maua le faatuatua e "alu ma fai." Atonu e le o taimi uma e te malamalama ai i le "aisea" o loo i tua atu o faatonuga a taitai o le Ekalesia po o matua e oo lava i unaiga mai le Agaga Paia. O le a le foliga mai i taimi uma e sao, pe atonu foi e pei e le mafai lava ona faataunuina. Ae "e leai lava se mea e tasi e le mafaia e le Atua" (Luka 1:37). A o outou laa atu i luma ma le faatuatua, o le a outou iloa ai e i ai lava se mafuaaga ma se fuafuaga a le Atua.

O le a le fai atu lava le Atua ia te oe e fai se mea Na te iloa e le mafai ona e faia. O le a la le maileia lava oe ina ia toilalo. Ae atonu Na te talosagaina oe e fai se mea e manaomia ai le faatuatua malosi ma le faalagolago i le Agaga mo le taitaiga.

O le ki i le mauaina o le faatuatua e "alu ma fai" o le atiina ae lea o le lototele. Pe a ia te oe le talitonuga i le Alii, e te faatuatuaina o le a la faia oe ia tutusa ma galuega taitasi. Mafaufau i ai—na auina mai oe i le lalolagi i le taimi lenei aua ua e saunia ma mafai ona e faia le galuega a le Alii iinei ma le taimi nei. Ua filifilia oe e ola ai i lenei taimi ona ua faatuatuaina oe e le Alii.

O faamanuiaga e te maua i le faatinoina ma le faatuatua ma le mautinoa e ofoofogia. O le a oo ina e iloa lou faasinomaga ma lou faamoemoega i se vaiga e sili atu ma se taulaiga sili atu; o le a faateleina ai lou faalagolago ia lesu Keriso ma Lana Togiola; ma o le a iloaina, faatasi ai ma le fesoasoani a le Alii, ua lava lena mo oe. ■





# Avea e Faapei o Nifae

Saunia e le Au Peresitene Aoao o Alii Talavou

Inua ua fai atu Nifae i lona tama, "o le a ou alu ma fai mea ua poloaiina e le Alii" (1 Nifae 3:7), na ia tuuina mai ia i tatou se faataitaiga musuia o le faatuatua ma le usiusitai ma le filiga. O le tautinoga a Nifae e alu ma fai sa mauaa i uiga taua e lua e mafai e i tatou uma ona atiina ae: o lana molimau patino e uiga i le Alii ma Ana perofeta, ma lona malosi faaleagaga.

## Atiina Ae o se Molimau

Sa usiusitai ia Nifae aua sa ia sailia ma maua mai lana lava molimau e uiga i poloaiiga a le Alii i lona tama (tagai i le 1 Nifae 2:16–20). Sa ia iloa o le galuega o le aumaia o papatusi apamea o le a faigata. Ae e le pei o ona uso, sa ia iloa o le a faatas i le Alii ma ia ma saunia se ala mo i latou e faataunuina ai.

O lenei faatuatua i le Atua ma Lana perofeta na faamanuina ma lagolagoina ai Nifae i lona olaga atoa ma fesoasoani ai ia te ia e ausia mea ofoofogia. E pei o Nifae, e mafai foi ona tatou faia ni mea tetele i o tatou olaga a o tatou taumafai e usitai i le faantuaga tatou te maua mai perofeta soifua, o musumusuga a le Agaga Paia, ma tusitusiga paia. Mo se faataitaiga, o le perofeta a le Alii i aso nei, o Peresitene Russell M. Nelson, ua talosagaina i tatou ina ia fesoasoani e faapotopotoina Israelu ma saunia mo le toe afio mai o le Faaola.<sup>1</sup>

A tatou suesue i le afioga a le Atua ma usitai i ai, o le a tuputupu ae lo tatou faatuatua ma o le a tatou lagonaina i totonu

o o tatou loto se naunautaiga ina ia faaauau pea ona usiusitai, e tusa lava pe tatou te iloa o mea e faigata.

## Atiina Ae o le Malosi Faaleagaga

Ua aoao mai foi i tatou e le faataitaiga a Nifae i le uiga faakeriso o le malosi—galue i luitau nai lo le vaavaai atu mo se auala faigofie. E i ai taimi i o tatou olaga e talosagaina ai i tatou se faia ni mea faigata ma mamafa. I na tulaga, afai tatou te faalagolago i lo tatou faatuatua ia Keriso ma filifili le "mea e sili atu ona faigata ae sao nai lo le mea sese e faigofie atu,"<sup>2</sup> o le a faamaniaina i tatou.

A e feagai ma se filifiliga po o se galuega faigata, o le i ai o se uiga o le "alu ma fai" o le a fesoasoani e te tumau ai. O le tali atu ma le faamaoni i le taitaiga e te maua ua faaali mai ai o le Alii e mafai ona la faalagolago ia te oe ma faateleina lou faatuatua ia Iesu Keriso.

A o e galue ma le faamaoni e atiina ae lau molimau, le malosi faaleagaga, ma se uiga "alu ma fai" o le a faamanuina oe e le Alii, faamalosia oe, ma lagolagoina oe i lenei tausaga ma i lou olaga atoa. ■

## FAAMATALAGA

1. Tagai Russell M. Nelson, "Faamoemoe o Israelu" (faigalotu a le autala-vou i le lalolagi atoa, 3 Iuni, 2018), [HopeofIsrael.ChurchofJesusChrist.org](http://HopeofIsrael.ChurchofJesusChrist.org).
2. Thomas S. Monson, "O filifiliga," konafesi aoao. Ape. 2016.

# *Tatalaina o le Mana o le TUSI a MAMONA*

**Saunia e Symmony Ann Park**

**A**o ou i ai i le misiona i Filipaina, sa ma aoao atu ma lau soa se lesona e faapitoa le mamana e uiga i le taua o le suesue i aso uma i le Tusi a Mamona. I le faaiuga o le lesona, sa tuuina mai ai e lau soa se tasi o molimau e sili ona mamana o le suesueina o tusitusiga paia ou te lei faalogo muamua i ai. Sa ia molimau mai o le faitauina o le Tusi a Mamona na faaopoopo ai se mana fou i lona olaga lea sa le mafai ona faamatalaina.

Sa manino lava o lona aafiaga i le Tusi a Mamona na suia ai lona olaga, ma sa ou manao ai mo au lava ia.

Sa ou filifili i lena po o le a ou toe faitauina le Tusi a Mamona. Mai le amataga.

Sa ou faaaaluina le tele o taimi i ou tulivae e faamatala atu ai i le Atua sa ou manao e lagonaina le liua ma le mana lea e sau mai le Agaga Paia.

O le tali na ou maua o le: Faitau. Na o le faitau a.

O le mea la lena sa ou faia. Sa ou tuu atu au lava i le faitauga ma se malosi fou. Sa ou gauai faapitoa atu i fuaiupu, mataupu, ma itulau taitasi. A o ou faitau, sa ou maua fuaiupu na taliina au fesili, ma faafilemuina ou popolega, ma fesoasoani e sii ae ia avega a i latou sa ou aoaoina.

Ina ua mavae se masina, sa ou iloaina se mea o i totonus ia te au ua suia. Ua

faateleina lou malosi e alofa ai i isi; Sa tele atu lou faamoemoe i le lumanai; Sa mafai ona ou galue malosi ma umi atu i aso taitasi; Sa atili ona ou taulai atu i le galuega; ma sa amata ona ou lagonaina le olioli tele.

I se tasi aso i au suesuega na ou tau atu ai i se upusii mai ia Peresitene Ezra Taft Benson (1899–1994), na avea muamua ma peresitene o le Ekalesia: “O loo i ai se mana i le [Tusi a Mamona] lea o le a amata ona oo mai i o outou olaga i le taimi lava e amata ai ona e suesue ma le faamaoni i le tusi. . . . A amata loa ona e matelaina ma galala i le fia maua o na afoga, o le a e mauaina le ola i se faatelega sili atu naua o faamanuiaga.”<sup>1</sup>

A o faaaaau pe a ona ou suesue, sa amata ona ou malamalamona moni i lona uiga. Sa ou mauaina le ola i se olaga e sili atu.

O le toe tepa i tua, ua ou mautinoa ai o se tasi o mafuaaga na tuuina ai au i lena soa, ina ia mafai ona ou i ai iina i lena po e faalogologo i lana molimau. Sa ou lagonaina vaega lelei uma o le olaga—alofa, faamoemoe, faatuatuaina, galue malosi, naunautai, ma le olioli—sa faateleina.

Sa i ai se malamalamona fou i lou olaga, ma na ou iloaina e moni. ■

*E alala le tusitala i Arisona, ISA.*

## ***Pe Mafai Faapefea ona e Tatalaina le Mana o le Tusi a Mamona i Lou Olaga?***

1. Faitau i aso uma.
2. Suesue e ala i autu.
3. Faaaoga le tusi lesona o suesuega.
4. Talanoa ma isi.

“Ou te folafola atu a outou suesueina ma le agaga tatalo le Tusi a Mamona i aso uma, o le a outou faia ni faaiuga lelei atu—i aso uma.”<sup>2</sup>

### **FAAMATALAGA**

1. Ezra Taft Benson, “O Le Tusi a Mamona—o le Maa ‘Au’au o Lo Tatou Faatuatuaga,” *Liahona*, Jan. 1987, 5.
2. Russell M. Nelson, “O Le Tusi a Mamona: Faamata e Faape’i Lou Olaga e Aunoa ma la?” *Liahona*, Nov. 2017, 62.

# O le a Ou Alu ma Fai

Pese o le Autu a le Autalavou mo le 2020

Mafaufau loloto

$\text{♩} = 78$

Upu ma le fati na tusia e Nik Day

13

ve - ga Na te faa - ma - nu - ia a - 'u. A Ia po - lo - a - 'i  
au - mai ia te a - 'u le ma - lo - si. A Ia po - lo - a - 'i

Bm<sup>7</sup> A E Bm<sup>7</sup>

16

mai, mai, O le a ou a - lu ma fai. Tu mo lo'u Ma - tai. Pe fuli - tua le la -

D A C<sup>#</sup>m

19

§

lo - la - gi, Ou te sa - va - li i ai. A muli-mu - li ia te Ia, i le faa - tu - a -

F<sup>#</sup>m D A

22

To Coda ♪

tua, Na te faa - mā - mā a - ve - ga ma sau - nia le a - la. Sau - nia le a -

C<sup>#</sup>m F<sup>#</sup>m D

25 1. 2.

la. ia ou\_\_ á - sa\_\_ to - á - fa, ia fo - lau ai\_\_ i le va -

25 A E F#m

sa. \_\_\_\_ A Ia au - ina a - 'u ou te a - lu la - va \_\_\_\_

28 E7 A

Ou te fai Lo - na fi - na - ga - lo, Na te a - ve a'u i le nu' -

30 D E

u o fo - la - fo - la - ga.

32 Bm7 D E A

36 D.S. al Coda

tai. Pe fuli - tua isi ia te la, Ou te tu mo Ia. A muli - mu - li

36 C<sup>#</sup>m F<sup>#</sup>m D

CODA

39  $\emptyset$

la. Sau - nia le a - la.

39 A C<sup>#</sup>m F<sup>#</sup>m

42

Po o fea ou te i ai,

42 D A

44

e le na'o a'u ei ai. E i ai lo'u Faa - o - la ma a - 'u.

44 C<sup>#</sup>m F<sup>#</sup>m D

# Alu ma Fai ma le Faalagolago i le Atua

**Saunia e Peresitene Henry B. Eyring**  
Fesoasoani Lua i le Au Peresitene Sili

---

**O**le taulealea o Nifae i le Tusi a Mamona ua faatupuina i totonu o i tatou se manao e atiina ae le faalagolago i le Alii e usiusitai i Ana poloaiga. Na feagai Nifae ma tulaga lamatia ma na ono oti ai ina ua ia faia nei upu o le faatuatuaina faapea e tatau ona tatou lagona le tumau i o tatou loto: "O le a ou alu ma fai mea ua poloaiina e le Alii, aua ua ou iloa e le tuuina mai e le Alii ni poloaiga i le fanauga a tagata, vagana o le a saunia e ia se ala mo i latou ina ia mafai ai ona latou faataunuina o le mea ua ia poloaiina ai i latou" (1 Nifae 3:7).

E maua lena faalagolago mai le iloa o le Atua. E sili atu nai lo se isi lava tagata i le lalolagi, ua tatou, e ala i mea mamalu na tutupu i le Toefuataiga o le talalelei, lagona le agaga faafetai mo mea ua faaalia mai e le Atua e uiga ia te la lava ina ia mafai ona tatou faatuatuaina o la.

Mo au, na amata i le 1820 i se taulealea i se togavao o laau i se faatoaga i le setete o Niu loka. O le tamaitiiti, o losefa Samita le Itiiti, na savali atu i se nofoaga tuufua ma tootuli ai e tatalo ma se faatuatuaga atoatoa o le a tali mai le Atua. O taimi taitasi ou te faiatuna ai lana tala, e faateleina ai lo'u faalagolago i le Atua ma Ana auauna:

"Na ou vaai i se malamalama faaniutu i luga ae tonu o lou ulu, e sili atu le pupula nai lo le la, ua

alu ifo malie lava seia oo mai ia te au.

"... Ina ua oo ifo le malamalama i o'u luga, sa ou vaai ni Tagata se toalua, o lo laua pupula ma le mamalu e le mafaamatalaina, o tutu a'e i ou luga i le ea. Sa fetalai mai le tasi o i laua ia te au, ma tau mai ia te au lou igoa, ma fetalai mai, ao tusi ane i le tasi—*O Lou Atalii Pele lenei. Faalogo ia te la!*" (losefa Samita—Talafaasolopito 1:16–17).

Na faailoa mai e le Tama ia i tatou o loo soifua o la, o lesu Keriso o Lona Alo Pele, ma ona o le tele o Lona alofa ia te i tatou, ua auina mai ai lena Alo e faaolaina i tatou. Ma talu ai e i ai la'u moli-mau na la valaauna se tamaitiiti o se perofeta, ou te faatuatuaina ai Ana apostolo ma perofeta i ona po nei, ma i latou ua latou valaauna e auauna atu i le Atua.

E te faaalia lou faalagolago i le Atua pe a e faa-logo ma le faamoemoe e aoao ma salamo ona e alu lea ma faia soo se mea ua la poloai mai ai. Afai e lava lou faalagolago i le Atua e faalogologo ai i Ana savali o le faamalosiauga, faasa'oga, ma le taitaiga mai Ana auauna, o le a e mauaina i latou. Ma afai loa e te alu ma faia le mea ua la finagalo e te faia, o le a faatupu-laia lou mana e faalagolago ai ia te la ma o le a oo mai le taimi, o le a lofituina oe i le loto faafetai ina ua e iloa ua la faalagolagoina oe. ■

*Mai se lauga o le konafesi aoao ia Oketopa 2010.*



# alu ma fai



"Ma sa oo ina fai atu a'u, o Nifae, i lo'u tamā: O le a ou alu ma fai mea ua poloaiina e le Alii, aua ua ou iloa e lē tuuina mai e le Alii ni poloiga i le fanauga a tagata, vagana o le a saunia e ia se ala mo i latou ina ia mafai ai ona latou faataunuina o le mea ua ia poloaiina ai i latou."

**1 NIFAE 3:7**

O LE EKALESIA A  
**IESU KERISO**  
O LE AU PAIA O ASO  
E GATA AI


[ChurchofJesusChrist.org/youth](http://ChurchofJesusChrist.org/youth)

AUTALAVOU MATUTUA

**UA SAUNIA MO  
SE AMATAGA FOU?**

*Ua faasoa mai e le autalavou  
matutua a latou tala o le salamo  
ma le liliu atu i le Faaola.*

42



AUTALAVOU

**2020 AUTU A LE  
AUTALAVOU**


56, 60,  
64

MATUA

**FAAAOGA LE SIATA  
LENEI O LE TUSI A  
MAMONA E FAITAU  
AI I LE TAUSAGA  
LENEI!**

U12

O LE EKALESIA A  
**IESU KERISO**  
O LE AU PAIA O ASO  
E GATA AI



# Uo

Faitau le  
**Tusi a  
Mamona!**  
Tagai i le itulau U12



Saunia e  
Peresitene  
Russell M.  
Nelson

# O Le Tusi a Mamona Pele



**E**faapefea ona pele le Tusi a Mamona ia te oe? Afai e ofo atu ia te oe ni taimane po o ni penina po o le Tusi a Mamona, o le a le mea e te filifilia? O le Tusi a Mamona o le afioga moni lava a le Atua. O loo aoao mai ai e uiga ia Iesu Keriso.

Ou te valaaulia outou e faitau le Tusi a Mamona i aso uma. Tatalo ma mafaufau i mea o loo e aoaoina.

Ao e faia lea mea, ou te folafola atu:



*Sii mai le “Auai o Tuafafine i le Faapotopotoina o Israelu,” Liahona, Nov. 2018, 68–70; ma le “Tusi a Mamona: O le a Faapei Lou Olaga e Aunoa ma Ia?” Liahona, Nov. 2017, 60–63.*

- O le a e latalata atili atu i le Faaola.**
- O le a e faia ni filifiliga e sili atu—i aso uma.**
- O le a fesoasoani ma musuia oe e le Tama Faalelagi.**
- O le a mafai ona e manumalo i faaososoga.**
- O le a faamafanafana ia te oe, faamalosia oe, ma faafafia oe.**
- O suiga ma wavega o le a amata ona tutupu!**

## E Faapefea Ona Pele le Tusi a Mamona ia te Oe?

O le tausaga lenei o loo matou aoina mai ai tala, ata, ma atatusi e uiga i le Tusi a Mamona pele. O le a matou faaalia ma lolomi nisi o i latou i le mekasini!



Ina ua ou aoao e faitau, Ina aumai e lou tina ia te au se Tusi a Mamona ma fai mai ia te au e faitau i ai o se sauniuniga mo lou papatisoga. Talu mai lena taimi, na ou faitauina i aso uma. O le tala ou te fiafia lava i ai o le taimi lea na maua ai e Liae le Liahona.

**Keyla S., 7 tausaga,  
Aai o Mekisiko, Mekisiko**



Sa ou tuuina atu Se Tusi a Mamona i se tasi o lau vasega i le aoga.

**Felipe M., 9 tausaga,  
São Paulo, Pasila**




**Ari K., 9 tausaga, Nuevo Leon, Mekisiko**



**"Laaau o le ola,"  
Russell K., 8 tausaga,  
North Carolina, ISA**

## AUINA MAI IA I MATOU LAU ATA PO O SE AAFIAGA!

1. Tusi se ata, pue se ata, pe tusi e uiga i le Tusi a Mamona.
2. Auina mai ia i matou! Tagai i le faavaa i tua e iloa ai pe faapefea.
3. Matamata le Uo i masina taitasi e iloa ai pe o faapefea ona mulimuli tamaiti i le valaaulia a Peresitene Nelson e faitau le Tusi a Mamona.



# Batbayar ma le Tusi e i

**Saunia e Richard M. Romney**

Mekasini a le Ekalesia

(E faavae i se tala moni )

O se aso matagi i Monokolia. Sa savali atu Batbayar e iva tausaga le matua mai le fale faatali pasi ina ua tuua le aoga. Sa ia fusi mau lona ofu tele i le matagi. O le mea na laki ai, e lei mamaao le fale o ona matua matutua, lea sa ia nofo ai.

“Talofal!” Na fai mai ai Batbayar a o sau i totonu.

“Sau i le fale,” o le tala lea a Tinamatua. “Sa ou faia sina *khuushuur* mo se meaai mama.”

“Faafetai lava!” Sa aapa atu Batbayar i se tasi o pai povi mafanafana, ma feu.

“Faatali! Aua le aia sei taunuu mai faifeautalai, “o le tala lea a tamamatua. “Ua toeitiiti taunuu mai.”

Sa fiafia Batbayar pe a o mai faifeautalai mai le lotu a Tinamatua ma tamamatua e asiisi. E tele mea na ia aoaoina mai ia i laua. Peitai, sa na o le tasi lava le faafitali.

“Mata o le a la fesili mai ia te au e toe faitau mai le Tusi a Mamona?” O le fesili lea a Batbayar. “O le faitau e faigata mo au.”

“O le mafuaaga lena ua la aumaia ai se isi tusi i le aso,” o le tala lea a Tinamatua.

“O le a le tusi?” Na fai mai ai Batbayar.

“O le a e vaai i ai” o le tala lea a tamamatua.

Na vave ona oo mai faifeautalai. Sa latou aai faatasii i pai povi manaia a Tinamatua. Ona fai



mai lea o Batbayar, “Sa fai mai Tinamatua ua lua aumaia mo au se tusi.”

“Ou te manatu o le a e fiafia i le tusi lea,” o le tala lea a Sister Heitz. “E tele lava ata o loo i ai.”

Na tilotilo Batbayar i le faavaa. *Tala o le Tusi a Mamona*, na fai mai ai. O se ata i le faavaa na faaalia ai ni tagata o fausia se vaa.

“Ou te manatua lena tala,” o le tala lea a Batbayar. “E le iloa e le tamaloa le auala e fau ai se vaa. O lea na ia tatalo ai. Ma na fesoasoani le Atua ia te ia.”

“E sa’o lena,” na fai atu ai Sister Enkhtuya. “E te taumafai e faitau le tusi lenei? Ona mafai lea ona e tatalo ia iloa pe o mea o loo aoao mai ai e moni.”

“O le a ou faia,” na folafola atu ai Batbayar.

O le po lena sa ia faitau ai mai le tusi na i ai ni ata. Sa ia faitauina le tala e uiga i le vaa. Ona ia tatalo lea. Sa moe o ia ao mafaufau e uiga i le tagata na fauina le vaa ma le ala

# ai Ata



na fesoasoani ai le Atua ia te ia.

Mai lava i lena taimi, sa faitau ai e Batbayar i po taitasi se tala. Ona ia tatalo lea. Ma o po tai-tasi, e moe ai ao mafaufau i mea na ia faitauina.

Ina ua toe o mai tamaitai faifeautalai, sa la aoao atili ia Batbayar e uiga ia Iesu Keriso. Sa aoao Batbayar e uiga i perofeta. Sa aoao o ia i tulafono a le Atua. Sa alu pea lava o ia i le lotu faatasi ma Tinamatua ma Tamamatua. Ma sa ia faitau pea ma tatalo.

I se tasi aso na i ai se mea taua a Batbayar e tau atu i ona matua matutua. “A ou faitau i tala o i totonu o le tusi e i ai ata, e fiafia lou lo,” o lana tala lea. “Pe a ou tatalo, ou te lagona e moni. Ou te manatu e tatau ona ou papatiso.”

I le aso, o Batbayar o se tagata o le Ekalesia. Ua sili atu lona lelei ma sili atu ona lelei lana faitau. Ma na te faitauina pea lava le Tusi a Mamona i po uma! ●

Na faapefea ona fesoasoani faifeautalai ia Batbayar? O ai o fesoasoani ia te oe?

# Faafeloai atu mai Monokolia!



O ma'ua o  
Margo ma  
Paolo.

O loo ma  
malaga faataamilo  
i le lalolagi e aoao e  
uiga i fanau a le Atua.  
Faatasī mai ma i ma'ua  
a o ma asiasi i  
Monokolia!



E tusa ma le 3 million tagata i Monokolia, ma e tusa ma le 12,000 tagata o le Ekalesia. O le a se mea ua e matauina i lenei ata e tutusa ma lou aiga? O le a le mea e ese ai?

O Monokolia e i Asia,  
i le va o Saina ma Rusia.

E tele atu solofanua i Monokolia nai lo tagata! Ua i ai i faafiafiaga Monokolia tuuga solofanua, ni faga-faga au, piiga, siva, ma meaai mananaia.



O le Mopmohpi Hom,  
lenei, le Tusi a Mamona.



O le tele o aiga i Monokolia e nonofo i le laumua o le aai, o Ulaanbaatar.



O isi aiga e nonofo i nuu maotua. Latou te nonofo i faleie e taua o gers ma lafu manu e pei o iaka, solofanua, ma kamela.



O iaka e pei o povi, ae e tele atu fulufulu!

## Feiloai i nisi o a tatou ue mai Monokolia!



Ou te iloa o Iesu Keriso o le Alo o le Atua ma e alofa o la ia te au ma fanau uma i soo se mea. Ou te fiafia e alu i le lotu ma le Peraimeri, aua a ou alu iina e mafai ona ou aooao ai e uiga ia Iesu.

**Bilegt, 7 tausaga**



Ou te iloa o loo i ai sa tatou perofeta soifua, o Peresitene Russell M. Nelson. Na te ooaoina mea e moni.

**Gerelchimeg, 4 tausaga**

**Faafetai mo le asiasia o Monokolia ma i ma'ua. Feiloai i se isi taimi!**



**E te sau mai Monokolia? Tusi mai ia i matou! Matou te fiafia e faalogo atu ia te oe!**



Saunia e Sister  
Joy D. Jones

Peresitene Aoao  
o le Peraimeri

# O Se Lelei Laitiiti i Aso Taitasi

**A**o ou laitiiti, sa ou taina le vaiolini. Sa ou manao ia leo manaia. Sa ou fia taina mo ou matua ona la faapea mai lea, "Auoi, Joy, tai manaia!" Ae e le'i leo manaia. Sa 'o'i!

O nisi taimi pe a ou le faataitai, e faapea mai lou faiaoga, "Joy, na e faataitai i lenei vайасо?" Na ou manao ai e faataitai ina ia mafai ona lelei lau tata i le vайасо e sosoo ai.


O le toe tepa i tua, o le taina o le vaiolini o se aafiaga lelei aua sa faigata. E ui lava ou te lei fiafia e faataitai, ae sa ou aoaoina le tele o mea mai le faatuina o se sini e faataitai teisi i aso uma.

O le mea lena ou te faamoemoe o le a outou faia. Taumafai ia lelei teisi atu i aso taitasi. E le faamoemoe

le Tama Faalelagi ina ia mafai ona e faia mea uma i le taimi e tasi. O le olaga e faatatau lea i le aoaoina ma le tuputupu ae teisi i taimi taitasi. E finagalo o Ia ia e tau-mafai pea. Ma e finagalo o Ia ia e fiafia i le tuputupu ae!

O nisi taimi tatou te faafaigata ai ia i tatou lava. Tatou te manatu, "Na ou le mafai. E le mafai ona ou faia, "ona tatou faama'amulu lea. Ae o loo fetalai mai le Faaola, "Ia faaauau pea. O lea ou te iinei e fesoasoani ia te oe!" Ona o Iesu Keriso, tatou te le faia ai na o i tatou. E mafai ona tatou tutu i luga ma toe taumafai faatasi ma Lana fesoasoani. O le mea lena e faatatau i ai lenei olaga.

Afai e i ai se mea se tasi ou te moomoo maimau pe ana mafai ona outou iloa i o outou loto, o le faapea atu e alofa le Tama Faalelagi ia te oe. Atonu o e feagai ma mea faigata, ae ua saunia oe e sau i le lalolagi i lenei taimi. Tau lava o le taumafai pea ma faaauau pea ona faasoa atu lou malamalamā. O le a faamanuina ma taialaina oe e le Tama Faalelagi a o e mulimuli i le ala o le feagaiga. ●



E i ai se *Tusitaiala a Tamaiti* fou a le Ekalesia mo tamaiti e tai fitu tausaga agai i luga. E mafai ona fesoasoani ia te oe e aoao ma tuputupu ae ai!



# Tuputupu Ae e Faapei o Iesu

E mafai ona e faaaogaina le *Atinaega Patino: Tusitala mo Tamaiti* fou e fesoasoani ia te oe ia tuputupu ae i auala na tuputupu ae ai Iesu a o laititi e pei o outou. O se auala malie foi e faataitai ai ni mea fou!

## Faaleagaga

Ua faateleina le alofagia o Iesu e le Atua.



## Faaleagafesootai

Ua faateleina le alofagia o Iesu e tagata.



## Faaletino

Na tuputupu ae  
Iesu i le tino.



## Faaleatamai

Sa tuputupu a'e Iesu i le poto.

# O le Faatoesega



**Minchan K., 11 tausaga,  
Gyeonggi-do, Korea i Saute**

**I**se tasi aso i le aoga, sa taufaalili ai inisi o tamaiti o lau vasega i se isi tamaitiiti e ala i le valaauna o ia i ni goa. Sa foliga mai o se mea malie, o lea sa ou auai ai ma i latou. Mo ni nai vaiaso, sa ou taufaalili atu ai ia te ia ma au uo.

I ni nai vaiaso mulimuli ane, sa tau mai ai e lea tama ia te au ona lagona. Sa tiga o ia i a matou upu e ui lava ina sa ia foliga mai sa lei popole o ia i le matou ula ia te ia. Sa fai mai o ia, sa ia tagi i po uma. Sa toetoe lava a ou tagi ina ua ia tau mai ia te au. Sa ou manao e fesoasoani ia te ia ma filifili ai e faatoese atu mo le mea na ou fai atu ai ia te ia.

O le aso la na sosoo ai, sa ou alu atu ai ia te ia ma faauouo ia te ia. Sa ou fai atu, "Ou te faamalie atu na ou taufaalili ia te oe." Sa luelue lona ulu i au upu, ma

sa faatumulia ona mata i loimata. Ae sa ula pea isi tamaiti ia te ia. Ona ou manatuaina lea o mea na ou aoaoina i lau vasega o le Peraimeri: filifili le mea tonu.

Sa ou fai atu i tamaiti o lau vasega ma le lototoa, "Aua le ula ia te ia! Na outou iloa ea le faigata o lenei mea mo ia? Faamolemole ia faatoese mo le mea ua outou faia ma avea ma ana uo."

Ae sa le faigofie ona suia i latou. Nai lo lena, sa latou feita ia te au ma fai mai, "O le a le mea ua te'i a ua e faapena ai? Sa e taufaalili foi ia te ia!"

Sa ou lagona pea le faanoanoa i le mea sa ou faia muamua. O lea na ou fai atu ai, "Ua uma ona ou faatoese atu ia te ia. Ou te manao ia outou malamalamana i ona lagona ma aua nei outou ula ia te ia."

Sa faatoese se tasi o i latou, ma o le toatolu o i matou na avea ma uo lelei. O loo iai ni nai tagata o loo ula pea ia te ia, ae ua ia maua le lagona lelei teisi ona ua ia maua i ma'ua. O le a ou filifili le mea sao e ala i le fesoasoani atu i se uo o manaomia le fesoasoani. ●




## LU'ITAU O LE AGALELEI


Afai e te vaai atu i se tagata fou i le aoga po o le Peraimeri, ataata ma faatalofa i ai.

# Manatu e 8 mo le Faitauina o le Tusi a Mamona

1. Sue se paga faitau ma faitau faatasi.
2. Maka fuaiupu e uiga ia Iesu Keriso.
3. Tusi ni vaaiga e fiafia i ai. (Ma lafo mai ia i matou se ata! Tagai i le itulau U3.)
4. Faitau mai i le tusiata o *Tala o le Tusi a Mamona*.
5. Faaooga le siata valivali o loo i le itulau e U12.
6. Faalogologo i mau o loo i le polokalama o le Potutusi o le Talalelei.
7. Faatino ni tala e fiafia i ai.
8. Matamata i vitio o le Tusi a Mamona i le initoneti.



O le tausaga lenei e mafai ona e mulimuli i lesona o le *Sau*, *Mulimuli Mai Ia Te Au* e ala i le faitauina o fuai-upu mo vaiaso taitasi o loo i le itulau e U14. Ona valivali lea o avanoa e fetaui i nei itulau. O lau molimau ia Iesu Keriso o le a tuputupu ae a o e faitauina le Tusi a Mamona!



# E Mafai ona Ou Faitau



# Guina le Tusi a Mamona

## Siata Faitau o le Tusi a Mamona

E o faatasi nei fuaiupu o tusitusiga  
paia ma lesona o le *Sau, Mulimuli Mai Ia Te Au*  
mo vaiaso taitasi i le 2020.

- |   |                           |                             |
|---|---------------------------|-----------------------------|
| 1. Faatomuaga o le Tusi a Mamona, parakalafa 1, 8–9 | 18. Mosaea 8:16–18        | 36. Helamana 13:2–3; 14:2–8 |
| 2. 1 Nifae 3:7; 4:1, 4–8, 17, 38                    | 19. Mosaea 13:1–5         | 37. 3 Nifae 1:8–15          |
| 3. 1 Nifae 8:10–12, 19–22                           | 20. Mosaea 18:1, 8–16     | 38. 3 Nifae 11:8–17         |
| 4. 1 Nifae 11:1–6, 24–27                            | 21. Mosaea 27:23–26       | 39. 3 Nifae 12:13–16        |
| 5. 1 Nifae 16:18–20, 23–24, 28–31                   | 22. Alema 2:27–31         | 40. 3 Nifae 17:6–10, 20–24  |
| 6. 2 Nifae 2:25–28                                  | 23. Alema 5:14–16         | 41. 3 Nifae 19:25–28        |
| 7. 2 Nifae 9:49–52                                  | 24. Alema 8:14–22         | 42. 3 Nifae 20:3–9          |
| 8. 2 Nifae 25:23, 26, 29                            | 25. Alema 14:26–28        | 43. 3 Nifae 27:3–10         |
| 9. 2 Nifae 27:23–26                                 | 26. Alema 19:16–17, 28–30 | 44. Mamona 1:2–5            |
| 10. 2 Nifae 31:4–12, 20                             | 27. Alema 26:12–16        | 45. Mamona 9:21–25          |
| 11. Iakopo 4:6–8, 12–13                             | 28. Alema 31:31–38        | 46. Eteru 3:4–14            |
| 12. Iakopo 5:71–75                                  | 29. Alema 32:26–31        | 47. Eteru 6:3–9, 12         |
| 13. Enosa 1:3–12                                    | 30. Alema 37:6–7, 33–37   | 48. Eteru 12:27–29          |
| 14. 2 Nifae 9:6–8, 11                               | 31. Alema 40: 9, 23–25    | 49. Moronae 4:1–3; 5:1–2    |
| 15. Alema 7:11–13                                   | 32. Alema 46:12–15        | 50. Moronae 7:45–48         |
| 16. Mosaea 2:5–7, 17–19                             | 33. Alema 56:44–48, 56    | 51. Moronae 10:3–6, 32      |
| 17. Mosaea 4:9–12                                   | 34. Helamana 5:12–14      | 52. 1 Nifae 11:16–23        |
|   | 35. Helamana 10:2–7       |                             |

# O Le Tusi a Mamona o loo Molimau mai ia Keriso

Fiafia

$\text{♩} = 72$

Upu ma le fati na tusia e Nathan Howe

F B<sup>♭</sup> B<sup>♭</sup> Am B<sup>♭</sup> Gm<sup>7</sup> Am Dm<sup>7</sup>

1. O Li - ae sa ua'i i le A - lii Ma tu - ua la - tou fa - le ma o - a, Sa  
 2. O Li - ae ma lo - na nu - u, Sa i - loa Ie - su mai pa - pa - tu - si. A  
 3. Sa a - fio a - tu le A - lii I - na ua toe - tu ma le ma - ma - lu. Sa

E<sup>♭</sup> Dm Am<sup>7</sup> B<sup>♭</sup> Gm<sup>7</sup> C<sup>7</sup> F

toe foi o - na a - ta - lii E au - mai tu - si pa - ia.  
 la - tou usi - tai i pero - fe - ta E ma - nu - ia i le nu - u.  
 Ia faa - ma - nu - i - a i Ta - mai - ti pei o a - u. Tusi

B<sup>♭</sup> Am<sup>7</sup> Dm<sup>7</sup> F B<sup>♭</sup> Gm<sup>7</sup> C<sup>7</sup> F

Ma - mo - na ta'u mai Ie - su Ma ou la - go - na ai le A - ga - ga. Si'u - fo - fo -

Gm<sup>7</sup> A Dm B<sup>♭</sup> Gm<sup>7</sup> C<sup>7</sup> F

ga o le Ta - ma i le La - gi, E la - go - na i tu - si pa - ia.

© 2020 Puletaofia e Nathan Howe. Ua taofia aia tatau uma.

O lenei pese e mafai ona kopiina mo le faaaogaina i le lotu po o le aiga i mea e le faapisinisi.  
 E tatau ona tuu lenei faasilasilaga i luga o kopi taitasi e faia.

# Otiotiga o le Tusi a Mamona

Oti ese ata nei e faatino ai tala o le aiga o Liae ma Sarai.

E mafai ona e tusia ma faaopoopo i ai nisi mea faitino ma tagata—  
e pei o tuafafine o Nifae ma ona uso laiti!

**Ua maua e Nifae papatusi  
apamemea: 1 Nifae 4**

**Ua maua e Liae le Liahona:  
1 Nifae 16:9–11, 16**

**Ua gau le aufana a Nifae:  
1 Nifae 16:17–24, 30–31**

**Ua fau e Nifae se vaa:  
1 Nifae 17:7–11, 16–18, 52–55**



Ou te fiafia e aoao mai tusitusiga paia i le lotu. Ae e faapefea ona ou suesue i le fale pe afai e le fatauina e lou aiga tusitusiga paia? — Seeking i Salzburg

## Lau Susuga Seeking,

E tusa lava pe le suesueina e lou aiga tusitusiga paia, ia manatua e mafai lava ona e faia! Ia fai le mea sili e te mafai e fatau na o oe lava, e tusa lava pe na o sina mea itiiti i aso taitasi. E mafai ona e amata i le siata fatau i le itulau e U12–U14. Fatau nisi o manatu i le itulau e U11!

Pe e te fatauina tusitusiga paia faatasi ma isi pe na o oe lava, e faatasi le Agaga Paia ma oe.

E le o tuulafoaiina oe!

O Le Uo

P.S. O se faailogatusi lenei o mau mo oe! Oti ese ma faapipii ia mau.




“E tupu se mea  
**MAMANA**  
pe a saili atu se  
atalii/afafine o le  
Atua ia iloa atili e  
uiga ia te Ia ma Lona  
Alo Pele. E leai se isi  
mea o loo manino  
ma mamana atili  
ai le aoooina o na  
upumoni nai lo le  
**TUSI A  
MAMONA.”**

Peresitene Russell M. Nelson,  
“O Le Tusi a Mamona: Faamata e  
Faape'i Lou Olaga e aunoa ma Ia?”  
Konafesi aooao o Oketopa 2017.



**O MAU E  
SILI ONA OU  
FIAFIA I AI**





# O Le Opo e Sili Ona Manaia!

**Saunia e Lori Foote**  
(E faavae i se tala moni)

**S**a fafia Eli pe a opoina. Opo mai ia Tama. Opo mai ia Tinamatua ma Tamamatua. Opo mai ia Tina. O ni opo na te lagona ai le mafanafana. Ma le sao-galemu. Ma le fafia.

O le mea lena na opo ai e Eli ia Tina i le taimi o le lotu. Sa fafia o ia e nofo i luga o vae o Tina. E masani lava ona fusi mau e Tina o ia.

Ona faaiuina lea o le sauniga faamana-tuga. Ua oo i le taimi o le Peraimeri. Sa fafia Eli i le Peraimeri. Ua teine matua o



ia i le taimi nei. Tolu tausaga le matua! Sa i ai foi ana ia lava tusitusiga paia!

Peitai i le aso, sa na o le pau lava le mea na manao ai Eli o le faaauau pea ona opo Tina e faavavau.

Na sii atu e Tina ia Eli i lalo atu o le fale faafafia. I le potu o le Peraimeri, sa faanofo e Tina Eli i luga o se nofoa.

“E mafai ona ta o?” Na fai mai ai Eli.

“Leai,” o le tali atu lea a Tina. Sa agalelei lona leo. “E tatau ona e i ai i lau vasega,” o lana tala lea. “Ma e tatau ona ou i ai i la’u vasega.”

Na kisi atu Tina i le alafau o Eli. Ona ia savali atu lea i fafo o le faitotoa.

Sa lagona e Eli le tafe ifo o loimata i ona alafau.

Sa ia mafaufau i le fusiina o ia e Tina. E masani lava ona fusi o ia e Tina pe a la faitauina le Tusi a Mamona. E masani lava ona latou faitau faatasi ma le aiga. Ae o nisi taimi sa faitau ai nao Eli ma Tina.

Sa piki i luga e Eli lana Tusi a Mamona. Sa i ai totonu se ata o Iesu.

Sa tapuni e Eli le tusi ma opoina. Sa ia lagona e pei o loo ia opoina Iesu. Sa ia lagona le mafanafana. Ma le saogalemu. Ma le fifia. O le opo sili lea ona manaia! ●


O le a se mea na fesoasoani ia Eli ia maua le lagona lelei pe a faanoanoa?

# Ua Maua e Nifae Papatusi Apamemea



Sa malaga atu le aiga o Liae ma Sarai i le nuu o le folafolaga. Sa tau atu e le Atua ia Liae e toe auina atu ona atalii i Ierusalema e aumai tusitusiga paia. Sa tusia i luga o papatusi apamemea.

Fai mai Lamana ma Lemuel o le a faigata tele. Peitai na fai atu Nifae o le a alu o ia ma fai le mea ua poloaiina ai e le Atua. Na mulimuli Sama i le faataitaiga a Nifae.



Na tau atu e le Agaga ia Nifae le ala e aumai ai papatusi apamemea mai se tagata amioleaga e igoa ia Lapana.



Sa toe aumaia e Nifae ma ona uso papatusi apamemea i lo latou aiga. Sa matua fiafia Liae ma Sarai! Sa latou suesue i tusitusiga paia i luga o papatusi. Sa latou aoao e uiga i tulafono a le Atua.



E mafai ona ou fesoasoani i lo'u aiga ia suesue i tusitusiga paia. E mafai ona ou lototele e pei o Nifae ma “alu ma fai” mea e poloai mai ai le Atua! ●

*Faitau e uiga i lenei tala i le 1 Nifae 3–5.*

# Na Suesue le Aiga o Lia e i Tusitusiga Paia



O le a lau tala faaletususiga paia e sili ona e fiafia i ai?

# Matua Pele,

Matou te fiafia lava e amata se tausaga fou faatasi ma outou! O le a tatou aoao faatasi e uiga i le Tusi a Mamona. O a tala o le Tusi a Mamona e fiafia i ai lo outou aiga? Faamolemole fesoasoani i lau fanau e tusi se ata ma auina mai ia i matou (tagai i le itulau U3). O le a matou faaalia nisi o nei ata i le mekasini i lenei tausaga! O isi itulau nei e uiga i le Tusi a Mamona mai lenei lomiga:

- O se savali mai le perofeta (itulau U2)
- O se siata e faitau ai (itulau U12–U14)
- O se gaoioiga o se tala faatusi paia (itulau U16)
- O se tala e uiga i le aiga o Liae ma Sarai (itulau U20–U23)
- O se tala e uiga i se tamaititi na maua se auala fou e faitau ai le Tusi a Mamona (itulau U4–U5)

Manuia le tausaga fou!

O Le Uo

## O LE AUALA E AUINA MAI AI ATA PO O SE AAIFIAGA A LAU TAMA I LE LIAHONA

Alu i le liahona.ChurchofJesusChrist.org ma kiliki le "Submit an Article or Feedback." Pe imeli mai foi ia i matou i le liahona@ChurchofJesusChrist.org faatasi ai ma le igoa o lau tama, tausaga, o le oai e nofo ai, ma lenei faamatalaga faataga: "O a'u, [tuu i ai lou igoa], ua tuu atu le faatagaga i Le Eklesia a Jesu Keriso o le Au Paia o Aso e Gata Ai e faaaoga le tusiga a la'u tama i mekasini a le Eklesia, i luga o upega tafailagi a le Eklesia ma fa'asalalauga faaagafesootai, ma atonu i lipoti a le Eklesia, oloa lolomiina, vitio, lomiga, ma meaaoga mo aoaoga." Matou te fia faalogo atu ia te oe!



**Saili le Liahona  
o loo nana i totonu!**

## ANOTUSI

- U2** Mai le Au Peresitene Sili: O Le Tusi a Mamona Pele
- U4** Batbayar ma le Tusi e i ai Ata
- U6** Faafeiloi atu mai Monokolia!
- U8** O Se Lelei Laitiiti i Aso Taitasi
- U9** Tuputupu A'e e Faapei o Iesu ...
- U10** E Taua le Agalelei: O le Faatoesega
- U11** Manatu e 8 mo le Faitauina o le Tusi a Mamona
- U12** E Mafai Ona ou Faitauina le Tusi a Mamona
- U15** Musika: O Le Tusi a Mamona o loo Molimau mai ia Keriso
- U16** Meamalie: Otiotiga o le Tusi a Mamona
- U17** O le a Se Mea o i Lou Mafaufau?
- U18** O Le Opo E Sili Ona Manaia!
- U20** Tala faatusipaia: Ua Maua e Nifae Papatusi Apamemea
- U23** Itulau e Valivali: Na Suesue le Aiga o Liae i Tusitusiga Paia